



بىر قوجاق سئوگى

(قاراداغ شاعرلرى تذكىرىسى)

توبلايان:
حسين دوستى





بیر قو جاق سئو گى

توبلايان:

حسين دوستى

سرشناسه: دوستی، حسین، - 1338

عنوان و نام پدیدآور: بیر قوجاق سئوگی / تالیف حسین دوستی.

مشخصات نشر: تهران: تکدرخت، 1388.

مشخصات ظاهری: 978-5559-600-26-2، شابک: 318 ص.

وضعیت فهرست نویسی: فیبا. یادداشت: ترکی.

موضوع: شاعران ایرانی -- آذربایجان -- سرگذشت‌نامه

موضوع: شاعران ترک (فارسی‌زبان)

موضوع: شعر ترکی -- ایران -- مجموعه‌ها

رده بندی کنگره: 1388PIR8484 ب/96

رده بندی دیوبی: ف18/009

شماره کتابشناسی ملی: 5838971



بیر قوجاق سئوگی

تألیف: حسین دوستی

تاریخ نشر: 1388 / محل نشر: تهران / نوبت چاپ: اول / شمارگان: 2000 نسخه

آماده سازی: مؤسسه غیرتجاری دانش سهند و سبلان / تلفن: 66725559

شابک: 978-5559-600-26-2

فهرست

8.....	باش سؤز
11.....	عاشق قوربانی
16.....	ساری عاشق
21.....	نباتی، سید ابوالقاسم
28.....	عاشق علی کلیبرلی
34.....	قاصر اهری
37.....	سرشار
41.....	نریمان
43.....	قاراداغی
46.....	عندليب قره جه داغی
51.....	هیجری
54.....	سالک
58.....	عاشق حسین جاون
63.....	صرف
64.....	بارز
69.....	هریسی
72.....	عاشق عزیز شهنازی
77.....	خوش خبر
81.....	خاور
86.....	مَمَّلِی

90.....	ستار
94.....	دوزگون
101.....	رشادتی
104.....	ابوالفتح
109.....	محرم قاراداغلی
115.....	عاشيق غفار ابراهیمی
119.....	ذوالفقار
124.....	رحیم
128.....	داوران
133.....	آغیارلی
138.....	آیاز ائل اوغلو
143.....	هریزیلی
150.....	اهری
155.....	ائل اوغلو
159.....	سُودا
162.....	انباز
168.....	انصار قاراداغلی
173.....	سئل اوغلو
178.....	عندليب اهری
188.....	اقبالی
194.....	جلال
199.....	خسروخان
209.....	سلطانی
218.....	فرزانه
223.....	لوائی

228.....	جوادپور
233.....	گولمەز
237.....	اسلامى
243.....	يورغۇن
248.....	آراز
253.....	عىزىزپور
258.....	تۈرك قىزى

باش سؤز

گۆزه‌لليکلر يوردو، قوچاقلىقلار بئشىگى اولان، مقدس تورپاگىمىز آذربايجان،
ائله‌جه‌دە هنر و ادبىيات اوچاغى اولموشدور. اينجە خياللى، دەرين دوشونجهلى و
عموم بشرىت اوچون سعادت آرزىلى شاعيرلر بئجرمىشدىر.

قرەdag ماحالى، آذربايچانىن بىر محتشم بؤلگەسى دىركى اوندولماز
شخصىتلر بئجردىب و آذربايچانىن شعر و موسيقى اوچاقلاريندان سايىلىرى.
قرەdag، وطنىمизىن چىرىپىنان اورەگى، گۆزەن گۆزودور. اونون صفالى سира
داڭلارى، گۆزەل ھاواسى، ياشىل مئشەلرى، درەلر بويو شاققىلىتى ايله آخان
سوڭلارى، باش - باشا وئرىب، قرەdagلى لار كىمى دوشونجهلى انسانلار، هنرمندلر
بئپۇتموشدور. سايىسىز قالالار و مقدس آيدىھلرین قرەdagدا يېرلەشمەسى،
تصادفى حال دىگىلىدىر. قرەdagلى لارين ايللر بويو يابانجى لار اوئوننە دايانيب،
آزادلىق يولوندا موباريزە آپارماقلارى، اذعامىزى ثبوت ائدىر. اونا گۆزەدە سىنگەلرده
بوي آتان آزادلىق سئون بىر مىللەت، سازسىز و سۈزسۈز ياشايا بىلەمەزدى. قرەdag،
آشىقلار و شاعيرلر مسكنى دىر. هله اونون آشىقلارى، شاعيردىرلر. قرەdagدا
آنادان اولان اوشاقلار، ائله بىل شاعير دونيايا گلىرىلر. آنالارين لاياسىلان بوي
آتىب، آشىقلارين سازى ايله توى ائله يىب، ننهلرین آغى لارى و اوخشاماalarى
ايله دە تورپاغا گىئىدىرل!

قرهداغ شاعيرلرى، ووقارلى، كونلوتونخ انسانلاردىيلار. اولار شهرت اىچون شعر يازمايىب لار، ادعاسىز شعر يازىپ، گئجه گوندوز اثرلر ياردىب، ادبىاتىمىزى بويوك خىدمىتلر ائدىيلر. اولارين شعرلىرى، خالقىن اوره گىنندە يئر توتوب، دىلىن دىلە آخيپ، شهر بە شهر يول آچىپ، قولاغلاردا قالىب. كىتابسىز، دفترسىز، بىر بئۇك ديوان ياردىبلىلار.

قرهداغ شعرينىدە، ايستەرسە كلاسيك فورمالاردا، ايستەرسە سربىست شعردە، وطن دويغوسو، خالقا باغلilik، سئوگى محبتى، دىنى – عرفانى ايدىال لار، طبىعت وورغۇنلوغۇ، . . . دالغاوروروب، اوخويانى – ائشىدەنی والە ائدىر. قرهداغ بؤلگەسىنى مختلف ماحاللار تشکىل ائدىر. بو شعر آنتولۇزىسىندا – قرهداغين 18 ماحالىنин شاعيرلىرىندن سوز آچىلىپ. آللى گوللو يايلاقلارдан، دومانلاردا گىزلەنن قايالىقلارдан، داغلارين آراسىنдан، شوش قايالارين باشىنдан، عطىرلى چىچكلىرىن اوپلاغانىندان، محبتلى – سئوينجلى ائولرىن اوتاباغىندان، بوتون كندردن، اوپالارдан، شەھەرلەرن، شاعيرلىرىن سوراغينا گئدىپ، اولاردان شعرلر گىتىرىمىشىك: اھر، كلىئير، خودافرىن، هريس، ورزقان، خاروانا، هوراند، . . . شاعيرلىرىن ده آدى، ياشايىش تارىخى اساسىندا يازىلىپ و رەيفلىنىپدى.

بورادا دئمەلى يېمكى بو شعر آنتولۇزىسىنин وجوده گلمەبى، بويوك ادبىات اوستادى، پرسور دكتىر حسين محمدزادە صدىق اشارەسى و تىشىئى ايلە اوز وئرىپ. بويوك اديب، بىزە يول گؤسترىپ و بو آنتولۇزىنىن بىنناسىنى قويدوروب. تشكىرلر ائدىب و مىننتدارلىغىمى بىلدىرىرم.

شعرلىرين بىر حىصەسىن شاعيرلر اوزلرى، محبتلە منىم اختياريمدا قويوبىلار. ساغ اولسونلار. بىر حىصەسى ده قازئتلەرن، كىتابلارдан گۆتۈرۈلوب. شاعيرلەرىنە

الیمیز چاتمایب و یا این که گئچمیش عصیرلرین شاعیرلری ایمیشلر. بئله لیکله بو شعر آنتولوژیسی، قره داغین شاعر و آشیق لاریندان اورنکلر اولموش و اونا - «بیر قوجاق سئوگی» آد قویموشوق. اومودوم وارکی او خوجولار بگەنیب و اونو آقىشلاسینلار. آلاهدان قىسمت اولسا، گله جىكى، قره داغین بیر آيرى شاعیرلریندن ده، شعرلىيغىب و ايكنىجى مجموعەنى، ترتىب ائده جەبىك!¹

¹ بو باش سۆزدە، محترم ادېلىمیز: هاشم ترلان و ائل اوغلۇنون سۆزلریندن فایдалانمىشام.

عاشيق قوربانى

ساز و سؤز اوستادى - عاشيق قوربانى - شاه اسماعيل ختائى (صفوى) نين،
معاصرى اولوب و اونون تولد تارixin 1477-نجى ميلادى ايلينه تخمين وورولار.
كوربانى نين آنادان اولان يئرى، آراز قىراغىندا، قاراداغين خدااًفرين ماحالىنин، «دىرى»
كندىدى.

كوربانى، بو كنده بويا باشا چاتميش، بورادا تحصيل و بوتا آلمىشدير و بير بويوك
عاشيق و شاعير مقامىن تاپمىشدير. دفعه لرلە شاه اسماعيل ختائى نن گوروشوب و اونا
شعرلر يازىب.

بنؤشەنى

باشينا دؤندويوم، آى قشنگ پرى

عادت دير درهللر ياز بنؤشەنى.

آغ نازىك اللرلەدر، دسته باغلا

تر بوخاق آلتىندا دوز بنؤشەنى.

تازى سنى خوش جمالا - يئتىرمىش

سنى گورن عاشيق عاغلىن ايتىرمىش

ملكلرمى درمىش، گؤى دن گتىرمىش

حىئيف كى درىبلر، آز بنؤشەنى

باشينا دؤندويوم باغا گل باغا

اوگؤزل حوسنوندن باغا نورىاغا
دسته - دسته درىب تاخار بوخاغا
بنؤشه قىز اى لر، قىز بنؤشهنى

سحر اولجاق شىيدا بولبول اوخوشدو
حکم اولوندو سليمانلار يئريشدى
سرت قىش گلدى، گولون واختى سوووشدو
داها ايلەميريك بىز بنؤشهنى.

«قوربانى» دئر: كونلوم بوندان سايرى دير
نه ائتمىشىم يارىم

مندن آيرى دير؟
آيرىلىق مى چكىپ بويينو آيرى دير؟
ھئچ يerde گورمه ديم دوز بنؤشهنى!

منىم
مورشود كاميلىم، شيخ اوغلو شاهىم
بىر عرضىم وار قوللوغونا، شاه! منىم
عزيز باشىن اوچون اوخويازىمى
آگاه اول حالىمدان، قibile گاه منىم.

درىن - درىن دريالارى بويلاadi
خنجر آليپ قارا باغرىيم پئيلدى

اوجلو اولموش وزىز قضا ئىيلدى
گىتمىز داماغىمدان دود — آه منىم.

شاپىر اولان درسىن آلار پىرىيندن
باش آچمادىم سئيراغىبىن سىرىيندن
قولوباغلى كىچدىم خوداferىن دن
اوزوم گولمز، هئچ آچىلماز، آه منىم!

«قوربانى»دئر: باهار اولور گلىر ياز
گؤللرده اوزوشور اوردىك ايله غاز
سرىيم تولىدىر، اوزوم پاي انداز
يۇخدى بوندان غىرى بىر ماتاھ منىم!

گولە - گولە
گىردىم يارىن باغچاسىينا
دئدىم دردىم گولە — گولە
من اونا ائله موشتاقام
ئىچە بولبول گولە — گولە

ناشى باغان ساتما گولو
حرامدى آغچاسى — پولو
كوسدوردون شىئىدا بولبولو
داها گلمز گولە — گولە

«قوربانی» ام ائرمیش
یار قصرينه گیرمیش
بئله جلالاد گورمیش
آلدى جانیم گوله – گوله!

اولا

فلک سلن ووروشماغا بير قابيل مئidan اولا
توت اليمى، فرصت سنين، کاش بئله احسان اولا
گئتمىش ايدىم مورشودومه، دردىمه دوا قيلا
من نه بىلەم، من گلينجه خاك ايله يكسان اولا.

او شاهين كلمه – کلامين ذكر ائتمك گره ک
تابوتو سرو آغاچىندان، كفنى يارپاق گره ک
تئز يوپون، تئز گۇتورون کى، مزارا چاتماق گره ک
بار الاھىم، نئجە قىيىدىن بىر بئله جوان اوله؟!

اي كۈنلۈم، گىنگىلىن قارانى، خندان ائىلەمە
بار الاھى، بؤيوك خاندانى ويران ائىلەمە!
حق تعالى دان صدا گلدى: قوربانى، چوخ غم يئمە!
ھئىچ او لاپىلەم خاندانى – شاهى ويران اولا!

دلىرى

دوروب دولانىم باشينا
عاشىقىندين كوسەن دلىرى!

گۆزلرینى دىك گۆزومە
نە من دىنىم، نە سن دلبر!

اوجا قىدىن زېرىجىدى
نە دئىسن جانە مەنتدى
اىل كۈچۈپ اولكە خلوتدى
آل جانىمى بوتىن، دلبر.

ايىيرمىشىم مارالىيمى
بىر سىنهسى يارالىيمى
گۈنۈز صىر و قرالىيمى
گىچە يوخوم كَسَن دلبر.

«قوربانى» اۋۇنە بىدى
يار حىسرتى قىدىن آيدى
نە دئىيم خَطْرِينه دَىدِى؟
بو من دىلىپر، بو سن دلبر!

«آيرىلىق»
دوران داغلار، سىزلە ھەمدرد اولمارام
داغلار! اسىر گەدىز قارىدا مندى!
سېرىغاپىپىن طۇنە – طۇنە سۆزلىرى

ووردو، جودا سالدی یاری دا مندن.

بو کؤینگین بو یاخاسی، بو باغی
بو سینه‌مین بو دویونو، بو داغی
باغبان ایدیم، من بجه‌ردیم بو باغی
باغبان اسیر گه‌دی ناری دا مندن.

بو دونیا دئدیین بیر بوش الکدی
حقّین مین بیر آدی، دیلده گره‌کدی
«قوربانی» دئر: چرخی دؤنموش فلکدی
جبرایله آیریلدی پری ده مندن!

ساری عاشيق

«بایاتی» استادی بؤیوک عاشيق و شاعیر، میلادی 17 اینجی عصر (قمری ایلی - نین 12 اینجی عصری - صفوی لر حکومتی زمانیندا) اهرین یاخینیندا بیر کتد، دونیا یه گلیب. بو «حاق عاشيقی» آذربایجان ادبیاتینین گورکملی شخصیت‌لریندن اولوب و چوخلی شاعر و بایاتی یازانلار اوندان، الهام آلیب‌لار.

ساری عاشيقی آذربایجان ادبیاتیندا، عاشق علسگرله مقایسه ائله‌مک او‌لار، نئجه - کی عاشيق علسگر، قوشما شعرین نماینده‌سی تانینیر، ساری عاشيق‌دا، «بایاتی» قالیبینین، باشچیسی اولور.

سارى عاشيقىن، بىاتىلارى، اوقدەر، گوزھل، معنالى، آخىجى، اورەكە ياتاندى كى، ايلىر بويى دىللر ازىرى اولوب تويدا، ياسدا، چىخىشلاردا و ... او بىاتى لار مجلس لرىن ياراشىغى اولوشلار.

سارى عاشيقىن، بىاتىدان سورا، «قوشما» لارى دا شعر عالمىندە بئپوك يئرى وار. بۇ حق عاشيقىنин، قىرى زنگە زور محالىندا، «گولە بورت» كندىنده واقع اولوب. سارى عاشيقىن بىاتى و شعرلرى، اورەك سئوگىسى «ياخشى» آدلى بىر قىزا يازىلىب.

سارى عاشيقىن اثرلىرىندە نمونە:

1- بىاتى لار

گوزھل الله گول الله
قول بندەنە گول الله
من كى حاق عاشىقى يام
لا الله الا الله

من عاشيق ياسمن سىز
باغلارىز ياسمن سىز
من اولدوم گولە حسرت
گولشىنىسىز، ياسمن سىز

من عاشيق قالا يئرى
بورج اوستو، قالا يئرى
قيامت اوگون اؤلار
يار گىئدە، قالا يئرى

عاشيق باشينا باغلار

زولفون باشينا باغلار

بولبول اولدی گول سولدو

قالالدى باشينا باغلار

عاشقىق ترسينه قويون

يويون ترسينه قويون

«ياخشى» نين قibileسىنه

منى ترسينه قويون

من عاشيغام وار درديم

يوخ درمانيم وار درديم

گول اكهنلر گول دردى

من گول اكديم خار درديم

2- جيناس باياتىلار

عاشقىغام سالماسادا

خويادا سالماسادا

يار دردين گيزلىنده چك

عالمه سالما صادا

عاشقىق دى بى يارقانا

سالدى من يار قانا

لاچين قوغموش بير قوشام

سيغىنەمىشام يار قانا

من عاشيق گولوستانا
يار چكىر گولوستانا
قورخورام ياغيش ياغا
قوپونندا گول ايسلانا

من عاشيغام گول گوله
گول آچيلا گول گوله
ياخاوا گول تاخيسان
ياپيشىيدى گول گوله

عاشيق دى بير اويانمير
يار غفلتدىن اويانمير
ايكمىزىدە اۇدداييق
من يانيرام، او يانمير

گورونن يار داغىدى
سینەمەدە يار داغىدى
غم لشکرین اوستومەدن
 DAGIETTSA, يار داغىدى

3- قوشما
آياخشى
شىكار ائذىپ توتدوم بير شاه ترلان

سن ائتدىن عاغلىمى زايل، آياخشى
 سنى سئونەن كىچر جان و سرىيندن
 اولار جامالينا مايل، آياخشى!

محبى اولان ايستر سازىنى
 من چىرم هر دم سنين نازىنى
 شمس و قمر كىمى گۈركۈز اوزونو
 گون تكى عالمه ياييل، آياخشى!

قاشلارين بىر اوخدو، كىپرىيگىن آلماز
 هارامدان اوخلاسان، اورام ساغالماز
 گىدر بولۇزەلىك سنه ده قالماز
 اىگر چى سرخوشسان آييل، آياخشى!

منى سنه عاشيق ائتدى يارادان
 سىرايىبى حاق گوتورسون آرادان
 اىستەپىرسن خبر توتگىل سارادان
 يوللاريندا منم يىل، آياخشى!

گلمەدين

وعده وئرىب منه گللم دئميشدەين
 گۈزۈم قالدى انتظاردا گلمەدين
 سنسىز منىم آغلاماقدى مونىسىم
 منصور كىمى قالدىم داردا، گلمەدين

اليف قدديم آيدى هجران ملالى
 نئجه خم ائيلەميش قاشين هيالالى
 سالدى منى غمه زولفون خيالى
 منى قويدون اشکباردا، گلمەدين

من ائله عاشيقەم، اى وعده خيلاف
 نيزە آهيمدان چرخ اوilar شىكاف
 بئلە اوilar، آى بى موروت، نانصاف؟
 گئىتىدۇن الدن اىختياردا، گلمەدين

نباتى، سيد ابوالقاسم

سید ابوالقاسم، «خان چوبان» و «مجنونشاه» لقبى له مشهور اولان بؤيوك شاعر، 1215 هـق (1179 ش / 1800 م) تارىخىنده قاراداغىن «اوشتوبون» كندىنده آنادان اولوب و 1262 هـق (1230 ش / 1852 م) تارىخىنده همان يerde وفات ايدىب و اورادا دفن اولونوبىدور.

نباتى توركجه، عربجه و فارسى شعرلىرى يازىب و اونون شعرلىرى اورهكىلدە نفوذ ايدىب، خلقين دىلىنىن ازىرى اولموش.

سید ابوالقاسىم نباتى، آذربايچان توركلىرىنин «خواجه شمس الدين حافظى» و «شمس تبريزى» سى و بعضى مقاملاردا «مولانا جلال الدين مولوى» سىدى. نباتى بير بؤيوك شاعر و عارف كىمى، آذربايچان ادبىاتىندا، اوزونه بؤيوك يئر آچىيدىر. اونون

دیوانی نی مکمل شکیله اوستادیمیز دکتر ح. م. صدیق نشر انتمیشلر. بیز آشاغیداکی
شعرلری بو چاپدان سئچمیشیک:

نباتی شعریندن نمونه‌لر:

۱- غزل

(1)

نیسبت سنه ای شوخ! زولیخا او لا بیلمز،
بو عیشه‌ده، بو غمزه‌ده، لیلا او لا بیلمز!
آهوى خُن سندن آلیب طرز نیگاهی،
گولبرگ لبین تک گول حمرا او لا بیلمز.
اثتمم گوژونو نرگیز شهلا لیه برابر،
زولف سیمهین تک شب‌یلدا او لا بیلمز.
جان نقده‌نی بیر بوسه کرم قیل سنى تانرى،
داھى دئمە: «آل چك کى بو سئودا او لا بیلمز!»
مندن سنه عجز ائیله‌مک او لسون گئجه – گوندوز،
سندن منه هى نازکى: «حاشا! او لا بیلمز!»
بس کى منی گورجک، منه وحشی کیمی باخدین،
ایندى داھى مجنون منه همتا او لا بیلمز.
چوخ عشقه دوشن عاشق بیچاره‌نى گوردو،
ھئچ بیرى «نباتی» کیمی شئیدا او لا بیلمز.

(2)

اولدو کؤنلوم يئنه بیر زولف چلپا دلیسى،
دوشدو زنجیره نه خوش يئرده بو سئودا دلیسى.
عورو عوریان، باش آچیق، اوز چئویریب دریا يه،

قويدو مجنونو يارى يولدا بو صحرا دليسى.
 عاشيق سوخته دير، بولبول شىدакى دگيل
 كى اولوبدور دئيه سن بير گول حمرا دليسى!
 ربّ آرنى دى يەنinin ذكرى دونوب موسايه،
 دشت ايمنده اولوب تور تجلّى دليسى.
 دئمه فرهادىلە مجنون دلىدىر، بير برى باخ،
 بيرى شىريين دلىسىدىر، بيرى ليلا دليسى!
 كونج وحدتە تباھ اولدو عزيز عۆمروم، حيف!
 اولمادى يار منه بير بوت زىيا دليسى.
 خوشلايىدىر گۈرەسن هانسى مزارستانى،
 دئىين اول زاهىدە: اى بير كؤكە حالوا دليسى.
 باشىنى آز يئرە دئى، دنگ صيفت، اى حيوان!
 آلمادى جنتى بير آرپايما مولا دليسى
 گول آياغىندا سحر واختى يىخىلەمىشدىم مست،
 بيرى سىسلندى كى: اى بير گول رعنا دليسى!
 بير آيل، گۈركى «نباتى» نئچە اوراد ائيل?
 نه ياتىسان بئلە؟ اى بير گۈزو شەلا دليسى!

2- قوشما

صبا مندن سؤيلە او گۈلەزارە:
 بولبول گولوستانا گلىسين، گلمەسىن؟
 بو هجران دوشگۇنو، ايللر خستەسى،
 قاپينا درمانا گلىسين، گلمەسىن؟

من قوربانی اولوم عنبر تللرین
 غنچه دوداقلارین، پوسته ديللرين
 او لاله روخسارين، مشكين خاللارين
 اودونا پروانه گلسین، گلمهسین.

گوزوم چوخ حسرتدير خومار گوزونه،
 گونش جمالينا، شکر سؤزونه
 او تانيزام، نئجه دېيىم أوزونه،
 دردین خسته جانا گلسین، گلمهسین?

دولاشدير بويونما شمشاد قولونو،
 قوجوم اينجە بئلينى.
 لعل لبين أميم، سوروم ديلينى،
 ايستر ألى جانا گلسين، گلمهسین!

«نباتى» ايستمز سنسيز دونيانى،
 عزّتى، حورمتى، شوكتى، شأنى،
 بير زادا قالمايىب داها گومانى،
 بوباس، او مئданا گلسين، گلمهسین؟

3- بىشلىك

گئت دولانگىلەن، خامسن هنۇز،
 پوخته اولماغا چوخ سفر گرگ.
 مرغ قاف ايلە همزبان اولوب،

دؤوره وورماغا بال و پر گرک.

کوه عشقه گل، گئتمه بى دليل،
غول دنگ تك دوشمه چوئللره.
تاكى سالىكە رەنمۇن اولا،
خىضر رە كىيمى راھبر گرک.

يوخ، يالان دئىيم، هرزه سؤيلەدىم
واضحىن دىئىيم، دوغرو سؤيلەيىم:
حقّه عارفى و اصيل ائتمگە،
بىر دوداقلارى گول شكر گرک.

زولفى عنبرين، خالى نازنىن
غىنچە تك دهان، قاشى جان سىستان
شاه گولروخان، ماه بى قرىن
نسىرن كىيمى سىيمىر گرک.

لاله تك أوزو آل ياناق اولا،
تازە گول كىيمى تر بوخاق اولا.
آغ آياز أوزو آيدان آغ اولا،
قاشلارى اوナ ھم سپر گرک.

ھەمعنان اولا مھر و مار ايلە
ھەمزبان اولا نور و نار ايلە

زولفو بحث ائده شاهمار ایله
گنج سینه‌سی پرگووهر گرک.

حقه آشینا، خلقدن جدا،
ائیله میش او لا نفی ماسوا.
ترک ائده بوتون یاردان ادا
اول مسیح تک بی‌پدر گرک.

قویگیلن قدم دیره لاجرم،
نقش بوتدا گور سر وحدتی
بو چگونه‌دن واقیف اولماغا،
بیر جنون حق، مرد ار گرک.

آز دانیشگیلن، اولگیلن خموش،
ائتمه عالمه سر عشقی فاش.
بوردا دورما چوخ، کئچ بو ورطه‌دن،
بو مقوله سؤز، مختصر گرک.

منع قیلماین چوخ دا زاهیدی،
عذری وار اونون، عاشقی اولماییب.
او عیث یئره خلق اولونماییب،
باغبانا بیر کلله خر گرک.

جد و جهد قیل، عارف اول، گوزوم،

علم عشقدن اولما بى نصىب.
جوم بو بحرى بير، تاپ او گۇوهرى،
«عاشىقەم» دئين ترک سر گرک.

راه پر خطر، بخت واژگون،
زولف يار تك شب سياھگون.
ايندى غىيىدەن خان چوبانىيە،
نخل طوردان بير شر گرک.

هر خسىسە گل، ائتمە التجاء
اولماز اوْزگەدن حاجتىن روا
موشكول آچماغا شاه لاقتى
عنتر اوْلدورن شىر نر گرک

بو جواهيرىن يوخدو قىيمتى
آچگىلن گوزوم، ياخشى سئيرقىل
هر بىرى دەير چىن خراجينا
موفته وئرمىم، سىيم وزر گرک.

بىر گۈزل جوان ايسىرم، همان
كىيم بو سۆزلىرى اىئلەسىن روان
هاردادىر دئسىن بىر شكر زبان
كىيم بو سۆز منه عامى تر گرک

ساقى! گل منى جام عشقدن
 بير کرم قيليب اوپله مست قيل
 تا دئسينله خلق: لال او تورماغا
 بو «نباتى» تك بخته ور گرك.

4- رو باعى

ساقى بو قدم خيالدان حاصليل نه؟
 بو رنج غم و ملالدان حاصليل نه؟
 دور، باده گتير گرداش، بير جام يئريت
 بو بيهده قيل و قالدان حاصليل نه؟

ساقى! ايشيميز ناله و افغان اولدو
 زولفون كيمى حاليميز پريشان اولدو
 قويدون بئره جامى، بيزدەن أوز دئندىرىدىن
 بير بوسه ديك وئر بيزه سن، قان اولدو!

عاشيق على كليبيرلى

عاشيق على كليبيرلى، بعضاده مولا على كليبيرى بعضاذه عاشق على آھرلى و يا
 قاراجاداغى، قره داغين «كليبير» ماحالىندا دونيايا گۆز آچدى. سونرالار «شوشا» شەھە-
 رينه گئدير و اورادا ساكين اولور. گۈركىلى شاعير، «موللا پناھ واقف» ايله همىعصر
 اولوب و اونلان موناظيرەلر ائديب.

عاشيق على نين، گۆزەل غزل، قوشما، گرايلى و موستزادلارى وار و بير نئچە
 داستان اونون آدينا باغلانىب: «على ورافى ناغىلى»، «على و لىلى خانىم ناغىلى».

پاين وار

باشينا دولانىم گىدەن سلاطين
گوزھلىكىدە امەيىن وار، سايىن وار.
صوراھى گرددنин، گۆزەل قامتىن
اياناميرام گۆزھلىكىدە تايىن وار.

سنه قوربان اولوم چىشمى پىالە
منى سالدىن فيكىرە - ذىكىرە - خيالە
لبين شهد و شكر، ياناغىن لالە
خودام وئىrip، گۆزەللىكىدە پاين وار.

من عاشيق «على» يەم باغىندا بولبول
درىب سوسن لرىن، سرئىديم سونبول
قوىما كوشىسون بولبولوندن قىزىل گول
صدان دوشوب بو جاهاندا هايىن وار.

ساغ يئرى

بويو بستە، لبى قونچە سلاطين
قۇپىنون اىچى، جىنت يئرى، باغ يئرى
بىر عىشوه ائىلەدين آلدىن جانىمى
ھېنج قويىمادىن جسىدىمە ساغ يئرى

خاللارين گۆزەل دىر ياقوت، يىمندەن
بىر نئچە خىاللار گىچىبىدى مندىن
ترلان قوش تك قىناق وورام مەمندىن

قانى قاچار مودام قالار آغ يئرى

عاشيق اولان بىلر عاشيق حالينى
قيسمت اولا، قوجام اينجه بئلىنى
آزجاياندىر «كلىبيرلى على» نى
بئله چكمه اوره ييمه داغ يئرى.

نه دانلار بئله
ايقاليم كچ اولوب، باختيم ياتىيدى
يار منيم اوزومو، نه دانلار بئله؟
ايندى بىلديم عؤمرمۇم باشا چاتىپدى
چون هممىمىم اولوب نادانلار بئلە!

منى قضا توتوب، ايئلمه توهمت
عقليم باشدان چاشىب، ائتمە مذمت
بورج عقرب دەيم، گردىشىم ظولمت
آچيليمير اوزومە، نه دان لار بئله.

«على» يەم آرتىيدى غم — آه و زارىيم
كناрадان دولانىر ياخىن دوستلارىم
آخر اوز دوندەردى و فالى يارىيم
منىم بو دردىمى نەدە آنلار بئله!

ھجران غمى
باد صبا مندن يارا دىيەر سن

اولدوم، بيل دردينى پونهان چكمىكدهن
زولفون كىمى، واره - واره اينجه لدىم
گئجه - گوندوز، آه - فغان چكمىكدهن

گل سنده، منيله دانيش حسابى
ھەن دەن، يوخدان، سؤيلە دوغرو جاوابى
بوندان آرتىق وئرمە منه عذابى
تابىيەم يوخدور غەنەن ھجران چكمىكدهن

«على» دئىير: بو ايشلەرە قوى مەخلى
من دئسەم درديمى داغلار او لار خل
اولونجە ياخاننان، گۇئىورەمەرەم أل
اولوم يېيدى بو هيچرى جان چكمىكدهن

اولموشام
نه ساعاتدا گلدىم دونيا ئويينه
شوم سيتارە، باختى باغلى اولموشام.
طالعيم بىد، گۈنۈم قاراء، جفاڭاش
ھجران ائولي، درد او طاغلى اولموشام.

فلک قويىمادى كى، بىرجه يارىيام
گۆزۈم آچدىم، گۈرۈدوم اوزو قارايام
درد - موختى، ھجران - غەن، سردارى يام
بو دونيادا درد سىغنانغلى اولموشام

«علی» یم چوخ چکدیم درد و بلادان
 غم ال گؤتۈرمەدى من موبتلادان
 عالمى - ارواحدان، قالۇ بلادان
 خون جىيەرلى، قاراداغلى اولموشام.

ياردان آيرىلانىن
 آى آغالار نئچە اولور
 حالى، ياردان آيرىلانىن؟
 آخرى دونور ياشىل اولور
 آلى ياردان آيرىلانىن.

سوت آغىرى، قايماق دوداغى
 آممە يە لېين قايماقى
 داغىلىر اولوس - اوبيماقى
 ائلى، ياردان آيرىلانىن.

سوسن سوبنولوم آيىلىر
 توتونوم عرشه چە كىلىر
 اون دورد ياشىندا بوكولور
 بئلى، ياردان آيرىلانىن.

بو بىر بادهدىر ايچىلمىز
 مردى نامىددەن سئچىلمىز

لال او لار، هرگىز آچىلماز
دېلى، ياردان آيرىلانىن.

سفر «على» بولار ايمىش
پىمانەمېز دولار ايمىش
قۇنچە ايكن سولار ايمىش
گولى، ياردان آيرىلانىن.
موستزاد

اي سىرىپەھى، سىن گىلەلى سئىرلە باغى
باش چىكمەدى عرعر
چوخ عالى نسبلر اۋۇزونو سالدى آياغە
قول اۋلۇ صىنۇر
بىر خالىن اوچۇن، زولفونە چوخلاр دولانىب دىر
تىكچە منى بىلە
بىر دانە اوچۇن، چوخ قوش اۋۇزون سالدى دوزاغە
دام اولدو موسخىر
سونبۇل اۋۇزونو، زولفونە بىنەتىدى نىڭارىيەم
گۈرۈدۈكى، خطادىر
داغلاردا ياتار، اوزوقارا، باشى آشاغە
قاينغولو، موڭكەر
سن تك پرىنىن منزىلى ويرانە گرگىدىر
يا چىشمەلر اوستۇ
كۈنلۈم كىمىمۇ ويرانە، گۈزۈم كىمىمۇ بولاغۇ
گل اي پرى پىكىر!

دونیادان اگر گئتسه «علی» دار فنايه
 زولفون هوسیندە
 رحمت یاغیشی تورپاغی نین اوستونه یاغه
 قبرى اولا عنبر

قاصر اھرى

آناسى سليم آخوندزاده، اهردن، ايشله مک ايچون، قافقازا گندير و ميرزا اسماعيل 1805 م ايلدە، «آغ داش» ولايتيندە اولان «لكى» كندىنده آنادان اولور. اسماعيل آنادان اولاندان سونرا، آناسيلا بيرليكىدە «شاماخى» يا، سورا آتا – باپاسى نين وطنى اولان «اهر»ه مسافرت ائدير. ميرزا اسماعيل ايلىك تحصيلاتىنى «اهر»دە و مكمل تحصيلاتىنى «تبىزىز»دە بيتىريپ، و «لنكran»دا، شاعرلر مجلسى «فوج الفصحا»نى 1850 م تشکيل وئىrip و اونون باشچىسى اولوبىرى.

قاصر اھرى، آذربایجان طنزىنин، پايە گذارلارينداندى و ادبى اينقلاب باشىچىلاريندان سايىلر. اونون آثارى: غزل، قصىدە، رباعى، قوشما، قطعه و داها ارزىشلى لرى همان، طنزرل و هزل لر ديلر.

ميرزا اسماعيل بى قاصر اھرى 1900 م. ايلىنده لنكراندا وفات ائديب.

قاره پول

حلال مشكلات جهان اولدو قاره پول
 ايئلر ايکى دقيقەدە، مين دردە چاره پول ...
 گاه نار اهلين ايسىتە سە نور اھلى ايئلە يېر
 گە نور اھلىنى سالى بىردىمە ناره پول ...
 مكّه يولوندا صرف اولونور، گاه مدينەدە

گاهی شرابه خرج اولونور، گه قوماره پول ...
 بیر عیبی وارکی، چوخ متکبردی بعضی تک
 داییم اوزون چکر فقرادن کناره پول ...
 گه لنکرانده حاجی نصیره نصیب اؤلوب
 زیده وئریب حصیر، سالیبدی حصاره پول ...
 گه بچه رعیتی ائلر او، کنده کدخدا
 گه گوندۀ ربی اوغلونو هر گون بی یاره پول ...

اسکیناس

ای بوت رعنای جهان اسکیناس
 شاهید زیبای جهان اسکیناس
 جیسمله روح و روان اسکیناس
 راحت دل بهجت جان اسکیناس
 وصفین ائدر شرح و بیان اسکیناس

نرم بدن، شوخ دل آرامسان
 سرخ رخ و سبز و سیه فامسان
 مکر زمان، فتنۀ ایامسان
 حکمی روان صاحب احکامسان

جمله کونلر قوشونا دامسان
 بیزلمه یوخ اوزگله رامسان
 گاه نریمان، گهی سامسان
 مرهم هر درد نهان اسکیناس

آراسیندا

گؤردوم يئنه جانانيمي جانان آراسيندا
 گوباكى، دوروب حوري غيلمان آراسيندا
 هر كيم گوره اول قامت موزونى، دى ير كيم
 بير سرو خوراماندى، گولوستان آراسيندا
 اوخ تك قد دلچوبي اولوب جانىما پيوند
 نى نى بير اليفدير يازيليب جان آراسيندا
 گؤردوم گۈزونو، زولف سياھيله، دئديم بس
 نرگيز آچيليب سونبول و ريحان آراسيندا!
 بير ذره جامالىندان اولوب ليلي ده ظاهير
 مجحنون يئرى وار قالسا بىبابان آراسيندا
 معناده اؤنا جيلوه ائديب عشق زوليخا
 قويدو نئچە ايل يوسفى زيندان آراسيندا!
 حوسن ايله سنه يوسف اولا بلكه برابر
 وصف ايئله يىب آللاه اونى قورآن آراسيندا.
 هر لاف ووران كيمسنه، عاشيق اولا بىلمز
 عاشيق اودوکى جان وئرە مئيدان آراسيندا
 اى كاش اولا بو «قاصر» بىچارە مقصىر
 محبوس اولا اول چاه زنخدان آراسيندا

سرشار

كاظم خان قره داغى نين اوغلى، نجفقلى خان قره داغى (قرا جه داغى) آھرىن حاكىمى مصطفى قلى خانىن، قارداش ايدى. نجفقلى خان، اۋزى بؤيوك سردار لاردان ساپىلار مىش و عاغىل صاحبىي و سخاوت اولگوسى ايمىش – صىدق و صفا و اديب- لىك و شجاعت و مردومدارلىق اونون صيفاتىنдан ايمىش.

قارداشى مصطفى قلى خان، اۋانا حسادەت ائدىپ، نجفقلى خانى، «شوش» قلعە- سىيندە – ابراهىم خليل خان جوانشىرىن الىلە زىنداناسالىر و نجفقلى خانى «قراداغ» دان، «قراباغ»¹ سورگون ائدىر. مصطفى قلى خان اولىندن سورا، قره باغ حبسىندن آزاد اولور «مراغە» دە دوبارەدن زىنداناسالىنir و «احمدخان مقدم»، مراجە حاكىمى، نجفقلى - خانىن گۆزۈنە ميل چكىب، ايشيق دونياسىن قارانلىق ائدىر. سونرا لار قاجار ولعىهدى عباس ميرزا، اونا محبتلىرى گۇستىرىپ مواجىب تعىين ائدىر و 1234 - 19 ھـق 1818 م، نجف اشرفده وفات ائدىر.

نجفقلى خان، شعرىدە «سرشار» تخلص ايدىپ و ياخشى غزل لر، مثنوى لر، رباعى لر، ترجىع بىندرلر، تركىب بىندرلر و قصىدەلر توركى، فارسى و عرب دىلىنىدە يازىر. تأسىفلار اولسون كى سرشارىن دىوانى، هنوز ايشيق اوزى گورمۇب و تېرىزىن مىللە كىتابخاناسىنین ال يازمالار قىسمتىنinde ساخلانىرى.

سورگۇنلۇك گۇنلارى

قراباغ اىچىرە اىستر لالە كۈنلۈم بىس قراداغى
چەكەر بىو حىسرەت اودى سىنه مەھەر دەن قراداغى
بۇ گولشىن اوزە خار اولدى قرا گۇنلۇ كۈنلۈل قوشى
قاچان بولبۇل گۈرەر آغ گون اگر اولسا قراباغى
نە غەم دوستا غلىيغىمدا، شىئر اىچۇن زنجىر عىب اولماز
قەفە سىدە بولبۇل و طوطىنى ساخلاڭلار، نە كېم زاغى

قهدهم باس سن بو گولزاره، سوراغ ائتمه منیم قبریم
 ائندنه رشکِ موشک و عنبرو آشَهَب بو تور پاغی
 سرشگ لاله گوندان قصدیم آر گولزارلیق او لسا
 ائدر باغ ارم رشکی، گوزوم بیر لحظه ده داغی
 اگر دوشمانلاریم طاغی اولوبسا سه‌لیدور بالله
 منه دوستلار بیلَمَن نیچون یارب اولوب یاغی؟
 بو «سرشار»ین مزاریندہ بیتنهن لاله‌لرین جانا
 قراباغی ائدر ظاهیر، بو بیکس دور قراداغی!

گوزه‌ل قیز

بو قیز، گؤپچکلییندہ بی قرین دیر
 تتلی موشکین و خالی عنبه‌رین دیر
 منَور ماه دور یا مهر انور
 هیلالی قاشیله زوهره جبین دیر
 اویزی گول، زولف سونبول، گوزلری مُل
 تئی نسرین و عطری یاسمیندیر
 دیشی دور دیر، دهانی غنچه مثلی
 ولی شکر دوداغی انگبیندیر
 لب و پستان و دست و پای، کوچک
 قالان اعضا و اندامی، سمیندیر
 گه‌زه‌نده چتر آچان طاووس جنت
 دینه‌نده بولبول خُلد بریندیر
 وجاهتده اونا انسان یئتیشمز
 فرشته یا پری یا حور عیندیر!
 زولیخا یوسفیله میشل مجنون

او ليلى خرمانينه خوشە چىندىر
 گۈزەل گؤيچك بۇ صورتىدە نىڭارە
 ثىتا جان آفرىندىن، آفرىندىر
 نىيە چون ايلتفات اتىمز او ئالايم
 بۇ تقرىيە دل شادىم غمىن دىر.
 نە يالقۇز، مەدىنىي «سەرسار» اىتەر
 كە وصاپە روخى بل عالمىن دىر
 فلكلەر، ملکلەر ھەم دىيلىر
 تعالى الله عجايىب نازىن دىر.

غريب

اي قاشقىن يايىنە قوربان، من كىمى يوزمىن غريب
 سالمادىن گر، من غربىي يادهسەن، ديندىر غريب
 سن حببىيەن رحم قىل، من بىنوا دوستاغىنام
 قالميشام زندان آرا بى غمگىسار و بى حبيب
 بئيلە درد بى دوانى من كىمە اىظەھار ائدىم
 كىيم من بىمارە درمان قىلمادى سن تك طبيب
 حسرەتىم قالماز داخى اي حسرەتىم گۈرمك سنى
 اولسا گرمن بى نصىبىه بىرددە ديدارىن نصىب
 قالمادى هجران غمىندىن، اىنتظار وصلىدىن
 گۈزەهتاب و، دلده طاقت، جاندا اي جانىم، شكىب
 گاھ و گە لوطفە نهانون آشكارا ايليسن
 رحمه راغىبىسن ولى گر قويىسا او ئالايم رقىب
 ائتمە خار غم عزيزىم چوخ كە هەرگز اولمىيىب

گولشن عشقینده «سرشار» حزین تک عندیلیب

آهو – صیاد

سالمادین یاده غریبی، گورنه بیداد ائیلهدين
 آستانی ائیلهدين گر یاد بیداد ائیلهدين
 گوزلرین آهوسینه صنید اولدی آهو گوزلولر
 طورفه جادودور بو کیم، آهونی صیاد ائیلهدين
 اشکدن گر خانه مردم خراب اولدی نه باک
 گنج غمند چوخ دل ویرانی آباد ائیلهدين
 لبلری مُل، عارضی گول، زولفی سونبول، دیشی دور
 آغزی غنچه، خالی عنبر، قدی شمشاد ائیلهدين
 ائیلهدين «سرشار»، عوشاقی بو دردهن دربدار
 بسکه دادناله و افغان و فرباد ائیلهدين!

منی ده سای!

ای آیاغین تور پا گینا، عرش اعظم جبهه سای
 نقش کفشین یئر او زونده، عرشه نقش جبهه، سای
 آی و گون گوبایا او زوندور کیم آی و گون، گون به گون
 او ز آیاغینا دُوشہرلر، گیجه گوندوز، ایل و آی
 پایلاسان حوسین ز کاتین پایینی قوی باشیمه
 اهل استحقاق آرا بس دور منیم چون، بونجه پای!
 ائیلهديم هرآی، هرای، سن آی، هرایه یئتمدين
 بو هرای اول وجهندور آیه کیم یئتمز هرای
 خواهش بزم ارم نظمین منیم چون دور عَبَث
 کیم گوروب دور اولدوقونی همنشین شاهه گدائی!

سن سن اول يكتاي گوهه، كيم فلك درياسينه
تايپمادى غواصى فيكريم نه صدفده سنه تاي
سايماسان عاشيقىلار ايچره، سالما بارى ساي دهن
خئيل خوددام دهريندن بيرده بو «سرشار» ساي

نريمان

نريمان خان اجلال نظام، رستم خان اوغلو، قاجار حکومتىينين آخىرلىيندە، قرهداغين «حاج عليلو» اثىلينىن، باشچىسى ايدى. بو اثىلين حکومت و اوتوراق يېرى، ورزقان ماحالىينىن «أوخارا» كندى ايمىش. نريمان خان، اديب و ادب سئوھر بير خوش طبع انسان ايمىش. آذرى موسىقى سىىندن ياخشى معلوماتى وارايمىش و اۋزى، قۇپۇش چالارمىش.

اونون ياخشى كتابخاناسى وارايمىش و عارفانه – عاشقانه شعر يازارمىش.
نريمان خان 1317 – نجى قمرى ايلى، «تازەكىد مسقراڭ» كندىنده وفات ايدىر و
جنائزهسى مقدس «قەم» شهرىنده دفن اولور.

نيقابىن چكدى

نيقابىن چكدى روبيىندەن، او ترسا، ماه تابان تك اودمىدە موج اندىب عشقىيم، او زوندە بحر عومان تك دئدىيم ترساقيزى ترسا! چىخارتىدين دين و مذهب دن عجب انتدىن منى روسوا، جاھاندا شيخ صناعان تك ايا ترسا قىزى، يولسوز! منى يولدان كثار ائتمە دوتار آھىم سنى بالله، يانارسان نار نئيران تك او خال و زولف و ابرولر، شب يلدايىه چۆخ بنزەر قاشىن آى دىر، گۈزۈن شەھلا، اوزون مهر درخشان تك

گرەک تر ک ائىلەيم مسجد، دوتام معبد كلىسانى
 بو آخر عۆمۇمو ائتدىن عجب مردود شىطان تك
 دئسمەن انسان غلط سۈزۈر، دئسمەن حورى بىتلە اولماز
 اوپۇر وخشى قاچىرىمندن، باخىر ھەر دم او جېيران تك
 جمالىن شوقۇنو گۈرسە، اگر چىخ چاھارومدىن
 باخىب ھەر دم دئىير عىسى، اولايدىيم كاش انسان تك!
 كۈچەم يېر اوزرە بىر ساعت، اولام ھەم صوبخت و ھەم دوش
 سالام بىر تخت زرىنه، چو بلقىس سليمان تك
 «نباتا^۱» شىڭرا، آى قىزى! بولاردان چوخ داشىرىين سن
 بدن گىزدىر لىياس اىچىرە، چو مشھور صفاهان تك
 منىم بىر توحھە لايق، سنه يوخدور يقىنىمىدور
 باشىم گل كەس قاباقىندا اولوم مقبول، قوريان تك!
 وارىمىدور بىر جە شىء آمما، اونون وصفىينىدە مېھوتىم
 شبىھ پستە خندان اولان دانە نمايان تك
 گلىپ بىر فرتۇتى، قبول ايلە سىنى تارى
 خرىدارون ھزار اولسا، بىرى اولماز «نريمان» تك

سارالديقجا

قارا گۈزلولره مُعتاد اوپۇر كۈنلۈم قوجالدىقجا
 بلى، افزوون اوپۇر تاب حرارت، اود قارالدىقجا
 گزەر ترلان خىالييم كوه و صحرادە، مەثل دىر بۇ:

^۱ - نابات: «خدا آقرىن، محالىنин وينه» كىندىنinde بىر گۈزەل ائرمەنلى قىزىمېش كە نريمان اونو سۈمىش ايمىش.

توله ک ترلان، شیکارین آرتیرار داییم او جالدىقجا
صنوبر قددینه ماپیل اولان كۈنلۈم، نه غافىلسن؟
دوشۇر صحرایە مجنون تك، اوره ک گۆز ياره سالدىقجا
بو داغىندا سنىن اى سرو ۋە، نورستە ليمۇ وار
لطافت گؤستەرير شاخىنده ليمولر سارالدىقجا

قاراداغى

حسن على خان قاراداغى، 1847-نجى ميلادى ايل (1263-نجى قمرى) قاراداغ ماحالىندا آنادان اولوب. او، آنادان اولمامىش كن، آتاسى اولوب، باباسى شوشابا كۆچمۇشور. حسن على خان، شوشادا دولت مدرسىنى بىتىرىمىشىدیر، تحصىلاتىنى، قورتارىب، شخصى مطالعه يولو ايله عرب، فارس دىلىرىنى دە مكمل اوپرەنمىشىدیر. حسن على خان قاراداغى، 1868 دن، 1922-يە قدرە معلملىك ائدير، شوشادا ايلك دفه، يازى تاختاسىندا و مىز صندىلدن، استفادە ئىتمىشىدیر. او، شوشادا، «مجلس فراموشان»ين فعال عضولرىن دن اولوب. حسن على خان ين، بدېرى ارشى، غزل، قصىدە، مثنوى، تمثيل، مستزاد و دېرىلى كىتاب «قاراداغ شاعرلرى نىن تذكىرەسى دىر». قاراداغى 1348 هـ-(1929 م). قاراداغى دە دونيادان گوز يوموب. روس كىتابلارىندا، «خان قاراداغسىكى» دن منظور، همین حسن على خان قاراداغى دىر.

نەبىلىم

فلە يىن بىر بىلە دۆورو او لا جاغمىش، نەبىلىم
سارالىب باغ و گولوستان سولاجاغمىش، نەبىلىم
اوره گىيم پارەلەنىب، سىنەمە داغلار چكىلىب
گوزومە قان سىزىلىب، ياش دولاجاغمىش نەبىلىم

بیتیریب باغ سالیب، بیر نئچه گوللریتیدیم
 اوزادیب دست قضا کیم، یولاجاغمیش، نه بیلیم
 ال چکیب ناکس دن، چرخ ائله ناکس دن ایمیش
 منه تک جوروجفالار قالاچاغمیش، نه بیلیم
 بسله دیم زولف، دئدیم باشیما سالسین سایه
 دولانیب بوینا ایلان تک چالاچاغمیش، نه بیلیم
 سلطنت روتبه سینی خوار تو تاردیم شاهایکن
 منی باشدان آیاغا، غم سالاچاغمیش نه بیلیم
 روزگارین دولانیب حالتی بیر اوزگه حالا
 ای «قاراداغی» منه غم قالاچاغمیش نه بیلیم

سیزیلدار نی کیمی . . .
 ترَحَّمَلِ تَكَّلَمْ يا غزاله
 اوجالتما چرخه بونجاه آه و ناله
 گلیب گفتاره شکرریز اولماق
 یاراشیب سن کیمی طوطی مقاله
 ائله دیر مه او زونده زولف گویا
 ووروب مه دؤوره سیندہ ابر هاله
 گوتور او زدن نیقاپین آچ جامالین
 ضیا کسب ائله نیر اوندان هیلاله
 بنفسه واردیر؛ باشیم دیزیمده
 دوشوب عشقیندہ یوز فیکرو خیاله
 ووصالین حاصیلی شهد مصفا
 فراقین حاصیلی دیر آه و ناله

يئيشىميش باشە عۆمۈرمۇ ايندى هجران
 نوازش ائيلەيىب، دۇنماش ووصالە
 اياغ تك دۇشماش باشدان ايااغە
 اليم توت، ساقىيىا، دولدور پىالە
 پرىشان ائيلىيىن فيكىر و خىالينى
 پرىشان زوڭىدور، موشكىن كلالە
 سىزىلدار نى كىمى كۆنلۈم دىمادم
 دوشوب يۈز پىيج و تاب زوڭىفە چالە
 كونول و ئىدىم او زوڭىفە ال گۆتۈرۈم
 بوكۇندىن كىيم او بوبىدور خط و خالە
 ندىير باعث، قاراداغى، جاھاندا
 اولوبسان غەملىرە بونجا حوالە

سن سىز

گۆرۈنۈر گۆزلىيمە خار بوكۇلشن سن سىز
 ائيلەرەم صوبىحە كىمى نالە و شىيون، سنسىزىز
 ائيلەدى درد و غىميم سىنە فراغت حاصىل
 آغالادى قان منىم احوالىيما دوشىمن، سن سىز
 بونجا هجرانىنا، اى گۆل دخى بىرتايىم يوخ
 ائيلەدىم بىر دئمەدىم شام و سحر من سن سىز
 عشق دىوانەسىيىم خلق بىلىر، مجنون وار
 كوه و صحرادى منه منزل و مسكن، سن سىز
 اى «قاراداغى» يئىير عرضىمى يارە، سؤيلە
 نئىلرم عۆرم اولا يۈز مىن ايل اگر من، سن سىز؟!

عندلیب قره‌جه داغی

ملاعلی عندلیب قره‌جه داغی 19 اینجی میلادی (13 هـ. ق) عصیرین احساسی و بیویک شاعرلریندندی. بو محتشم شاعر، قاراداغین کورسوسو اولان «اھر» شهریندہ آنادان اولوب، بوا باشا چاتان زمان، 14 یاشیندا اهرده بیر گوزل قیزا وورخون اولور. لیلی و مجنون» آدلی بیر منظومه یار ادیب و اوز احوالاتین بو منظومه‌ده، قید ایلیپر. عندلیب، بو عشق ماجراسیندا، شیکست ایله اوز به اوز اولوب – جلالی وطن ائدیب، تبریزه و سونرا «اردوباد» و «تفلیس» و «ایروان» شهرلرینه گندیر. اولاردا «میرزه‌لیک» له گوزدان ائدیب و غوربتده، ناکاملیقلا یاشابیر.

عندلیب مختلف قالیبلرده شعر یازیب: غزل، رباعی، بئشلیک، یدیلیک، اونلیق، قوشما، گرایلی، حیدری و ...

ملاعلی عندلیب قره‌جه داغی، حقیقتاً آذربایجانین تورک شعرینین، سرشناس و عظمتلی شاعرلریندندی. او، بیرینجی شاعردی که «حیدری» یا همان «قايتاری» قالیبیندہ شعر یازیب و ائشیده‌نی واله و حیران ائدیر.

عندلیب قره‌جه داغی نین شعرلریندن نمونه:

1- قوشما

ده، دانیش

دولانیم باشینا، اولوم قوربانین،
آلا گؤزلو، گؤزهل یاریم، دی، دانیش.
بالالاه سنه قوربان اولماقدان سووای،
یوخومدو بیر اوزگه کاریم، دی، دانیش.

چم — خمين، سويونماغىن، ياتماغىن،
 هردن گۇزۇن قىيىب، قاشىن آتماغىن،
 شىرىن — شىرىن ناز و عىشۇھ ساتماغىن،
 الدىن آلىپ اىختىارىم، دىء، دانىش.

اي كان ملاحت، معدن ھونر،
 شمع و جهين سالىپ جانىما شر.
 بىس كى، عشق آتشى اولوب شعلهور،
 نه صبرىم وار، نه قرارىم، دىء، دانىش.

ظولمت هيجرىنده كىچمىشىم جاندان،
 دؤنمەرم سىنىن تك نور جهاندان،
 سى مندىن كەلۆطف اولان زاماندان،
 قارە كىچىر روزگارىم، دىء، دانىش.

بىر بولبول اوخوردو گول بوداگىندا،
 گۈرك صىبر ائىلەمك يار فراگىندا،
 «عندلىيەم» قىشىن بئله چاغىندا،
 سىنسىن مىنەم گولعذارىم، دىء، دانىش.

2- غزل

سرگىشته كۈنلۈمون گئنە يوز مودعاسى وار،
 غوغالى باشىمىن نه بلالى بلاسى وار.
 هەر دم شىكىستە كۈنلۈم آچىلماز، سىب ندىر؟

گل گؤر زمانه‌نین گئنه بیر ماجراسى وار.
 نامهربانى گؤر، گئدیب اغیاریلن گزیر،
 یارب، کیمین بو طرزایله بیر بى وفاسى وار؟
 صراف عقل، لعل لبین مشتریسیدیر،
 جان نقدینى نثار قیلیبدیر، بەھاسى وار.
 وهم ائیله، ترک قیل بئله سئودانى اى كؤنول،
 کیم، بیر خبرلى مزد ایله‌دیر، چوخ جفاسى وار.
 تتها بیلیب وجودیمه قصد ائتمه، اى فلک!
 یوزمین بلا و درد کیمی آشیناسى وار.
 اى «عندیلیب» ناله بى جادن ال گؤتور،
 گل گؤر بو گولشنین نه عجب بیر صفاسى وار.

3- حیدریه

گول اوسته

صونع قودرتدن سیاه خاللارین

عاریضیندە نه زیندانە دوشوبدور؟

بیریسی حبشنیدیر، بیریسی هیندو

بد عمللر خوش مکانە دوشوبدور

عزیزیم نه مکانى،

دهقانین نه دوکانى؟

عشقین آواره‌سینین،

نه يئرى، نه مکانى؟

عاشقیندن اولدن -

يئدیگین نمک، هانى؟

پرتۇ جمالىن اوaldo منور
 تعجب ائىلەرم، الله اكىر!
 مەھر رو خسارىيىدىن خورشىد انور،
 بىر ذىرەدىر آسمانە دوشوبدور.
 عزيزىيم، آسمانە
 زولفو او زدن آسما، يا نه
 وئرمىز فلك حريفى،
 شاھ جنت عاصى منه
 حسرتىيىدىن فغانىيم،
 چولقاشىب آسمانە.

قاشلارين فتنەدىر، گوزلرین جادو
 خىنگ موزگانىن منه تو تدو رو
 گلىپ جان آلماغا كافر بدخو
 وئر نصيحت، بد گومانە دوشوبدور

عزيزىيم بو گومانى،
 درس او خو، بىگو معنى.
 فراقينا كۈنلۈمۈن،
 يوخ ايدى بو گومانى.
 چكمز حوسنۇن صورتىن،
 گلسە اگر بو گون مانى.

حرامی گوزلرین سالیبدیر جنگی،
 یای قاشلارین مژگان اولوب خدنگی،
 چاپدی اینگلیسی، رومی، فیرنگی،
 ایندی فیکری ایرهوانه دوشوبدور.
 عزیزیم ایرهوانی
 حجدن ایره و آنی
 نه ظولم اولدی گورمه دین
 عاشیقه ایروانی
 آز قالیب گؤزوم یاشی،
 بیخا، گل، ایرهوانی

شعله آهیمدن توتوشدو عالم
 نه سببدن سنه یئتمه دی نالهم؟
 «عندلیبم» شوکر ائیلرهم دمادم،
 حسرت گوزوم گولوستانه دوشوبدور.
 عزیزیم گولوستانی،
 اوخدوم «گولوستان» - ى
 گولشن حوسنون گؤرهن،
 ایستمز گولوستانی.
 سنه اولان لطافت،
 باخ گؤر، گول اوسته هانی؟

هېجرى

مېزە محمد هېجرى، 1266 – نجى گونش اىلى (1306 هـ . ق) «ھريس» يىن «آبداللۇ» محلەسىنinde دونيا يە گوز آچدى. هېجرى بىر يوخسول عايىلەدە، بويما – باشا چاتىپ، بىر مىتى مكتبه گئىتدى. سونرا يوخسوللۇق اثىرىنده، تحصىلدىن ال چكىب، آزاد شغىلە چالىشىدى. او تو ز ياشىندا «تېرىزە» كۈچۈپ، كۆمۈرچۈلر كروانسراسىندا، «مېزە» لىك اتىدى. سورالىق دا، تېرىزىدە اۋزى بىر دوكان قويوب و او رادا تېرىز شاعىرلىلن، شعر مجليسى قوروب. هېجرى 1318 ده دوغما يوردى، «ھريس» شهرىنە قايدىپ، 1334 ده فانى دنیا ياكۇز يوموب. اونون توركى و فارسى شعرلىرىندىن، موباريزە و ظالملر اونوندە دايىنماق ياغىر!

پلاڭر آماجى

حق سنى آى كىشى گۇر كىملىرە موحتاج ئىلهدى؟
 سينهوى تىر جفا يە بوتون آماج ئىلهدى
 دوغروسو آنلامىسان، يا كى او لوب لال دىلىن؟
 بىلەمىسن كىمىدى ايشيق گوندوزووو داج ئىلهدى؟
 فورصتى گۇر كىمە وئىرىدى فلک شعبدە باز!
 منى بىر پخمه قومارياز، سنى ليلاچ ئىلهدى!
 مسئلە چوخلارا معلومىدى، بىرین من يازيرام
 گولشن كارگرى، اربابى تاراج ئىلهدى.
 قورخ او گوندىن دوشە سن سىنە بورو قچى اليىنە
 دئىيە سن واى منى دە اختە بو قلالاج ئىلهدى!
 «ھجرى» يىا! سەھم وئىرىدىر سنە، خلائق جەھان
 چونكە حق پامېيغىنى آتماغا حلاج ئىلهدى.

اوْلُسُون

سن ياخشى دولان، اوْزگه‌سى هرجور اولور اوْلسون
 هر كس آج اولور، چيلياق اولور، عور اولور اوْلسون
 سن تازه لباسيله گزيب، كوجه‌ده پوز وئر
 يوخسول كيسى انتاراده منفور اولور اوْلسون
 سن اوْز گونونى ايسته ايشيق، اوْزگه گؤزوندە
 دونيا ايشيقى گر شب ديجور اولور اوْلسون
 غم خانىه يه يول وئرمە، اگر الده وارين وار
 يوخسول قولاغى كار و گۆزى كور اولور اوْلسون
 بانكا تاپيشير صانديقووى، جيبلارى دولدور
 كؤنلون پولونان ايندىكى مسرور اولور اوْلسون
 قوخما يارىم ارشين كيمى، كسگين پيچاغين وار
 خلقين ده ريسين سۇي نهقدەر زور اولور اوْلسون
 احسان قازانىن آس، قوناغين وارلى لار اوْلسون
 اوْغلان! ابوى، هر جوره مغفور اولور اوْلسون
 ياغلى پيلووون اوْستونه قوى جوجە بريان
 باس قارنوا، غيران كاسىبا شور اولور اوْلسون
 هر نه كى اكهرسن، اونو آخىرده بىچرسن
 سؤزلرکى دىدىيم هر نئجه منظور اولور اوْلسون
 «هېجرى، دوزوسن سؤزلرى سن رىشتە نظمە
 قورخوتما اۆزون، مىغمىغا زنبور اولور اوْلسون

نادان كيسى!

ای بوغلارین جهالت اليله بوران کيishi!
 نفسين سؤزيله، خانه عقلی بىخان کيishi!
 چوخدور سنين كيمى فقرانين قانين سۇران
 آخىرده قان قوسار بىلىسىن قان سوران، کيishi!
 بىر يئرده باتسا پالچىغا ائشىك، گلن سەفر
 بىرده عوبور ايلەمزر اوردان، نادان کيishi!
 يادوزدا واردى باغلايدىلار جوملە قول قولا
 سىندىرىدىلار باشوزدا نىچە كارواشان کيishi؟!
 مىسكىن لرىن قانىلە دولان شىشەلر سىنار
 اولماز دوروست، عدل اليله سىنان، کيishi!

وطن

ای منىم جانىم وطن، مأواى جانانىم وطن
 گر قبۈل ائتسەن سنه، قورباندى بوجانىم وطن
 گرچە جان قوربانىن ائتماق كسى شائىنىدىر سنين
 نقد جاندان باشقۇ ئىتىلىم يوخدور ايمكانىم وطن

بى همزىيان

دونياىدە هر طوبورو و وحوشون مکانى وار
 يوخدور منىم كيمى، بىرى بىخانمان اولان!
 سىنهم دولوبىدى دردىلە، نئى تك سىزىلدايير
 گزدىم، تاپانمادىم، اوزومە همزىيان اولان
 ناشى طبىبلىر مرض اوستە، مرض قوبور
 اى چارەسازە درد دل، اى موستغان اولان

گلدی باشا . . .

گلدی باشا اوزادکی، گلمزدی خیاله
گوردون گوزوم ایله کاسانی اولدی پیاله
پیغامیمی کیمدى یئتیره روستم زاله
روستملری سالدی فلکِ پیر، چووواله!

«هیجری نین قبیر داشیندا یازیلان شعر»

فرهاد کوهکن گر اوئلیدی موعاصیریم
اولفت دوتاردى «هیجری» شیرین کلامیله

سالک

اصغر اکبرزاده - شعر و ادب دونیاسیندا - «سالک» تخلص ائدهن شاعر، 1271
نجی گونش ایلی «آهر» ده دونیایه گؤز آچدی. اوشاقلیق چاغلارین «آهر» ده
گئچیریب، گنج چاغلاریندا «تبریزه» کوچوب، اورادا «دوخانیات» ایداره سینده
ایستیخدام اولدی.

سالیک، ایکی دیلده، تورکجه و فارسجه گۆزەل و آخیجی شعرلر قوشوب. دئمه ک
اولار او طنزدە مهارتلى، مرثیەدە باجارلىقلی و لیریک شعردە گورکملی بىر شاعير
ايدي. سالیک 1358/9/21 - ده «تبریز» شهریندە وفات ائدیب و اوردا تورپاغا
تاپشیريلىب.

بىر نىگاه ایله

عالَم دولوبۇ مفسدە و افتیضاح ایله
اما منىمەد سىنئە محزونىم آه ایله
جانانە، مىن قارا تىلى، مخمور گۆزلىرى

قارشى ائديب منى بئله روز سياه ايله
 گول دور نگارييمين اوزى، خطى ياشيل گياد
 باغلارلا دسته لرى باغدا، گياد ايله
 دونياني دولوروبدو گۆزدەل، منده يالقىزام
 يوخدور گوجومكى آرخالانام بوسپاھ ايله
 مجھول دور جماعته، مكنون خاطيريم
 من آغلادىقجا، خلق گولور قاه - قاه ايله
 يازدىم بونامنلى وورغون «هرىسى¹» يه
 قويسون تفاوت عاشقينه خاك راه ايله
 اوستاد شعردىر، اونا مندن سلام او لا
 گون دور، كسىلىمى يىندى موماشاتى ماھ ايله
 «ھېجرى²» يانىندا دير اونا هممىم «ھېرس» ده
 وار ايرتىباطى شاه او لالى پادشاھ ايله
 «سالىك» ھميشه شهد لىبين آزو ائدر
 قلبىن اونون گتىر آله يورغون نىگاھ ايله

1329ھ. ش

ميوه فيشار

من بونامى فيشار ايله ميوه فيشارى نئيليرهم!
 ميوه فيشاردن گلن، آب انارى نئيليرهم!
 آب اناردن دئىيمىم، صوحبت يار ايلن بئله
 آج يالاواج، ياوان ياشيل، صوحبت يارى نئيليرهم

¹ - اوستاد موسى ھېرسى نىزاد، ھېرس شاعرلىرىندىن.² - ميرزا محمد ھېجرى، ھېرس شاعرلىرىندىن.

قد بوكولوبدي نون کيمى، باش آغاربيدي یون کيمى
 قاشى کامان گۆزەل لرى، چشم خومارى نئيليرەم!
 بئل لرى اينجه قىزلازىن، نازىنى چكمك ايسىتەمم
 دام بلاي جان اولان، زولف نىگارى نئيليرەم
 چشم خومارده اولان، عشوه يە، يوخدو طاقتىم
 غمزەسى جان آلان گۆزەل قىز بالالارى نئيليرەم
 غمزە ياردەن دئمە، نغمە تار ايلن بئلە
 غمزە يارى نئيليرەم، نغمە تارى نئيليرەم
 باغ و بھار عۆمۇرۇمۇ، سئىل خزان، خراب ائديب
 هېيوانى نارى نئيليرەم، باغچانى بارى نئيليرەم
 ناز و عيتاب ياردەن، باغرىم اوlobeدو قان منىم
 سئير چمن دە يوخ گۆزۈم، باغ و باهارى نئيليرەم
 «سالىك» يىن آز قالىپ چىخا جانى، فيشار دەردىن
 من بو فيشار ايلن عمو، ميوه فيشارى نئيليرەم؟!

1339 هـ . ش

آرزو لار
 دؤرد بىر طرفدن ائتمىش اىحاطە بلا منى
 ائتسىن گۆرۈم خىلاص، شە كربلا منى
 اىلچاح ايلن دئديم سنه اى زاير حرم
 آستان كعبەدن دوتوب ائيلە دوعا منى
 مشمول بلکە ائيلە يە جانان وصالينا
 مسکين سنى، فقير سنى، بىنوا منى
 گەندىن قايتىدين اولمادى حاصل بۇ مودىدا
 بىلدىم يالانچى، ائيلە مىوبىسن دوعا منى!

چونكى دوعا ايچاتبه اوردا، يقين يئتەر
 ائيلەردى كامكار، كرم ايلن خودا منى
 ائندىيم تووسۇل ، اصغرىن عطشان دوداقىنە
 ائتمىشىدى چونكى غوشەلى بولما جرا منى
 تاكى قويوم اوزومو، حسین(ع) آستانىنە
 مرهون لوطف ائدەشە گولگون قبا منى
 اكىر مزارىنى ئەليلوم شوق ايلە طواف
 ائتسىن خودا او توربىت پاكە فدا منى
 عباس، قېرىپاكىنە دە ئەليلە ئەدىم
 قىلىسىن قبول خىدمتە، اول باوفا منى
 اصحاب جان نىشار حسینە، سلام ئەدىم
 بىلىسىن لە تاكى اوزىلرینە، آشىنا منى
 سۇنرا گىئىدىم نجفده، على(ع) خاك پايىنە
 مشمول ئەلتىفات ئەلەسىن مورتضا منى.
 بو آريزو، اۆزۈن بىلىسىن دەلدى قلبىمى
 نايىل ئەلە بول آرزویە، اى خودا منى
 «سالىك» بول آرزویە يئتىشىمك يقين اولور
 گر ايستەسە حضورە امام رضا(ع) منى!

عاشق حسین جاوان

گونش ایلی 1295 ده (1981 م) قاراداغین گرمادوز ماحالی نین «اوتو کندی» ينده آنادان اولوب. 11 ياشيند، عاشيق علسگرین قارداشی اوغلو، عاشيق موسى يا شاگیردليک ائديب و هابته عاشيق علسگرین قارداشی محمد، قارداشی اوغلو نجف و اوغلو طالب، حسین جاوانين، عاشيق صنعتينده اوجالانماغا چوخ تأثيرلري اولوب. سونرا لار عاشيق حسین جاوان ايرانا گلليب و بويوك مجلسر قوروب. او، ايلك شعرلري ينده «فرمان»، سونكى اثرلرده «جاوان» تخلوصوندن استفاده ائديب. حسین جاواندان نىچە كىتابلار چاپ اولۇنوب: «دانىش تىللى سازىم»، «باھار كىمى»، «شعرلر»، «قوشلار اويانىر». عاشيق حسین جاوان، 1365-نجى ايلده گنجە شهرىنин «قاسىم اسماعىل اوو» رايونوندا ابىليك حياتا گۆز يومدى.

دونيادا

چىرىپىنما اورەگىيم، دئيونىمە قلىبىم
كىچىلمە دوشمانا، آيىلمە يادا.
اودلار اۋلەكەسىنinin اوجالىب باشى
دئىليلر شوھەرتى بوتون دونيادا.

آه چكمە، غم يئمە، چوخ باخما يولا
آغلاما، سىز لاما، ائىلەمە نالا
چوخ چكمەز يئتەرسىن يئنە وصالا
دردىن آرتىب اولوب حدەن زىادا.

پارچالانما اورەك، يارالانما سن
تىزە بوتۇولنىدىن، پارالانما سن

وفالى دوستوندان آرالانما سن
دولان آرخاسينجا، دولان پيادا.

چتىندىر اولومدن، يامان آيرىلىق
ايئلدى قدديمى كامان آيرىلىق
سيخسادا «حسينى» زامان، آيرىلىق
دوستوندان ال چكمەز، دونمز نادا.

سوز قىمتلى دير
ياقوتدان، الماسدان، دوردن، گووهىردن
آنلايان يانىندا سوز قىمتلى دير.
مختىن تىرمەسىنдин، شالىندان
مردلرىن گىيدىيگى، بىز قىمتلى دير.

يالانچىلار دئىيگىنдин اوتناسا
حقىقى سۆزلىرىن معناسىن قانسا
عشق اودونا عاشيق سراسر يانسا
محبّت اهلىنه كۆز قىمتلى دير.

«جاوان حسین» سۇھر آتى، توفنگى
دۇپۇش ميدانىندا ائيلەير جىنگى
محك زرى تانير، گۈرسە مەحنگى
صرآفالار يانىندا، گۆز قىمتلى دير

قاراداغ

دونیا قرار توتوب ساکین اولاندان
 چوخ بلالر چکیب باشین، قاراداغ.
 آلنینداکی هر ایز بیر قرینه‌دیر
 بیلینمیر تاریخین، یاشین قاراداغ.

اوره کدن چکدیگین فریاددی، آهدی
 دیله‌ین — ایسته‌ین خالقا آگاهدی
 هر قایان دؤیوشده بیر قرار گاهدی
 سؤیله‌بیر تور پاغین، داشین قاراداغ.

تبریز بیر آنادیر سنده اوغلوسان
 ائل بیلیر اوره کدن اونا با غليسان
 ستارخان کؤچه‌لی سینه داغليسان
 او دور کی آغاریب باشین قاراداغ

گولر هر بیر داشین، هر بیر اویلا غین
 سردار لار یتیره ر آنا تور پاغین
 «جاوان حسین» الده تو تار یاراغین
 قور خماز دونیا اولسون قوشون، قاراداغ.

قیز

گوزلرینی او خشادیرام یانان شوخ چیراغه قیز
 یانا قلازین طعنه قیلیر عرش او زونده آیه قیز
 حسرتیندن جاوان جانیم خسته دوشوب او زولور

حکیم سنسن درمان ائیله یارام گلسين سایه قیز.

آری کیمی سیزیلدارام بال آلارام دوداقدان
باھار واختی آچان گوللر حیا ائیلر یاناقدان
آغ پامبیقلار خجالتدیر گوزهل، مرمر بوخاقدان
بیر جوت نوبار سینهنده وار وئر بیر کیمسایه قیز.

«جاوان حسین» عاشيق اولوب سنین خط – خالينا
آخشم – سحر حسرت چکیر باحسین گول جمالينا
باعث اولما ناحق يئرە ائلین قیل و قالينا
ایتیرمه گل زحمتیمی، یتئیرمه گل زایه، قیز.

(گراییلی)
دیل واى ائیلر
محبّت سارابی اوچسا
قلب آليسار، دیل واى ائیلر.
کؤنول پروازلاتیب اوچسا
گزھر يارینى
وفادرینى
اوئز ديلدارينى
تاپانماسا دیل واى ائیلر.

عاشيق يارينى گۈرمەسە
سیاه ساچلارین هۇرمەسە

آچیلان گولون دهرمه سه

گول تؤکولر

اغیار گولر

بئل بوكولر

جیغا آغلار، تئل واي ائيلر.

اووچو ايتيرسه مارالى

كسيلر صبرى – قرارى

داغدانان – داشدان خبر آلى

اوره گى يانار

يارينى آنار

دردللى قانار

چمن سيزلار، چؤل واي ائيلر.

محبّین طامى بالسا

عاشيقين آغرينى آلسا

يار يارينا حسرت قالسا

سازدا آغلار

سۈزىدە آغلار

گۆزىدە آغلار

گۆزىدە آخان، سئل واي ائيلر.

هجران ياشى دهرين گلسە

محبّتى ايکى بولسە

«جاوان حسین» ناکام اولسە
 چايالار آغلار
 دوست سوراغلار
 يارى آغلار
 حىئيف دئىيىب، دىيل واى ائيلر.

صراف

مهدى صرافنىيى اھرى 1298 – نجى گونش ايلى «اھر»دە آنادان اولوب. بويا
 – باشا چاتاركىن آتاسى لە «تېرىزە» كۈچوب، ايلك تحصىلاتى آلىپ، سونرا آتاسى ايله
 بېرىليكده، بىزازلىق شغلونه باخدى. بىزازلىق ايشىينىن كىنارىنده درسىن باشا وئرىب 1333
 نجى ايلدە دولت قولوقچوسو اولدى. 1360 نجى ايلدە تېرىزىن بەدارى ادارەسىنندە
 تقاعده نايىل اولدى و 1361 دە فانى دونيادان گۆز يومدى.
 صراف اوز زنگىن اثرلىرىنده، انسانى انسانلىق ذىروهسىنە چاتدىيرماغا چالىشىب،
 صداقت و محبىتى نمايش اشتدىيرىدى.
 «آدام اول»

بىر آيىل يوخلاما چوخ، فوت اولو فورصت آدام اول
 قالمايىب، قالماياجاق بىر بئلە عىزىت، آدام اول.
 اولما مغۇركى، وارمندە مقام و مكىن
 خىلىي آساندى اليىندن گئىدە نعمت، آدام اول.
 ائلهسن خلقىلە رفتارىنى خوش، خلقە كۆمك
 ضررى يوخدى سنه، ائتگىلە خىدمت، آدام اول.
 احترام ائتمەيى، يالتاخلىيغا قاطى ائلهمه

بیر اوتن، ائیله داها نفسی سلامت، آدام اول.
 طمعین کس هامیدان، ائتمه تملق «صراف»
 خاطیر آسوده اوچور، ائیله قناعت، آدام اول.

اوْلماز

گرديش دورو — زامان ثابت و يكسان اوْلماز
 عاقيل انسانلارين احوالى، پريشان اوْلماز
 كىچەجك هر نئجه توتسان، بو دنى دونيانى
 هئىچ كىسين عيزىزى دونياده، كماكان اوْلماز
 خيدمت ائت نوعينه، هر قدر اليىندن كى، گلير
 بير زامانى يئتىشەر خيدمته ايمكان اوْلماز.
 دوز دانيش، ائيلەمە تزوير، اگر انسانسان
 حقوقابازلىق كى داها شىوه مردان اوْلماز؟!
 گئجه — گوندوز دؤلانىر، صحنه اوْلورتئز — تئز عوض
 فورصتى فوتە وئەندن سۈرە، جوبران اوْلماز.
 نە قويوب آخشاريسان، يۈرمە اوزون اى «صراف»
 چوخلو نادان گۈزۈرم، سن كىمى نادان اوْلماز.

بارز

شيخالاسلام، ميرزا جعفر اسلامى اوغلو «بارز» تخلصلو، عباس اسلامى گونش
 ايلىرىنин 1298 - نجي ايلينده (1919 . م) اهر شهرستانىنин آىپيرزان (يختفروزان)
 كنديده آنادان اوْلموشدور.

اوستاد بارز، 1340 نجى ايلده معلم لىك پئشەسىنە مشغۇل و 1370 – نجى ايلده تقاعدىلىگە نايىل اوlobe. «بارز» ايندىيەدەك بئش كتاب، چاپا يئتىرىپ و قاراداغىن، بويوك و محتشم شاعرى تانىنىيىدى. «اىل داياغينا سلام»، «ياسلى ساوالان» بارزىن دىيلرلەدە ازىز اولان كتابلارى دىير. بارزىن يازدىقى شعرلەر، محتوالى، مضمونلۇ و احساسلى دىير و بىر حىصەسىنەدە درىن فلسفى معنالىر يېئر توتوب.

گىچەلر

تنگ اولور باشىما تكلىك سارى عالم گىچەلر

بىر نفر اولمادى منلە اولا ھمم گىچەلر

عشقە بىگانە اولانلار نەبىلىر كىيم نە چكىر

چكمەسىن من چكەنى اهل جەنم گىچەلر

بىر منم – بىر بوقلم، بىر دە بو ويرانە كۈنۈل

او چوموزدە گلىرىك ناللە يە با ھم گىچەلر

كىيمسە بىلەز اورە گىيم سىررىنى دۇنيادە منىم

ياز قلم دورماكى، سىنسىن منه محىم گىچەلر

يارالى كۈنلۈمە گوندۇز وورولان يارەلرە

مهربان يارالى ايستىير قويا مەرمەن گىچەلر

نه وئرر گوندۇزو موھلت منه ھجران سىتىمى

نه قويار باش يېئرە بىر لحظە قويام غم گىچەلر!

عشقىنىه صاديق اولان چەدىلە ھەمت كەرىن

درد و غم چكمەگە باغانلار بئلە محىم گىچەلر

مندە مجىنون كىيمى زنجىرىدە گۈررم اوزومى

اونداكى زولفون اولاز گۆزدە مەسىم گىچەلر

من چكىن غم يوکونى بىر گىچە چىخىن بىئىنە

قويسالار، پشت فلک غەمدەن اولاز خم گىچەلر

پرده‌لی قویدی سؤزون «بارز»ه فاش ائیلمه‌دی
سیرلر اورتوقو بو قورخولو موبهم گنجه‌لر

وطنیم

جیسمیمده منیم تاب و توانیم وطنیمیدیر
قانیم - ایلیگیم - روح و روانيم وطنیمیدیر
آرزیم - دیله‌بیم - کعبه آمال و امیدیم
شائیم - شرفیم - نام و نشانیم وطنیمیدیر
قورباندی وطن تورپاغینا باشیله جانیم
بو جان ایشه گلمز - منه جانیم وطنیمیدیر
بیر لحظه وطنسیز دوزه بیلمز دل زاریم
کوئلوم قوشونا، طورفه مکانیم وطنیمیدیر
حفظیم‌دی وطن کلمه‌سی اوّل دیل آچاندان
ذیکریم وطنیم، نطق و بیانیم وطنیمیدیر
جان اوسته یئنه عشق - ى وطندن دئیره‌م من
اویسمده یئنه ویرد زبانیم وطنیمیدیر
جانان یترینه منده وطن مولکونو سنودیم
گیزلین هدفیم - عشق نهانیم وطنیمیدیر
عوّمرومده - حیاتیمدا - دیاریمدا - ائلیمده
بیر زاده اگر گلسه گومانیم وطنیمیدیر

محبت ماھنی سی

عوّمره باشا چاتدی سازاقلى قیشین
حسرتلر دؤندردی چرخین گردیشین
منده دویدوقجا يازین گلیشین

جاوان طبیعتین الین سیخیرام.

آل – الان لالەلر گول آچدى داغدا
بۈلۈلۈن جەجھى اوچالدى باغدا
بو يېنى دئوراندا بو گۆزەل چاغدا
عشقىن – محبّتىن الین سیخیرام.

آرزمىدى خلقىمىز بختىار اولسون
بۈرۈمۈن ھريانى لالەزار اولسون
او گونكى ايستەدى قىش باھار اولسون
معنوى قودرتىن الین سیخیرام.

شىلىك چوخالدىقجا ائلده – او بادا
دوشىر كەچمېشلىرىم بىر بە بىر يادا
ايىنجەلىك گۆردو كجه من بو دونيادا
ذوقىن – ظرافتىن الین سیخیرام.

عاشيق او خوياندا يانيق كرمى
بىر اولسا كۈنلۈمۈن مىن اولار غمى
مهريان سوگىلى – قانان ھممى
گۆرنىدە اولقتىن الین سیخیرام.

گئچە، گوندوز اولور، گوندوزدە گئچە
بو موبىھم گردىشە تولانىيم نىچە

بیر نازلی دیلبرین اوزون گُورونجه
مین دردین - حسرتین الین سیخیرام.

قوروماز هئچ زامان گُوزومون ياشى
دائيم غوغالى دير بختىمین باشى
گُورنده داغ - داشدا چوبان قارداشى
صيدقين - صداقتىن الين سیخیرام.

«بارز» من وورغونام اۋز سئوگىلييمه
اصيل فرهنگىيمه، آنا ديليمه
آلاندا بير دوستون الين اليمه
سانكى بير ميلّتىن الين سیخیرام!

ياواش - ياواش
گؤسترمه گول اوزون، گؤسترشن اوپور،
گُوزومده گۈز ياشى قان، ياواش - ياواش.
هر دۇنوب باحديقجا يورغون مارال تك،
بىندىن آيرىلىر جان، ياواش - ياواش.

گونش تك بللى دير حوسن - ئى جمالىن
عالمه شمس اوپور عقلين - كمالين
دئمە بىلنميرەم نەدىر خيالىن
كۈنلۈمۈن اىستەيىن آن، ياواش - ياواش.

عاشيق ياتانمازدى اووزون گىچەلر
وئچە گلمز ايشى آلاھ وئچ ائلر
«بارز» علاج اىدەن باخ گۇئر نىچ ائلر
اووقىدىن باش وئرىردىان، يياوش - يياوش.

هريسى

اوستاد موسى هريسىنىزاد 1304 - نجى گونش ايلى «هريس» ده آنادان اولوب.
ايلك تحصيلاتينى اسکى مكتبلرده اوخوياندان سونرا، 1317 - نجى ايلده تبريزه
گئديپ، تحصيلاتين تكميللنديرىپ. ايلر بويى معلملىك ايدىپ 1359 - ده تقاعد
مقامينا چاتىپ.

هريسى، 16 ياشيندان شعر يازىپ و حماسى - عرفانى غزللر، قصىدەلر قوشمالار
يارادىپ. هريسىدىن نىچە جىلد كىتاب چاپا بوراخيلip كە اوجمىلدن «هريس
تارىخي»دىر.

حيات جاودان

پريشان كۈنلому شان - شان اىدەن اووز دىلىسىتانيمىدىر
او گىزلىن دردىمە شاھيد بو چىشم خون فيشانىمىدىر
خىالدا آرزو، غم قلىبىمە، حسرەت گۆزدە، شورباشدا
سارالماق - سىزلاماق نى تك نصىب خستە جانىمىدىر
وارىمدى سىلىسىلە بويونمدا، دوشمانلار سئوبىنمزلر
خبردار اولسالار اونلاركى حورىت نشانىمىدىر
مکانىم حوكى يار ايلە اولان گوندىن قەفەس كونجى
هامى محبسىدىن آزادم، قەفەس دار الامانىمىدىر

انالحق سؤيله سه منصورتك فرهاد اولان کؤنلوم
 چكيلسه داره، باعث، ديلبر شيرين زبانيمدير
 يوخومدور نقش خيلقتده اولومدن ذرّه جه قورخو
 اولوم مقصدى - مقصودوم حيات جاودانيمدير
 «هريسي» سوزلرييم شکردى، كيلكيم نى شكر، شکر -
 شكن دير طوطى طبيعىم، وطن هندوستانيمدير

حيرهت چولى

نى تك سيز يلدارام گئجه لر تا گؤرەم سنى
 سرمنزل سلوک تمنا گؤرەم سنى
 وئرمير امان گۆزۈم ياشى، تا گۇز آچام اىدەم
 الواح كاييانە تماشا گۈرەم سنى
 طرز تفكۈرۈمىدى سلوكىمەدە يول كىسەن
 قوبىرمىكى موقتضاي تقاضا گۈرەم سنى
 اوج خيالدا، دالغالانىر، دور رشاھوار
 تا قظرە، كل كىترتى، دريا گۈرەم سنى
 دل گوزگوسوندە، تۇز تۈرددىبىدىر تعينات
 حاشاكى تۇز سىليينىمەسە پيدا گۈرەم سنى
 حيرهت چۈلۈننە ذىكىر جلى اولدى هو، وەهو
 تا موقتقىدى سير سۈيدا گۈرەم سنى
 آمادە اول كۈنۈل ائله بىيل كاروان كۈچچور
 چوخ شايقىم كى طور تجلا گۈرەم سنى
 گول لنمه دى «هريسي» عۆمۈر گولسىستانى تا
 گول چار داغىيىدا بولبول شىئدا گۈرەم سنى

قەھفەسىم

بولبولم، گول سوراغىندا، اوجالىپ باڭدا سەسىم
 بىسکى چوخ قىشقىريرام، تىنگە دوشوبىدور نفەسىم
 من خزاندان خزانان، باڭدا شىكايىت يازيرام
 دوشمانىم يول كىسىنەيم، يول كىسىنەيم دادرسىم
 نە ئەدىم؟ وار نە گونۇم، وار نە هارا يىمە چاتان
 بانانلامىر، باڭ بىنچەسى، گلمىرى صوت جَرَه سىم
 چىرىپىناردىم، دارىخاردىم، قەھفەسى سئۇمىزىدىم
 ايندى آمما دئىيرم: آى سەنە رحمت قەھفەسىم!
 اوئلو اولسامدا «ھەريسى» او مسيحائى زامان
 نفەسىمىدىر، نفەسىمىدىر، نفەسىمى!

اعجازە بنزەرەم

چە - چە ووران قنارەدە، آوازە بنزەرەم
 ائللە گۆزۈنە سۆزلى اولان سازە بنزەرەم
 هئى قىش گلىپ - گىنديپ، گلەجىكدىر دالىنجا ياز
 من يايىدا، گۆز سازاغى گۆزەن، يازە بنزەرەم
 ساتقىنلىكى، وزن و قافىيە، سبكى دىيدىشىدىرىپ
 يو پىر تداشىقىدا، قافىيە پىردازە بنزەرەم
 داغلاردا وار تغزوّله بُول غۇزەلى مارال
 آخسار، دەنیزىدىن آيرى دوشەن غازە بنزەرەم
 وحشى تبرىز اولماز ائلچىن، دىلەنچى يىم
 نە سعدى يە، نە اھلى شىيرازە بنزەرەم
 «موسى ھەريسى» بوغىغا فېرۇنۇ، گۈلچەدە
 موسا كلىيم، گؤستەرەن اعجازە بنزەرەم!

عاشق عزیز شهنازی

ساز - سؤز صنعتکاری، اوستاد شهنازی 1308 - نچی گونه ش ایلینده «گنجه» شهرینده آنادان اولوب، بیش ایل درس اوخویوب، 1317 - جی ایلده آتسیله بیرلیکده، آتایوردونا قبیدیب، نچه ایل «اهر»ده ساکین اولدی. بو موددتده «موللا میرزا ابراهیم»ین مکتبینده درس اوخویوب - سونرا «مزرعه جهانگیر» کندینه گئدیب اورادا ساکین اولوب. او، 17 یاشیندا عاشقیلغا باشلایب و ایلک ساز اوستادی «مزرعه کندی نین اربابی «عبدول سلطانی» اولور.

اوستاد شهنازی 1345 - نجی ایلده تبریزه کؤچوب و اورادا ساکین اولور. اونون آدی «عزیز رامیش» و «شهنازی» لقبینی، اونا، اونون حورمتلى ائلی وئرمیشدیر. اونون یازیلان اثرلری: «بو تورپاغلی یام»، «وطن اوغلویام»، «شاھنامه فردوسی نین تورکجه سی»، ...

اوستاد شهنازی 1374 - نجی گونش ایلی نین تیر آییندا وفات ائتدی.

حوکمران اولسایدیم
حوکمران اولسایدیم ائل آراسیندا
من اوز اوره گیمی ائله وئررديم
بیغارديم وطنين، ائلين، خائينين
يازدا داشقين گلن سئله وئررديم.

هر کونجون گزه ردیم ائلين، اولکه نین
سوروشوب بیله ردیم کدھرین، کینین
ایللر حسره ت چکهن ایکی شوگینین

بىر - بىرىنىن الين، الله وئرەردىم.

«عزيز» دئىير اوره گىيمدە يارا وار
او دور بو دونياني ائدن منه دار
يارادان وئرسىيدى منه اىختيار
تىكانىن عۆمرۇنۇ، گولە وئرەردىم!

آغلاما اولىدىن سونرا
گۈزەلى سئوندە اصلىنى يوخلا
پېشمان اولما، ائوه گىلندىن سۇرا
اخلاقىدان بد اولسا، دىلدىن زىادا
عۆمرۇن غارت اوЛАر، آلاندان سۇرا

يار بد اولسا پوزار عۆمرۇن باغىنى
گۈردون كى ائىلەدى بد، اخلاقىنى
او شاغى اولما مىش وئر طلاقىنى
بوشلايا بىلمىسىن، اولاندان سۇرا.

«عزيز» يىن يانينا گل ساغلىغىندا
بوليول دۇور ايلەير گول ساغلىغىندا
دوستلارىن قدرىنى بىل ساغلىغىندا
آنلاما، صىد قاما، اولىدىن سۇرا

آغلارام
هجران خستەسى يەم، غم بىزىرگانى

همدم اولوب آه و زاریم آغلارام
 عؤمور کنچیب، باش آغاریب، دیش دوشوب
 بسدير منیم بو آزاریم، آغلارام

بیر زامان ائل منه وئرهدى قیمت
 قوجا — جاوان ائیلهيردى محبت
 ایندی کتچن سۆزو ائندە صوحت
 باخیب گولور اوشاقلاریم، آغلارام

بیلمەدیم زامانا بد گلدی هاردان؟
 فلك قیصاصینى آلدى عاشقдан
 وفاسیز دوستلاریم باخیر کنارдан
 کدھر اولوب وفاداریم آغلارام

«عزيز» يين سۆزلىرىن عارىفلر قانار
 باغ پوزولدو، گول اوستونو آلدى قار
 نه بير موصاھىييم، نه گرديشيم وار
 دوشمان اولوب، آياقلاریم آغلارام

آنا

سن منیم عؤمور مده باھاریم، يازیم
 سوسنیم، سونبولوم، گولوم سن، آنا
 قلبىمین ديله بى، عشقىم، آوازیم
 آغزىمدا دانىشان ديلىم سن، آنا

دار گوندە، سن آرخام، آديم، سانىيمسان
 بدهنىمده سانكى آتىم – قانىيمسان
 حياتىمسان، وارلىغىمسان، جانىيمسان
 ظولمتدە ايشيقلى يولومسان آنا

آنغارسادا قارا تقلين طورەسى
 گىتمىز قولاغىمدان لا يلايىن سەسى
 «شەنازى» عۆمورو شادلىق نغمەسى
 اولوسوم، اويماغىم، ائليم سن آنا

اولماسا

قدورەتىن كرەمین هاردان بىلىم من
 يارانىب دونيادا خىلقت اولماسا
 انسان بىر – بىرىلە دوست اولا بىلمز
 اگر اورتالىقىدا اولفت اولماسا

آرايىب – آختارسان ياخشىلە – يامان
 قاضىدىر عدالت، حاكىمدىر وىجدان
 گووهرىن قدرىنى بىلمز هر نادان
 صراف لار اىچىنە قىمت اولماسا

باھارىن ياغىشى هريانا ياغار
 باغدا گۈل بىتىرە، شورانلىقىدا خار

انسانلا، انسانین، خیلی فرقی وار
هر شئیدن اسگیکدیر، معريفت اولماسا

«عزیز»م گئیسندیم هجراندان چوخا
مرد ایگیت ده اولار، عار، غیرت، سخا
بیر گۆزەلین حوسنى اولسا زولیخا
قارا پولا دەيمەز، عيىصمت اولماسا

«اجەل دەرك اىدەجك منى»
روحوم قوشۇ پرواز اىدەر بۇ تىندىن
كىناردان بويىلانىب، هارايىلار منى
گۈدىيىم اويماقلار، دوردوغۇم يېزلىر
سىس وئرىپ سەسىمە هارايىلار منى

سۇرۇشىسان ھەر يېرده بىر نىشانىم وار
دۇستلار ياداسالىب، چەكەر انتظار
قورولاندا توى بساطى، آرزييلار
گۈدىيىم اوتفاقلار، سارايىلار، منى

آجل دەرك اىدەجك، عۆمۇر اولساتامام
باشىم اوستە اولماز قارداش، ائل مودام
باش داشينا يازىن «عزیز» منه نام
دۇستلار گلىب اوخوييار، هاييلار منى

خوش خبر

کاظلیم خوش خبر – عباسعلی اوغلو 1309 – نجی گونش ایلی «اھر» ده آنادان اؤلدو. ایلک تحصیلاتین اهرده، اورتا تحصیلینی ده «تبریز» ده باشا وئردى. خوش خبر اوتوز ایل آستارا، مرند و تبریزدە، وطنداشلارین تربیه سیندە، معلم چیلیك اندیب، چالیشدی و بو يولدا عومرون صرف ائتدی. خوش خبردن ایندی يەدەك 3 جلید کیتاب، چاپدان بوراخیلیب و «شمშیر آتشین = اؤلدو قیلینچ» اونون توركجه و فارسیجه شعرلرین احتوا ائدیر. خوش خبر، بو زمینه ده فضولی و صرافین داومچیلاریندان سایاڭلیر.

وطن عشقى

تشنه دير گۈزلىينين غمزەسى چوخدان قانيما
قصد ائدير قاشلارين، اي آفت دووران، جانىما
ئىيە كم فورصت اولوبسان گۈزەلەيم عاشقىينە؟
دردى سىدن چكىرەم، قوى چاتىم اۆز درمانىما
سوروشور سان كى: نه اندازە سنى من سئورىدەم؟
نيگران سان كى وفا ائتمەيم اۆز پىمانىما؟

هانى بوتخانەلر ايچەرە صنما سەن كىمي بوت؟
بوت پرستىليكىدە چاتان يوخدو منىم ايمانىما
آمما وار عشقىيەدە چوخ مرحلەلر، مرتبەلر
قارىشىب عشقلرىن ھە بىرى بىرى جور جانىما
في المثل عشق وطن، قلبىمى تسخىر ائله يىب
گىرە بىلمىز وطن عشقىنە بىرى مئيدانىما
جاندان آرتىق سئورىدەم من سنى آمما بونو بىل
لازىم اولۇقدا، فدا اولمالىسان ايرانىما

یاشاسین دوغما مقدس، آنالار يوردو وطن
 وطن عاشيقلری قورباندی آذربایجانیما
 بو فضاده سنه من عشق و وفا بسله میشم
 دوز سوزوم دور بو منیم آند ایچرم و بیجانیما
 دلبیرن وئر جوابین «خوش خبر»، خوشلاماسا
 تانیمیر پس او سنی، سنده اونو هئچ تانیما

ناز – نیاز

چو خالدیقجا نیازیم، دیلیر طنّاز ناز ائیله‌ر
 وفاسین گون به گون ایظه‌هار عشق انتدیکجه، آز ائیله‌ر
 چالیشیدیم سیریمی پونهان اندیم اغیاردن، آما
 سارالمیش رنگ رو خساریم، یئنه ایفشای راز ائیله‌ر
 غم هجرانه قاتلاشدیم، جفا و جورونه دوزدوم
 بو او میده کی، آلاه یاریمی عاشیق نواز ائیله‌ر
 خالی بسم الالها نوقطه، قاشی معبدلره محراب
 گوره‌ن او طاق ابروسون، خلوصیله ناماز ائیله‌ر
 گولورمن آغلادیقجا، اینکیساري‌مدان اولور خوشحال
 ترخوم يو خدو قلبي‌نده، گۆزوم ياشين آراز ائیله‌ر
 موراعات ائیله‌مز حال ضعیفي شهسوار عشق
 باجاردیقجا وجودوم عرصه‌سیندە تاخت و تاز ائیله‌ر
 چتین لیکله نیگارین دامنین سالسام الله بیر گون
 اویاندان روزگار دون، موخالیف نغمه ساز ائیله‌ر
 گریبان فلک گر چنگیمه دوشیسه، سۆزوم چو خدور

کى هر نه بىزلىره ائيلەر، بولۇخ حقوقە باز ائيلەر
 يامان دردە دوشوبىسن «خوش خبر» آمما ملول اولما
 کى هر دردە دوا بىر گون، خوداى چارەساز ائيلەر

وقارىيم وار!
 آلوولانىر اورەگىيم، سينىدە شرارىيم وار
 گل! اى گولوم، كى نه آرام و نه قرارىيم وار
 شىكايىت ائيلەمېرىم روزگاردىن، آمما
 يارىمدان آيرىيالى، قارە روزگارىيم وار
 بولۇخ حقوقاباز فلكلەرن توقۇعوم يوخدور
 سىنىن عنایيت و لطفوندن انتظارىيم وار
 يىئنە كۆچۈبدۇ يارىيم ھىجىرت اىختىيار ائلەيىب
 منىيەمە كۆچمك اىيچون بوردان اىختىيارىيم وار
 فرقلەنلىرىنە، دونىادە جاه و شوكتىينە
 فرح بودور منه كى مەھربان نىڭارىيم وار
 اگر وصالىنا لايىق يوخىمدو گولگۇن مئى
 فراق گونلەرىنە چىشم اشىكبارىيم وار
 جلال و جاه جەھان سىزلىرىن، نىڭار منىيە
 نىڭارىيم اولماسا، جان و جەھاندان عارىيم وار
 صبا يىئلى بولۇخ سۆزۈ يارىيمە يېتىئىر مندىن
 كى گر يولۇندا فدا اۋلسام، ايفتىخارىيم وار
 خومار گۆزلىرىنەن نىشەسى چۈكۈپ جانىما
 نەخوم گەركىدى، نە خەمار، نە خومارىيم وار
 طریقت اىيچەرە سولوك اشىدىيىم مەحبىتدىر

کی شهر عشقیده، میلیونلار اعتیباریم وار
 یئرین – گویون غمی سالماز وجودیمه رخنه
 سنین تکین که منیم یار غمگوساریم وار
 منی شیکار ائده بیلمز هر اوینادان آتینی
 بیلر که سن کیمی دونیاده شهسواریم وار!
 هنوزدا دئیلەم روزگارдан مایوس
 بو قیش چیخارسا، قاباقدا گۆزەل باهاریم وار
 رقیبە «خوش خبر»، سوئیله بو سوژومندن
 باش آیمه‌رم سنه من، داغ کیمی وقاریم وار!

بىوفا

من بیلیردیم قویا جاقدیر منی سرگشته وحیران
 او سارى تئللی، او جابولو، آلا گۆز، دەلی جئیران
 او کامان قاشینا باخدیقجا دەبیر سینەمە بیر اوخ
 اولورام زولف پریشانینی گۆردۈكجە پریشان
 من جوانلىق کیمی سرمایه اودوزدوم بو قوماردا
 آمما کیمدىر بو عملدن اولا بیر لحظە پشیمان؟!
 گۆزیاشى، نالە سەسى، سینە كۆزو اولدۇ نصیبیم
 بئلە يازمىشدى منیم سھمیمی اول آفت دووران
 آختارىردیم او يوخايدى، گەلەر اونداكى يوخام من
 مئیدان اولدوقدا آت اولماز، آت اولدوقدادا مئیدان
 بى وفالىقدا عجب آد چیخارىپ نازلى نىگارىم
 دئىيرەم بىس كە سینىب باغلادىغى عهد ايلە پیمان
 بىلەمیرم کیم آرالىق وورمادادىر «خوش خبر»، آمما

قىسمت اولسا چاتارام وصلينه، قويسا نئچە شيطان!

خاور

شاعيره خانيم «خاور قهرمانى»، امير اصلاح قىزى، قاراداغ ماحالىنداندир. خاورين اوشاقلىغى نىن ان شىرىن خاطىرلە گونلرى، آسلامندوز، اھر، كلىير، ارؤشه، قالاكندى، قالالى، سورەجر، موتاللىق و ... دا باشا چاتىپ. لكن دائىمى ياشايىش يئرى، آسلامندوز اولوب. 1325 - انجى گونش ايلى (1946 م) عايلەسىلە باكى ياكوچوب ايلك تحصىلى و اورتا مكتبى اوردا آلير و 1970 مده باكى اونىيور سىيته سىيندن فيلولوگىيا فاكولتەسىن بىتىرىر. خاور اورتا مكتبەدە اوخوياركىن، شعر يازماغا باشلىيوب و قازەتلردى چاپا وئرىب. خاور خانىمدان نئچە جىلد كىتاب يايلىيب. او جملەدەن: «دونيا ياخشىلارىن دىر»، «تلەس كاروانىم، تلەس»، «ستارخانىن نوهسى يم».

گۈزلەيىر منى

وطن تورپاгинىدا، گوللر اكمىشىم
عطىرلى گوللارىم، گۈزەلەيىر منى
ووصال حسرتىنى، خىلى چكمىشىم
سۇنالى گؤل لرىم، گۈزەلەيىر منى

داغلارمى، دوزلرمى، هئى ياشىل لاشان
آرازمى، سئىنچىجەن، بوقەدر داشان
اي وطن، حوسنونە، نىمەلر قوشان
آزاد پولىللارىم، گۈزەلەيىر منى

دردىمە مرحەم دىر، او دوغما تورپاق

گزیدیم قوینونو، کاش اویماق – اویماق
 او يارىز عطىرىلى، نعەمەلى بولاق
 او دوغما چوللاريم، گۆزلەيىر منى

هر چمن باشينا، گولدهن، تاج قويور
 حوسنونو گۈرمىكدهن، نه گۈزۈم، دويور
 نەدە سىنه مەدە كى، او دوم سوپۇپور
 آلوولو ايللاريم – گۆزلەيىر منى

«خاور»ى گۆزلەيىر، چىچكلى چمن
 نرگىزىم، بنووشىم، ئەرىپ ياسمن
 قلبىمىن ھەمدەمى، سئوگىلىم وطن
 نىگران ائللاريم، گۆزلەيىر منى

باغلىدىر
 باهارىن فصلينىدە، بولبولون عشقى
 گولشىنە باغلىدىر، گولە باغلىدىر
 داغلارىن گىلينى، نازلى جئيرانى
 اورەبى چمنە، چۈلە باغلىدىر

آچىلىسىن باهارىم، قوى چىچك – چىچك
 اسەمەسىن يوردو مدا، بىرده سرت كولك
 سىنه مەدە چىرىپىنىب، دۈبۈنن اورە ك
 وطنە باغلىدىر، ائله باغلىدىر

آزادلیق اى منىم، خوش گله جهىيم
 سنه قووشماسام، يانار اوره بىم
 «خاور»م هر آرزىم، عشقىم، ديله بىم
 سنين گله جهىين، ايله باغلى دير

ستارخانىن، نوهسى بىم
 سرت كولكلر، كەھر آتىم
 بولادداندىير، قول قانادىم
 سوروشماين، نەدىر آدىم
 يا كىمم من، يانچى بىم
 آزادلېغىن تشنەسى بىم
 ستارخانىن، نوهسى بىم

آزادلېغىن جارچىسى يام
 حاق يولونون، يولچوسو يام
 ايگىتلىپىن - جسارەتىن
 خوش نىيەتىن - سعادەتىن
 آلوو - ساچان، كورەسى بىم
 ستارخانىن نوهسى بىم

حاققىمىزى يادلار يئدى
 وطنىنин اول، ايگىدى
 بابام وئرمن، بو اوپىدو

اونوتمارام بیر آن، بئله
 «خاور» دئیه، دوغما ائله
 سون بور جومو، وئرھسی یم
 ستارخانین نوهسی یم

تلەسن کاروانیم تلەس
 زامان چانیب، دوش یولا
 تلەس کاروانیم، تلەس.
 کیمسەدەن قالما دالا
 تلەسن کاروانیم، تلەس.

يولچو يولوندا، هر گون
 حسرت دیر، غم دیر يوکون
 تبریزه چاتماق ایچون
 تلەس کاروانیم، تلەس.

تلەس یئتیش، تبریزه
 خوش موزدەلر، وئر بیزه
 «خاور» قوربان دیر سیزه
 تلەس کاروانیم، تلەس.

قۇناق كىمىي یم
 توخونما اينجى مىش، سىنيق كۈنلۈمە
 ياتاغىندان كوسموش بولاق كىمىي یم.

سەنین فراقىيندان، سەنین غەمىندىن
تىتىرىھىن دىل كىمى، دوداق كىمى يەم.

جىسارت گۆستەرىپ، اتىسىدە ئىناد
منزىلە چاتمايىپ ھەر قارتاڭ قاناد
عشقىيمى وۇدەسىز سوئلدوردو حىيات
غىنچەسى سارالمىش، بوداق كىمى يەم.

ھونز تakan وئەرە عقلە، كمالا
عيىصىت شعلە ساچار حوسنە، جمالا
طالع منى سالىپ ھامىدان دالا
 يول اوستە، تك بىتىمىش قووقاق كىمى يەم.

جلادىن كىسىيى، قانان باش اوlobe
اورە كلر آغلايىپ، گۆزلىر ياش اوlobe
گلمەلر يورىومدا، وطنداش اوlobe
من اۋز وطنىمداه قوناق كىمى يەم.

باياتىلار
من عاشىق دوزلرىمە
دولان گل، دوزلرىمە
تبرىزە قدم قويسام
نور گلر گۆزلرىمە

من عاشيق آھريم وار
آھرده ک، شهريم وار
اولسادا گئجم اوزون
گوندوزلو، سخريم وار

كليثيرين داغلاري
مئيوه ليدير باغلاري
ياخين لاشير او يئره
اثلين، گۆزەل چاغلاري

من عاشيغام ناچارام
قوش ده ک قاناد، آچارام
اوچود سالار، يووامدان
وطن، سنه اوچارام

مَمَدْلِى

اسماعيل محمد ثانى 1321 – نجى گونش ا يلينده، «هريس» شهريinde بير
يوخسول عاليدهد، دنيايه گليب، دوققوز ايل هريـسـدـهـ، اوج ايل تبريزـدـهـ، آخـيرـينـجـىـ
دؤـرـدـ اـيلـىـ دـهـ «ـتـهـراـنـ»ـ دـاـ حـقـوقـ دـاـنـشـكـدـهـسـيـنـدـهـ درـسـ آـلـيـبـ اوـتـوـزـ اـيلـهـقـدـهـ عـدـلـيـهـدـ
قاـضـىـ اوـلـوبـ، ايـنـديـسـهـ عـدـلـيـهـ وـكـيلـيـ دـيـرـ.

محمد ثانى كه شعرده «ممـدـلىـ» تخلـصـ اـيـدـيرـ، اـورـتاـ مـكـتبـدـهـ اوـخـوـيـانـدـانـ شـعـرـ يـازـيرـ،
اـونـونـ شـعـرـيـنـدـهـ اـنـسـانـ سـئـوـهـرـلـيـكـ، وـطـنـپـرـورـلـيـكـ وـ طـبـيـعـتـهـ وـورـغـونـلـوقـ، اوـجـسـوزـ،
بوـجاـقـسـيـزـدـيـرـ.

«مەدللىي دەن ايندى يەدەك نىچە كىتاب چاپ اولوبدور: «دورنالار قايىداندا»،
 «ايکى كۆنۇل، بىر آرزو»، ...
بىرگە گول آچاق
 سئوگىلىم! گل گۈزەل بىر دونيا قوراق
 اورادا اولماسىن غوصىدەن سوراق
 كىنهنى، اينجىنى، اورە كەن قۇواق
 تىكانلى سىملەرى، سېنيردان يولاڭ
 اۋلەكەدەن — اۋلەكە يە آچىلىسىن يولاڭ
 اىكيمىز يول اوستە چىراق تك دوراق
 باغلاрдан آخىداق، نەممەلى يولاڭ
 ميوھسى شىب — شىرىن آيىلىسىن بوداق
 ياز گونو، شىئ كىمى، گول اوستە دوراق
 قىش دادا، اىكيمىز بىرگە بوز دوناق
 محېت هيكللى، آيدىدە اولاڭ
 ال لرین اليمدە، گۈئى لرە اوچاق
 گىنەك بىز اورادا گونشە چاتاق
 گونشىدە اوئوراق صىحەدەك اوياق
 سئوگىدىن باشقۇ سۆز، دئمەسىن دوداق
 گل بىرگە گول آچاق، بىرگەدە، سولاق

اوشاقلۇق چاغلارى
 سەھەر اوفوقدەن بويلانان گونەش
 «قاراباغ» داغلارى يادىما دوشوب.
 بو سوپۇق چادىردا «شوشَا» نىن قىشى

ایستى اوچاقلارى، ياديمما دوشوب.
 ائولردهن – ائولره – عطرى پايلانان
 چورهك تاباقلارى، ياديمما دوشوب.
 تارلادا يېل لهنهن سارى سونبول لر
 شاماما تاغلارى، ياديمما دوشوب.
 او قونشو قىزىنин آلا گۈزلى
 لاله ياناقلارى، ياديمما دوشوب.
 او منه سۆز وئرىپ دانىشان گون لر
 گول تك دوداقلارى، ياديمما دوشوب.
 «ممەدى» سنى ده قوجالتى حىرىت
 اوشاقيق چاغلارى، ياديمما دوشوب.

گل اى صاباح
 گل اى صاباح!
 قاناديندا سووغات گەتىردان اولدوزلو سەھەرلى
 ايشيقلاتسىن بۇ يېئرلى
 چوخ زامانىير يوللارىنى اىزله يېرم،
 اللىنلە پايلاناجاق گوللىرىنى گۈزله يېرم ...
 سن گلنده نه بومب اولار، نىدە فيشنگ،
 قىيز – گلين الر الده چىنگ،

ساچالارىنى بوراچاقلار،
 يول اوسوندە دوراچاقلار ...

سن گلنده شورانلىقىدا بىتەجكدىر لاله – نرگىز
 اولماياجاق كىمسە يالقىز

نە کى واردىر قوندارمالار
 بىنالارى داغىلاجاق يئر اوزوندن
 سئوينه جك انسان اوغلو
 بىر - بىرىنىن خوش سۆزوندن.
 گل اى صباح!
 گل اى صباح!

من اولماسام دا
 بولودلار كىشىنە يىب، ياغار چول لره
 گۈزىباشىن سەپەلەر، قرنفىلى لره
 آرى لار قوناجاق يىنە گول لره
 ايلدىريم شاخاجاق، من اولماسام دا.

تاخيل لار بوى آتىب، سونبۇل آچاجاق
 گۈبرىچىن، قارانقوش گؤيىدە اوچاجاق
 گونهش دە دونىيايا ايشيق ساچاجاق
 ظولىمەتى ياخاجاق، من اولماسامدا.

بولاقلار قايىنابىب، يىنە جوشاجاق
 كوكىرە يىب چايلارىن، سوييو داشاجاق
 داغلارىن باشىندان دومان آشاجاق
 اولدۇز لار آخاجاق، من اولماسام دا.

دەرەدە، ياماجدا، سورۇ گزە جك

اوتلارین يارپاغين، قىزىب، اوzechك
چىچكلىر، داغلارا ناخيش دوزهچك
«ممەدى» باخاجاق، من اولماسام دا.

ستار

ستار گول محمدى 1322 – جى گونش ايلى قارا داغ ماحالىنин «خودآفرىن» بۇلگەسىنە باغلى اولان «شوجئىلى» كىدىننە ايشيق دونيايا گۆز آچىب. اورتا مكتبيين ايكىنچى ايلينه قدر «اھر» و «تبريز» ده تحصىل آليب، سونرا مادى شرايطين آغىرلىгинما گۆره، دوغولدوغو يئرە قاييداركەن اكينچىلىك ايشلىنە باش قاتىب.
ستارين 1358 – جى ايل تبريزدە «سەچىلىميش اثرلر» آدلى كتابى ايشيق اوزوگوردى. ستار بوتون شعرلىيندە، حياتا درىيىن باخىب، يوكسک معنالى اثرلر يارادىر. ايندى ستارين شعرلىرى، عاشقىلارين دىل ازىزى اولموش، غازىتلرده و كاستلرده تحفه آپارىلىير.

ستار گول محمدى نين شعرلىيندە نمونە:

1- قوشما

گۈرمەمېشىمكى

ايىللاردىر وصلينە جان آتسام دامن
ھله هئچ اوزونو گۈرمەمېشىم كى.
درمان اوچون هجران ووران ياراما
باينىدان بىر چىچك درمەمېشىم كى.

فېرىقتىيندن دردىم چاتىب يوز – يوزه

قوپىما منى حسرتىيندە غم اوزه
قارداش دىيە بير دايانيپ اوز - اوزه
قولومۇ بويوننا هۇرمەمېشىم كى.

آھىيم توتابار او ئتن عۆمۇرون جەھدىنى
عاشيق او لان او نودارمى عەھدىنى؟
دوداغىملا وصال دەلى شەھدىنى
شىرك دوداغىندان سورما مېشام كى.

«ستار» دۆزىر قىش قەھرىنە ياز كىيمى
چاڭلار عشقىن سىنهم اوستە ساز كىيمى
ھله بولىنىمە پاي انداز كىيمى
گلن يوللارينا سرمەمېشىم كى.

اورەيم من
كىيملىسىمى سوروشۇران
سويا حسرت اوزەيم من
درد اليندن، غم داغىندا
خزان وورموش، چىچەيم من

ھر سىنه يە داغىلىمېشام
سانكى شىرين ناغىلىمېشام
بىردا خات اىگىد اوغۇلموشام
ايىدى قورو بزەيم من

انتظارین دوزلریندە

یاندیم هجران سؤزلریندە

حسرت عشقین گۆزلریندە

قالان آزو، دیله یم من

اوْز گولومو دره — دره

گوناھسیز دوشموشم شره

ظولم الیله ایکی یئرە

بؤلۇنموش بیر اووه یم من

«ستار» ام کونلومون تئلى

هر زامان اوخشاپىب ائلى

دوستا اسن سحر يئلى

يادا چووغۇن كولە یم من

كلبه جرسىز نە گۈزىرسەن گىچەدە

كلبه جىلى شاعير بهمن وطن اوغلونا

بو دنيانين آز گلى وار، چوخ گىئىدى

گلن دوشىر تلهسىنە آ بهمن

بىزى يامان ايچىمىزدىن قورد يئنى

دۈز زامانىن شلەسىنە آ بهمن

عشقىن بللى هر قوجايى، گىچەدە

باش آيىرەم سىننەكى گىچەدە

كىلە جىرىز نە گۈزىر سن گنجهدە
اوپىما واختىن ھەلە سىنه آ بەمەن

گۆزۈمۈزو كۆر يارادان
چۇخمو چىكىر بۇ ئۆلۈمىتى يارادان
من بۇ درددەن، سن او كىسگىن يارادان
ياناسى بىق سىنه سىنه آ بەمەن

اودو سۈئىمەز حاق آدىنلى كورەمین
حاقدا بىزدىن اسىرگەدە كرمىن
الىيم چاتمير او داغلاردا كرمىن
قاردا قالان للەسىنه آ بەمەن.

درد اوjacلى، غم شىلەلى او داغلار
باخ بەمان سىز، شجاعتى سىز او داغلار
مېر صىياف سىز سىنه مەدەكى او داغلار
مېن داغ او لور بىئەلسىنه آ بەمەن.

ائىللە دىيە بوز بولاقلى گۈزەلر
وصال يولون هەئى ايلەملەر، گۈزەلر
«ستار» يىندا اورەك قانىن گۈزەلر
گۈزەلر يىنин گىلەسىنه آ بەمەن.

انتظار لحظه‌لری

انتظارین نه بیلیم لحظه‌لری بیر ایل ایمیش
 هر او تن آنلاری قلب ایچره قیزارمیش میل ایمیش
 عشقین هر دردینه دؤزمانگی چوخ آسان بیلدیم
 دئمه بو دردلره تاب ائله‌ین عاشق فیل ایمیش
 عشق -ی شیرینیمه آندیردیم اوگون فرهادینام
 دندی فرهاد اوزی هر درده، غمه ما بیل ایمیش
 دندیم ای لیلی صیفت منده‌ده مجانون گوجو وار
 دندی مجانون اوره‌گی دردلره بیر ساحلیل ایمیش
 او خشادی زیل ده سازیم، خان کرمی سویله‌دی؛ یوخ
 کرمن ناله‌لری زیلی سازیمدان زیل ایمیش
 دندیم عشقه بئله قانونی یازان کیمدى؟ دیدی:
 نه بیلیم هر کیم ایمیش سه یامان آهن دیل ایمیش!
 دندی قانسیز سنه و ئرمز شرف عشق آبیده‌سی
 سانما بو آبیده‌نی بیر او ووج الوان گیل ایمیش
 قانا دئنموش هر اوره‌کدن یارانیب عالم -ی عشق
 هر قاریش تورپاغی بیر خاطرهدن نیسگیل ایمیش
 احتیاطلا بو مکاندا گؤتور آددیم «ستار»
 هر او تن عاشیقه سانما بوراسون متزیل ایمیش

دوزگون

حسین دوزگون (پروفیسر دکتر حسین محمدزاده صدیق) 1324 – نجو گونش
 ایلی تبریزین سرخاب محله‌سینده، قره‌داغدان واختیله تبریزه کوچ ائدن «آقا میرعلی

آقا» نين نوهسى او لاراق آنادان اولوب. او، اولى ابتدايى كلاسينىدا «خدا آفرىن» كندىنده او خوبوب و 6 و 7 ياشلاريندا عائلەسى ايله ايکى ايل بو كننده ياشامىشىدир. او 1342 – 1346 ايللىرى آراسىندا هر يس ماحالىندا معلملىك ائتمىشىدир و بىزيمىز ئاظريمىزىدە حساب اولور قره داغلى بىر نهنگ عاليمین ايندىيەدەك 12. شعر كتايى چاپىدان بوراخىلىپ و قره داغلى شاعير «ائىل اوغلو» اونون شعرلىيندن «بىر بؤلوك دورنا» آدلى بىر مجموعەدە چاپ انتدىرىپ. اونون «صمد بەھرنگى منظومەسى» و «شىخ محمد خىابانى حماسەسى» آدلى معروف پۇئىمالارى دا نشر اولوب. اونون ايرانين دانشگاهلاريندا و ايراندان خارجىدە يۇنيورسитетلەر و آكادېمىلردىن چوخ تاثىرى و احترامى واردى.

بوگون پرسور صديق بىر بؤيووك ادبىيات اوستادى اولوب و يوزلرجه عاليم، يازىچى و شاعير تربىيە ائھەيىپ و ايران و آذربايچانا سايىلماز خىدمتلەر گؤسترىپ. يوزدن آرتىق كتاب، سايىز كتابلارا باشلانىش يازماق، مختلف يۇنيورسитетلەردىن اوستادىلىق كورسوسونه دايىنماق، چوخلۇ كنگەرەلەر و يېنچاڭلاردا چىخىش ائتمك، بىر تعداد شىرىيەنин باش مدیرى اولماق و ... پرسور صديقىن پارلاق كارنامەسىنдин بىر نېچە صحيفە اولا بىلە.

دئمك اولار پرسور صديق ايندىليك اوزو تكجهسىنە بىر بؤيووك انسىيكلوپدىيا سايىلىر كى عمرىونون ھە گونوندە يوزلر صحيفە آذربايچان و ايران علم و ادبىياتينا تزە دوشونجەلر آرتىرىپ.

اوستادىن كتابلاريندان بىر نېچەسى نين آدى بىلەدى:

«ديوان اشعار تركى سيد عمامالدین نسيمى»، «ديوان اشعار تركى سيد عظيم شيروانى»، «ديوان اشعار تركى حكيم هيدىجي»، «ديوان اشعار تركى و فارسى ملامحمد فضولى»، «ديوان واقف قره باغى»، «ديوان اشعار تركى بايرك قوشچو اوغلو»، «ترجمەسى ديوان لغات الترك»، «محاكمة اللغتين»، «سە سنگىяд باستانى»،

«قواعد زبان ترکی»، «سیری در رساله‌های موسیقایی»، «قوپوزنوازان دلسونخه‌ی آذربایجان»، «دو سهندیه» و ...

او قره‌داغ حققینده ده چو خلو مقاله‌لر و شعرلر صاحبی دیر. نباتی نین کنگره‌سینه هدیه ائتدیگی ایکی «دیوان ترکی نباتی» و «دیوان فارسی نباتی» چوخ مکمل بیر علمی تنقیدی تصحیح نمونه‌سیدیر و دفعه‌لر چاپ اولوب کی قره‌داغ اهلی ایچون بؤیوک هدیه دیر.

یاشا، ستارخان!

سنده جانلانمیشیدیر منیم آمالیم،

قاراداغلی گوزه‌ل ایگید قهرمان.

قانادلاندی یئنه ترلان خیالیم،

بودور، قوشدوم سنین شائینه داستان.

تزاری - قاجاری سانجیردی سؤزون،

غضبله دولوردو هر ایکی گۆزون.

ظولمو - ایشکنجه‌نى گۈرمۇشدون اۋزون،

ایرەلی گىدىردىن ھېچ دايىنمادان.

ائللرله بىرلىكىدە قىياما قالخدىن،

آرزو لار گۈيىنده اولدۇز تك آخدىن.

شاهلارين كۈكسۈنە سونگۇدە تاخدىن،

سندن نور آلىرىدى اولكەمیز ایران.

سىسيوه سس وئردى آذر ائللرى،

دالىيا آتىرىدى قارا ايللىرى.

كندلى نين فحله نين پولاد أللرى،
يارادماق ايستيردى يئنى بير دؤوران.

سورولدون تهرانا چيراقلار سؤندو،
رضاخان ديرچلدى، قاجار لار يئندي.
گون اوئندو، ايل كىچدى، زمانا دؤندو،
قيرغىنلارا دوشدو آذربايجان.

محمد رضا خان سانكى داوولدو،
آنالارى آغلار قويدو ساولدو.
بىرگون ده ايراندان ايت تك قاولدو،
«شاه گىتى» بايرامى قالخدى بوردان.

قوروب جمهوريت ايندى بو يئللر،
كسيلمە يىب آنجاق حله سام يئلر.
يئنه گۈزلەنيلير او داشغىن سئللر،
آخىن - آخىن آخسین دىزى تك انسان.

ايشچىلە - اكىنچى بايرام ائيلەسىن،
هر آغيز هر دوداق نعمە سؤيلەسىن...
قانلى بايراق آلتدا ائل بئله دئسىن:
دئنه - دئنه سنه: «ياشا، ستارخان!»

شیخ محمد خیابانی حماسه‌سیندن
 تبریز قوردو او ایل یتنى بیر دؤوران،
 اون بیر آی دایاندی، دورمادی، اینان!
 انقلابچیلاری ایشه چاغیردی،
 استبدادچیلارا قالخیب باغیردی.
 محکمه یاراتدی، قاراقول قوردو،
 محمد علی شاه اونونده دوردو.
 ستارخان، باقرخان یاراتدی او گون
 تبریز ماجراسین یاخشیجا دوشون.
 خیابانی اولموش اونلارا رهبر،
 هر نه یازسان شاعیر، یاز اونا، دهیهر.
 دهیهر، دهیهر البت، خیابانی چون،
 جان فدا ائدهنلر، چوخ ایدی او گون.
 «خیابانی» دئیه، هایغیردی ملت،
 سنگرلر یاراتدی ائیله‌دی همت!

عاشق سوسما

عاشق سوسما، تیترهت قیزیل، تئللری،
 تسخیر ائله اوره گیمی، روحومو.
 زخمه‌لری قالدیر، یئندیر بیر به بیر،
 داد فعانا - سیزا گتیر هر سیمی.

عاشق بیلمەم نه سیرر وار سیمیندە،
 سیزلا یاندا، گیزیلدیری اوره گیم.

سىسلەننده بىز - بىز دورور توكلەرىم،
ياتمىش ايدى اعماغىندا اىستەگىم.

قاناد باغلىرى روحوم اوچور گۆيىلدە،
قوشلار ايلە بولوتلاردان اۋتوشور.
ترېنچك بىر دفعە سىمین، مىن كە،
پرەدەلردى سئيران ائديب گۈشىپەر.

منىم روحوم دويور سنين دردىبوى،
سوسمە، سىزلات باجاردىقجا سازىنى.
سىزلات - سىزلات اوچوموزدە ياش تؤكك،
تا يئىيرەك محبتىن يازىنى.

عاشيق مىن سىرر ياتىپ سىنин سازىندا،
قانارمى هەنسان سانان اۋزۇنۇ؟
سن سئودىلى، من سئودىلى، ساز دەلى،
سن دئىيرىن سازدا سۆزۈن دوزۇنۇ.

قوربان سنين اللريوه، سوسما چال،
درتلى لىدن قوراجاڭام يېغىنچاق.
چال، قوى آشىسىن باغييرتىمىز داغ - داشى،
دورنالارلا اوچوب گىتىسىن ان اوزاق.

سوسما چال كى قارا بولود يان گىئدەر،
قىزىل گونش آخر دوغار سىمادا.

محبّتین چیچک لرین بئجه رده،
سئودالیلار گونه چیخار دونیادا.

بیزله سندن سونرا، سیرداش کیملدیر،
بودؤره ده عاشق دهلى سازینا؟
قورخما نهدن، آنلا ییریق آنجاق بیز؟
سازین، سیزین، سؤزون، دردین بورادا!

آغريما هئچ شيشكى دن، سخره دن،
سن درتلی سن وئرمە باها اونلارا.
باچاردېقجا قالدير گؤيە سيزىيى،
همدم ائله آزاد اوچان قوشلارا.

کيچيك شعرل / ص 109 - خنيه كندي - 11 / 2 / 1343

اصلاحات!

بیر گون شاهلار شاهى شهره جارلادى:
«حؤكموموزله بوتون خان - بىگلر اۇلور.»
بىليندىرىدى بىلمىر بولىنىلىكى:
يوغون اينجه لينجه، اينجه اوژولور.

آ ترقى پور يوكسک يارانميش!
فاغيرا - يوخسولا وئردىگىن نەدير?
خانى - اربابلارى چىكدىن تهرانا،
اكىنچى يە تاخدىن باشقما بىر امير.

سۇيىلەدين ايشچى يە، كىندلى يە، خلقە:
« - آنجاق تكجه منلە ايشلە ملى سىز.
آقا بىر او لاچاق، آلاھىزدا بىر،
فۇداللىقدان داي قالماياچاق ايز.
گؤيلرده آلاھا، يئرده دە منه،
گوندە بىر نئچە واخت باش أگە جىكسىز.
قولدورلار يەمینلا حۋە كومىرىلە،
يئرلى - يېرسىز منى هى اوئىھە جىكسىز.

آللاھىن كۈلگەسى، مولانىن ئىلى،
عاغىلىلى صاحبكار، شانلى بىر شاھام!
نېزادىم يو كىسكدىر، گۈيىدە گونشم،
من كى دارندهى شوكت و جاھام!»

يوغونو اينجلتىدين، گىتىردىن دىزە،
«ニكىسون» چون ائيلەدين گۆزەل اصلاحات!
اما چوخ گووهنەمە، ائلىيم دوز دئىسە،
سنه گۈسترەرم آ شرفلى تات!..!

اوچغۇن داخما / ص 59 - آبان آمى 1347.

رشادتى

باقر رشادتی اهری 1325 – نجی گونش ایلی «اهر» شهریند آنادان اولوب.
رشادتی، شعرلریند، خاص بیر فورماسی وار. او، اوز درین دوشونجه‌لرینی، قیساً و آز
حجم‌لی شعرلریند اوخوجویا چاتدیریر. اونون قوشما، گراییلی، بایاتی و ... فورمالاردا
شعری وار. ایندیه‌ده ک «رشادتی» دن 5 جیلد کیتاب چاپدان بوراخیلیب و اوزلوگون،

شعر عرصه‌سینده ثبوت ایدیب.

گُولوش آغلاماگی

گُولوش آغلاماگین، گُوروبسن هئچ؟
اوره ک داغلی لالاگولو یارپاگیندا،

شئه بنزهـر

گونش دوغچاق،

شقایق دن، قیزیل آخار.

گئجه گلجه ک،

قابارلانمیش نیسگیل لرین،

DAG نیشانلى قارا خالدا،

شکیل باغلاـر.

بیر ایچیم سوجا

صفاسی یوخدو بیلیکلی بین هئچ.

قارانقوش اولوب،

آچماسا قاناد،

ذیرووه‌یه انسان

بیر ایچیم سوجا دهیری یوخده

بیتکین انسانین فانی دونیادا!

گوناھى ندىر؟

اينجىدىر روحۇ، دايىم بۇ سؤال:

ندنسە قان اودور، گوجسوز دونيادا؟

آشى نىن دن – دوشۇ، اولوبىدور خوندىل

ياشاپىر ھمىشە سىخما – بوغىمادا.

بوتۇن آرزىلارى قالىب گۈزۈنەدە

دارىخىر غوصەدن اۆزۈ – اۆزۈنەدە

قورتولماز حسرەتى هېر بىر سۈزۈنەدە

گۈۋەبىي كسىلىپ، بىبىخت قىضادا

قىلا باخت چىخاندا چىشمە باشىنا

آخر سو قوروپىار گىئىسىه قارشىنا

زەھەر سوقاتىلار، دادلى آشىنا

اونلارين گوناھى نەدىر آرادا؟

سنلى اولسون

فلك چىرخى فيرلاناجاق

سن اولساندا، اولماساندا

چالىش گىيان:

ياشاپىشى چىچكلىنىدىر،

انسانلىغى يوكىشكلىنىدىر.

دولانىشلار،

سنسيزكى يوخ،

سنلى اولسون.

بیر گون اگر سن او لماسان،
زامان دورسون،
ساغر و قورسون!

دویغوتاک سئودا . . .
«هنج نئیهم» دئمه بین
سوز گلیشیدیر.
یوخساکی،
اوره گیننده دویغوتک بسله نن
«سئودایام»
اووندان ماسان!

بولاق گۆزو
بولاق اوتو، دهربىلر کن
بولاق گۆزو، ياشادۇلدۇ.
دامجى - دامجى، گۆز ياشالارى
آراز - آراز، خزەر اولدۇ!

ابوالفتح

«ابوالفتح سلطانى» قاراداغىن «دىزىمار» ماحالى نين «سېرىكش» كندىننە 1330 –
نجى گونش ايلى، آنادان اولدۇ. بويا – باشا چاتاندان سونرا، اكىنچىلىك ايشىنە
باحدى. طبىعتىن صفاسى، آخر چايلارىن نيداسى، اونو شعر يازماغا چاغىردى. ابوالفتح
اۆز دوغما آنا دىلىننە شعر سوپىلمە يە باشلادى.

«ابوالفتح» ين شعرلرى، ساده، آخيجى و صميمىدىر. اوست – اوسته اونون
شعرلىرىن خلقه محبّت، وطنە علاقە سۆزلىرى احتوا اندىر.
نهييە دەير؟

بىر اوجا داغ اولا، گؤيىه دايانا
باشىندا او لماسا قار، نه يە دەير؟
اودلو سىلاحلاردان چەپەرى اولا
بىر باغدا او لماسا بار، نه يە دەير؟

كىشى ده، كىشى لىك صىفتى اولا
حقىقت آختارا، گئىدە دوز يولا
تىيليرم هر ياندان گل – هاگىل اولا
سخاوت او لماسا وار نه يە دەير؟

«ابوالفتح» آختارىر قلبى يانانى
ايزلەبىر هر زامان سۆزو قانانى
تاپسىن خومار گۈزلۇ، قاشى كامانى
بو سىرى يىلمەسە يار، نه يە دەير؟

سن ده گول
چال آى عاشيق، دىلللى، تئلى سازىنى
او با گولور، ئىللر گولور، سن ده گول
طبيعت سوسلەبىر باهار گلىنин
داراخ گولور، تئلىر گولور، سن ده گول

آداخلى ساخلايار، آداخلى پايىن

دەرەر «کەھىيىك اوتو»ن، دەملەير چاين
 چال سازى اوجالسىن ائللەر ھايىن
 شاققىلادايير سئللىر گولور، سەن دە گول

نانجىيىه بېل باغلاماق، عېتدى
 اوندان خىئير اوەمماق يئرسىز ھوهىدى
 دئىيەن يوخ «ابوالفتح» آغاڭاما بىسى
 بولبۇل گولور، گۆللەر گولور، سەن دە گول!

سېز آلاه!
 قويىنۇزدا ساخلايىن، ياتىم، دىنچەلىم
 درەلر، سېز آلاه، داغلار، سېز آلاه!
 قويىماين بولبۇللىرى سوسا قويىنۇزدا
 مئشەلر، سېز آللە، باغانلار سېز آلاه!

چىكمەيىن سىينەمە داغى، داغ اوستەن
 آينىمە گىيىدىرىمە قاراء، آغ اوستەن
 ساخلا، شامامانى اوزمە تاغ اوستەن
 بۈستانلار، سېز آللە، تاغلار، سېز آللە!

«ابوالفتح» خىستەدىر، دورانمير ھەلە
 يار سورا غىندا دىر، يار گەلە — گەلە
 خىستە اوز درمانىن آلماسا آللە
 سېزىلدار، سېز آلاه، آغاڭار سېز آلاه

يار ديارينا

دوستوم! سن گىئىندە يار ديارينا
 يارىم خبر آلار، آلمامىش او لماز
 بىلەرسە گلىپىس يار دياريندان
 منى يادا سالار، سالمامىش او لماز

دئىيەرسن، گودزارى دوشمور او يئرە
 دؤورسىنده دۇنوب تولكولر، شئرە
 اورەگى اىستەيير بىر سلام وئرە
 دئىين گلسە قالار، قالمامىش او لماز

«ابوالفتح» باش آيمز ثيروهته، وارا
 ايندى مونس اولوب چوخ آهوزارا
 گلىر فرهادكىمى داغ يارا - يارا
 قۇل بويوننا سالار، سالمامىش او لماز

تىكان، گولدەرير

زامان دوشوب، كچ فله يىين الينه
 چىرى زامانەنى، ترسە دۇندەرير
 گئور نىچە پوزولوب ائلين قايداسى
 ايندى قىز اوغلانا ائلىچى گوندەرير!

نه تىز آغاردىرى، جاوانلار ساچىن
 خان اولدى ياپالان، دوستاقدىر لاچىن

من اوسلام دئیهرم: دوبونون آچین
کئچل لر باشینا، تقل لر قونداریر

«ابوالفتح» گۆز ياشين سيلەن اولمادى
خستەنин دردینى بىلەن اولمادى
نامردىن باغىندا گولو سولمادى
تىكىاندان گول اولور، گول دن گول دھرير!

پاك اول، دىللرده دولان
آى عاشيق، ساز الده، دردین جانىما
آغىر اول، تمىز گر، ائللرده دولان
آنا — باجى تانى، ائلين قادىنىن
آلده داراق كىمى، تئللرده دولان

دوز اوسلان مجليسە، ائللر آپارار
داراق كىمى سنى تئللر آپارار
پيس اوسلان، آتارلار، سئللر آپارار
پاك تمىز آدىلان، دىللرده دولان

«ابوالفتح»ى سندە هەردن سال يادا
گۈرورسەن وفا يوخ، فانى دونيادا
بو آنا تورپاغى، وئرمە هەچ بادا
«بەم» لردن آل گوتور، «زىل» لرده دولان!

يار - يولداشدا گوناه يو خدور
 زامانا آغاردىپ منيم باشىمى
 زاماندا گوناه وار، باشدا گوناه يوخ
 سورمهنى چە كەنلر، آيرى چكىرلر
 قارا گۈزدە، قلم قاشدا، گوناه يوخ!

نەقدەر يازساندا، سۆز چاتماز باشا
 آنلايان انسانلار يوز ياشا - ياشا
 كاسىيىن قويوسو، تئز چىخار داشا
 بختىنە گوناه وار، داشدا گوناه يوخ!

«ابوالفتح»دە قالدى داردا، مىنتىدە
 دادينا يئتمەدى دوستلار موحنتىدە
 قىسمتىم بئله يمىش شايد، البتىدە
 بختىم ياتىپ، يار - يولداشدا گوناه يوخ.

محرم قاراداغلى

محرم رخنكا، شعرده «قاراداغلى» و گاهداندا «محرم» تخلص ائدىر. او 1332 -
 نجى گونش ايلى، «كلىپيرين» ياخينلىقىندا اولان «گولدەرە» آدلى كىننە آنادان اولدو.
 محرم بىر يوخسول عايىلەدە بويا - باشا چاتىر و كىچىك چاغلاريندان تحصىلدىن
 ال چكىب، «تەهانما» گىندير و نقاش شاگىردى اولور.

شعر یازماقلاء، اوز آجى حیاتین، شیرینله شدیریر و اوره ک سؤزون بو زنگین اثرلرده،
وطنداشلارينا يتيرير. محرمین شعرلرى، عاشيق ادبیاتيندا و اونون فورمالاريندار.

بسدير

بودور حیاتيما آرزيم — ديله بيم
اولسا پاك ايخلاصيم، ايمانيم بسدير
خوشختم اونداكى، ائل لر ايچيندە
دەيمەسين بير كسه زيانيم، بسدير

نه زر وورغونو يام، نه دوولت، نه مال
آينا ويجدانيم وار، قازانجييم حلال
نه ييمە لا زيمدير باشقابير احوال
اولسا بير اوره کدن يانانيم، بسدير

دونيانين حؤكمونو، ياز سالار منه
ناحقة بوبنومو، آيمەرەم يئنه
ھفتەم ايلە دونە، دقىقەم گونە
كىچىسە شرافتلە بير آنيم بسدير

باخ بئله ياشاماق آى «قاراداغلى»
آختار دوستلار آرا كمالى — آغلى
قييما كۈنلۈن آلا هر دىلى باغلى
تكجه جاندان يانان جانانيم بسدير

سنى هر گۈرنىدە
سنى هر گۈرنىدە، آى اوزلۇ پېريم!

داغلارين كوله يي اسيير باشيمدا
خيالين گزيرى، بير كولگە كيمى
اودلو اوره گيمده جاوان ياشيمدا

دوغرودان اوسياياق سئوديرينسە سن
عهدينه گۈز يومدون انصافسىز ندن؟
كۈلتۈمون پريسى، ايندىدە سىنسن!
سنله يازدىر، پايىزيمدا، قىشىمدا

زيادخان اوغلوي دوم عشقىنە بير گون
هجران سىنه مىزە، ووردو مىن دوبون
يوخسوللوق، آرزمىي ائيلەدى سورگون
عشقىن له اوچاردى كۈنول قوشومدا

من «قاراداغلى» يام، گز اوره گيمده
عشقىن تەمهلىنى قاز اوره گيمده
گۈرنە آچىلىر، ياز اوره گيمده
چىچك آچىر، تورپاغىمدا، داشيمدا!

گول درە
سوروشدون قارداشيم، هارالى يام من؟
ائلىم قاراداغدىر، كندىم «گول درە»
اودلار دياريندا، جىنت گوشەلى
ساھير اوره گيمده، بندىم «گول درە»

یازیندا، یاییندا نملر وار نه لر؟
 یاشیل چەمەن لردن، دھر بنؤشەلر
 جوشور اووه گیمەدە بول شەن تغەلر
 اولوبۇر مقدس آندىم «گۈل درە»

اڭلەرن آد آلیب، اولدوغو قىدەر
 لالەلر سئىرىنە وار سەحر - سەحر
 طېيىت خوسنۇنە لطافت چىلەر
 سنى جىنّت باغى ساندىم، «گۈل درە»

ھجران چاغى، «قرە داغلى محىم»
 ياغىر ساچلارىنا قار بىرەم - بىرەم
 اوز جانىمدان آرتىق سنى سۋىرەم
 محبىتىن وار كمندىم، «گۈل درە»

من بىر زنگىنەم كى ...

من بول فاغىرلىقدا، بىر زنگىنەم كى
 مىلچىك جە سانمادىم، زر آلاھلارىن
 اصلاحىدان اويرەندىم شجاعت درسىن
 باغرىنى اوخلادىم، مغۇر شاھلارىن

مىن لرجه حەقسىزلىك گۈرددو، گۆزلىيم
 ضخاڭ لارا، شىمىشك اولدو، گۆزلىيم

ظولم اوئوننده، بوكولمهدى دىزىلرىم
ايرادهم كول ائندى بارگاھلارين

پاك ايخلاصىم شاهلىغىمدىر، تاجىمىدىر
خوش نفهسىم، اوچاغىمىدىر، ساجىمىدىر
وطنداشلار، قارداشىمىدىر، باجىمىدىر
گورجك اودلانىرام، وولقان آھلارين

گل اى «قاراداغلى» آز فغان ائله
دونيا قورولاندان، يارانىب بئله
داملا گۆزباشلارى، دئونهجك سئله
داغيداچاق ايستىكبارين كاخلارين

اولماز - اولماز
كىدەرنىمە شاعىر كۈنلۈم
داغ، دومانسىز اولماز، اولماز
دوز اولورسا، آيرى دە وار
اوخ كامانسىز، اولماز، اولماز

سرو آغاچى، يېتىرىمز بار
هر يئله باش آيمىز چىنار
گۈزەل دئىيب ضىالىلار:
گول، تىكانسىز اولماز، اولماز

سن اونوتما دؤستوم آغلی
يالتاق اوilar ديلى ياغلى
آز غم ايله «قاراداغلى»
سئل زيانسيز اولماز، اولماز

آنا تورپاغى
چوخдан يووارلانير، خزانلى كۈنلۈم
أرى ساحيلينه چاتانمير آراز
ديكىسىنير، يوخودان، هراسان قالخىر
هجران غصەسىندىن ياتانمير آراز

ايللردى اويونور ديله يە چاتسىن
باش قويوب ياسدىغا، آرخايىن ياتسىن
دونيانين كىدرىن باشىندان آتسىن
وجدانى قىزىلا ساتانمير آراز!

سنى سرحد يازدى نانجىب شاھلار
يئتمەدی دادينا، او قىبile گاھلار
سەھنەد او جالدى، دالغاتك، آھلار
بوندان آيرى رنگە بؤيانمير آراز

بو آنايوردومون، تورپاغى – داشى
اولوب «محرم» يىن عزيز سيرداشى
سبب سىزىدە يىل كى، گۆزۈمون ياشى

آخر چشمەلر تك، دايامير آراز

عاشيق غفار ابراهيمى

جعفر اوغلو، «غفار ابراهيمى» 1333 – اونجي ايلين پايز فصلينده، «كليير» ماحالىنин «ناپوشته» كندىدە آنادان اولدى. آلتى ياشيندا تبرىزه كوچدى. اوستاد عاشيقلاردان، ايلهام آلالى، عاشيقلىق صنتىئە داخللولوب، بير گوزھل سىسىلى عاشيق كىمى آدلاندى.

عاشيق غفاردان، ايندييەدەك ايکى شعر توپلوسو: «ائل قوشمالارى» 1372 – اينجى ايلده و «يئنى دېيشمەلر» 1386 – اينجى ايلده ايشيق اوزوگوروبلر.

قدس آنا

وطن بير مقدس آنadir منه
 يولوندا قوربانلىق گىلە وئرمىشىم
 يولموشام كۈكونو ياغى دوشمانىن
 يازدا داشيقين گلن سئله وئرمىشىم.

يئمىشىم چۈرەگىن دادمىشام دوزون
 ايستەرم سىر داشىن عۆمۇرۇنۇ اوزون
 بو اوڭىكەنин ظولمات اولان گوندوزون
 آيدىن لىغا چكىب، ائلە وئرمىشىم.

دئمىشىم كىچمىشىدە قەرمانىنداڭ
 وطنىن يولوندا كىچىپ جانىنداڭ

بوياييب دير داغى – داشى قانيندان
ايندى وطن اوغلو بىلە وئرمىشىم.

آنا بىلېب قوجاغىندا ياتمىشام
قانان انسان لارلا اولفت قاتمىشام
حقّ امرى ايله مورادىما چاتمىشام
گوندە اوج يول سىغال تئله وئرمىشىم.

زور باز رولق دەيىل ووروب يىخام من
اۆزگە حقّىن يېيىب باشا چىخام من
كۈنۈل اىستەرەم كۆلگەسىنە سىغام من
«غفار»ام گوجومۇ دىلە وئرمىشىم.

قىزلار
آنایا داياقتىر يامان گۈنوندە
آنالار حورمتىن گىتىرەر قىزلار
هارا گىتسە گۈزلىرىنىن اۇنوندە
اۆزونو آنایا يىتىرەر قىزلار.

زحمت چىكىر گئجه گوندوز دونيادا
يازىسى يازىلېب ازەلدن يادا
آغىريبا آجىيا اولار آمادا
سېلىر غم – كدرى ايتىرەر قىزلار.

حُقّين نورو يارانيپدىر اوزوندە
خوشا گلر هر باخانىن گۆزۈندە
ايقلار وئرىپ دايىنارلار سۆزۈندە
ايقلارى يېرىندە بىتىرەر قىزلار.

«غفار» دئير چوخ اولوبدور تلاشىم
اللى ايلى اوئتوب تزهجه ياشىم
آنالار سؤيلەسە آغرى بىر باشىم
يارپاق كىمى اسىب تىتەر بىر قىزلار.

گۆزەلدىر
اوْز آنا يوردوما قوربان اولوم من
درەسى گۆزەلدىر، داغى گۆزەلدىر
ياز آيالارى، گول چىچكە بورونى
بستانى گۆزەلدىر، باغى گۆزەلدىر.

گۇرۇب اوغلۇ قىزى گلىر ايلهاما
شوهەرتى يايىلىپ اورومدان شامما
باڭى بار گىتىرەر گۆزەل شاماما
شاماما بىسلەين تاغى گۆزەلدىر.

قىش اولا ربو روئىر داغلارى قارا
بوتون گۆزەللىكلىرى دوشىر آشكارا
چارەسيز دردلە بىرلىكدىر چارا

«غفار» دئیهर بولسا یاغى گوزه‌لدىر.

1- گرایى

يولا وئرمىر

«من» زامان لە، يول گىدىرىم
 زامان منى، يولا وئرمىر
 دىيەرەم گل، گزەك قوشما
 او منلە قول قولا وئرمىر!

ندهن دىرسە آتىر منى
 تورپاڭلارا قاتىر منى
 او جوز آلىپ ساتىر منى
 او زەدە يەرىم بوللا وئرمىر!

رحم ايلەمیر گوز ياشىما
 حسرت قويۇر قارداشىما
 كۈلگە سالماغا باشىما
 فورصتى هېچ كولا وئرمىر!

زامانىندا گولوشو وار
 عدالت سىز بولوشو وار
 هر ئىلەكى مىد كىشى وار
 مىلىنى ساغ سولا وئرمىر

راضى اولدوم چوخا آزا
 او اۆزونو قوبۇر نازا
 «غفار» آل آتاندا سازا
 اوره گىنى پولا وئرمىر

سن الله

سحر سحر أَسَنْ أَىْ صِبَا يَئْلِى
 يَهْ تِيرْ سَلَامِيْمِى يَارَا سن الله
 قَارَا تَئَلَّرْ حَلْقَه وَوَرَسُونْ آغْ اَوزَدَه
 پَرِيشَانْ تَئَلَّرِى دَارَا سن الله.

يار اوينايىب گولسون اولماسين غمى
 هجران اودلايىب دير اودلو سىنهمى
 سن اولگىيان نازلى يارىن ھەممى
 او دوشىمەسىن آه — زارا سن الله.

غريييم غوربته آتىلدى داشىيم
 غم چكدىيم آغاردى كېرىپسىيم قاشىيم
 «غفار» ام آغلادىيم آخدى گۆز ياشىيم
 او لمادى دردىمه چارا سن الله.

ذوق الفقار

ذوالفقار کمالی، قاراداغ شاعرلریندندی کی 1334 – نجی گونش ایلی «ارضین» کندیده آنadan اولوب. اونون ایلک شعرینی گونش ایلی 1354 ده یازیب و اوندان بله بیر آیدین فیکیرلی، درین دوشونجه‌لی حقیقت دیله‌بیب و حقیقت یازان، ظلم و جهل و عدالت‌سیزی‌لکله یورولمادان ووروشان، آنایوردو آذربایجانا، ائلینه، اوباسینا وورغون بیر شاعر اولوب و دهیرلی اثرلر یارادیب.

ذوالفقارین بیر شعر توپلوسو، 1371 – نجی ایلده، تبریزده «قاپیمیز آچیلیر گونشه ساری» عنوانلا یاییلدی.

من ائل بالاسی‌یم
ورغونام ازه‌لدن آذربایجانا،
من اونا بالایام، او، منه آنا.
قوی آنام یولوندا بله‌شیم قانا،
چونکی عاشقی‌یم من اوز ائلیمین
آنامدان یئتیشن شیرین دیلیمین

حئیرانام وطنه، عاشقیم ائله،
نئجه‌کی عاشقیدیر بولبولر گوله.
یانیب، یاخیلارام، دونه‌رهم کوله،
آیریلسام ائلیمدن یانار اوره‌گیم
یوخ اولار بیر آندا آرزیم، دیله‌بیم

باش آیدیم وطنین محبتینه،
عشق اولسون ائلیمین شرافتینه.
مین آقیش یازیلسین متناتینه،
قوی من ده بوی آتیم ائل قوجاغیندا

ھم غەللى چاغىندا، ھم شەن چاغىندا

اڭل دردىلى اولاندا، آغىرىيبار باشىيم،
آرازىن چايى تك، آخار گۈز ياشىيم.
خالىقىدىر داياغىيم، ائلدىر سىردىاشىيم،
من ائل بالاسى يام، ائل منى آتماز
ائىلدن آىرى گەرن، مقصىدە چاتماز

قارا بولوت

يئنه باشىيم اوستە نەھرلەنيرىن؟
پاسلى قىليچ كىمى زەھرلەنيرىن!
گاھدان اوجالىرسان، گاھدان انيرىن
ايتىيل گۈز اۇتونىندن، آى قارا بولوت
باخىب گۈلۈمسەسىن، آى، قارا بولوت!

قوى گوروم سمانىن گۈل جمالىنى،
لكە گۇتۇرمەين جاھ - جلالىنى.
نشانلى قىيز كىمى پاك خىالىنى،
او ماوى سىمادا سن بىر لکەسنى
چىچكلى باشىينا غەممى تؤكە سن

عەمەرمەدە، من سىنى چوخ سىنامىشام،
عذابلا، مەختىله، ياشا دولموشام.
ھم گوندوز، ھم گىتجە، ھم سحر - آخشام،

منیم طالعیمه قدم قویوبسان
باغریمی سونگوتک، اشیب، اویوبسان

چکیل! خیالیمی ائتمه پریشان،
قوی گولسون طبیعت، قوی گولسون جهان.
گون چیخیب، پارلاسین بیر آذر نشان،
یاپیلسین داغلارا نور سپه - سپه
قاینار بولاقلاری هئی اوپه - اوپه

سنین باخیشلاریندا
داغلارین عظمتى
شیمشکلرین قدرتى
چیچکلرین عیصمتى
سنین باخیشلاریندا.

صداقتین بیر دنیز
ایسته بین گولدن تیز
حیات، غصه سیز غم سیز
سنین باخیشلاریندا.

سن عشقینه صاديق اول
حیاتدا مین یول دوغول
سعادته دوغره یول
سنین باخیشلاریندا.

ناحق دوغولمادىن سن
 پاک عشقىن اتەيىندىن
 معناalar دويورام من
 سنين باخىشلاريندا.

دونيا سنه دار اولماز
 كەھر آتلار يوروولماز
 اوميد هئچ واخت قىرىلماز
 سنين باخىشلاريندا.

مېن يول دونيابا گلسن
 ائله بئله ياشارسان
 اوخونور گۆزلىيندىن
 سنين باخىشلاريندا.

يوسف جمالىم منيم
 ماھىيم ھىلالىم منيم
 شاعير خىالىم منيم
 سنين باخىشلاريندا.

يالان سؤز نه يە لازىم
 نه چاشدىرييم نه آزىم
 منيم ايستەييم آزىم

سنین با خیشلاریندا.

دایاندیق بیز

مینلر حسرت قالدى اوره گیمیزدە،
نامرد آت اویناتدى كوره ییمیزدە.
سولدو آرزیمیزدا، دیله ییمیزدە ،
بیز یئنه دؤنمەدیك ایستە ییمیزدن
یئنه ایلهام آدیخ داغدان دەنیزدن

محکم دایاندیقدا، چاغلا دیقدا، بیز،
 DAGLANDÝCQ, SÝNMADÝCQ, DAGLANDÝCQ DA, BÝZ.
 آغىر يارالاردا آغلادیقدا، بیز،
 قالدى زنجىرلرده، قوللاريمیزدا
 آيرىلدى يولداشدا، يوللاريمیزدا

یئنه كوهنه لمەدیك، بیز، قىزىل كىمى،
 بىرین اينجيتمەدیك آجى دىل كىمى.
 سىسيمیز گلنده بىر بولبول كىمى،

سئويندى چمندە، سئويندى گولدە
 سئويندى اوبداد، سئويندى اقل دە

رحیم

رحيم عالي، آدى گوزل اوغلو، گونش ايلى 1334- ده آرازىن قيراغيندا اولان «كوردشت» كندىنده آناندان اولوب. رحيم بيراكينجى عايلەدە، اولدوغۇناڭورە، آلتى كىلاسدان آرتىغ درس اوخوماغا ايمكان تاپمايسىب. لكن گۈزەل قوشمالار يازىب و كور داشتىن، شاعير بئجردن هاوسى، اونادا بويوك تأثيرلر قويوب. ميرزا خرم كوردشتى، 1166-ق. - 1241-ق.) و نوهسى خاور كوردشتى، بو كنده نىسبىتلرى وار.

رحيم عالي نين شعرلىرىنىڭ نمونه

1- قوشما

(1)

من سنه جان دئىيىب باغرىما باسىدىم،
بىلەمەدىم جانىما اود اولا جاقسان.
اودونسوز، او جاقسىز منى ياندىرىپ،
كۈورەلىپ گۈزومە دود اولا جاقسان.

چاي كىمى جوشموسان حددن زىادا،
شاھ مردان اۋۇن يېتىش فريادا.
غرق ائدىن سن منى قعر دريادا
بىلەمەدىم نەنگى سن اودا جاقسان.

آللەدان قورخون يوخ بىندهدىن حيان،
چوخ ياتما غفلتىدە گۈزۈن آچ اوبيان.
ائىل دئىير «رحيم» - ه صىبر ائلە داييان،
انشاء الله آخرىكى بود اولا جاقسان.

(2)

مجنون کیمی چؤلدن چؤله کوچورم،
 نه لیلی گو رونور نهده ایزلری.
 بو دونیانی بئله کی وار گؤزورەم،
 نه اگرى تانینیر نهده دوزلری.

نه دوستو تانیندی نهده دوشمنی،
 هریانا باخیرام وەرەم خبر منی.
 بو دونیادا گۆردوم من جەننمی،
 آلوسۇز ياندیردى يالان سوزلری.

کیمی قوردکیمیدیر قويون دالینجا،
 کیمی تولکوکیمی اوپيون دالینجا.
 «رحیم» گۆزتچیدیر هرگون دالینجا،
 دومان چىسىگىن چم بوروپوب دوزلری.

(3)

قار آلتىندان گوز ائيلەيىر،
 چىچكلىرىن تزە داغلار.
 كۈچ كروانى يول ائيلەيىر،
 كۈچور قونور سىزە داغلار.

سورمه چكىب گوزه لالا،

سورو قالخىب سرىن يالا.

سود گتىردى خىردا بالا،

عجب وئردى مزه داغلار.

قوبۇن — قوزو گله گله،

چوبان نئىين آلدى الله.

بولاق دئدى گولە گولە،

گل قوناق اول بىزە داغلار.

آخار سولار سىس سالاندا،

بولبول لرىن دم آلاندا.

«رحيم» گوپىلۇن غم آلاندا،

قوناق گله سىزە داغلار.

(4)

اوز اوستە سوروندوم من حقّە سارى،

وصالە يئتمەدىم آ ئىل لر — ئىل لر!

چكىلىمېر يولومون بورانى، قارى،

آزدىرىر يولومدان آ ئىل — ئىل،

اسدى سازاق، قوبىدى كولك تىهدە

كرم كىمى غرق اولموشام شىپەدە

خيال لانىب گاھ قالىرام شوبەدە

نه هفتە، نه آى، آ، ايل لر، ايل لر

اولوبدور داغلارین شئرى، پلنگى
 تولكۇ فرهاد اولوب وورور كولونگى
 مردین سينهسىنده بئرنوو توفنگى
 باش أىير نامىرە آ ئىل لر - ئىل لر

داوران

ناصر داوران، 1336 - نجى ايل، اهرىن «جووهند» كىدىننە حىاتا گۆز آچىب،
 تحصىلاتىن بىتىرەندن سونرا، بىر مدت معلم چىلىك وظيفەسىن داشىيىب، سونرا لار بىر
 خصوصى شىركىتىدە، چالىشىب.
 داوران، چاغداش آذربايجان ادبىياتىندا تائينىميش چەھەلدەن اولوب و اوز شعرلىرى
 ايلە ئەليمىزە - ئۆبامىزا الە اولان امکانى دە، خىدمەت گۆستەرىپ.

معارفە

ايستەسن بىلەسەن، كىيمىن اوغلۇيام،
 آتام نسىمىدىر، آنام نىڭاردىر
 سۈرۈشىسان ئەليمى يوردو مو منىم
 آتشلەر اولكەسى بىزىم دياردىر.

دېلىم فيضولىنىن يازدىغى غزل
 جىنتدىر وطنىم، هر يئرى گوزەل
 شعرىت بىزىمە يارانىب ازەل
 كلمەلە: گول چىچك، دېلىم باهاردىر.

قانيميز ايستىدىر، قلبىمиз آينا
 اورەكدىن ياناريق دوستلوق اودونا
 محبت نامينا گىلدىك جاهانا
 دوز ايلقار دىئيلەن بىزىم ايلقاردىر.

سن سىزلىبىم

من سنى سون دفعه آغ دوندا گۆرۈدۈم
 سفردن گلمىشدىن گوللو يازكىمى
 باش قۆيىوب سينەمە، قلبىمى دويدون
 اورەگىم سىزلادى سينيق ساز كىمى.

ھفتەلىك سفرين حسرتلرىندىن
 دؤبۈنچا دەيمەميش گۈزۈم گۈزۈنە
 آيىلارين، ايللارين سفر يولۇندا
 حسرتىم بىش كلمە شىرىن سوزونە.

ايىندى سون گوروشون خاطىرەسىلە
 سنسىز گونلارىمى آخشام اىدىرەم
 اوز اقلاردا قالماش گونلارە دوغرو
 سنلى صاباحلارىم — دئىه، گئىرەم.

جزالى

گۈزۈن گۈزۈمە يالان دئىدى
 گۈزلەرين آلاتىدى منى

گۆزۈم باخا – باخا
 دىلىننە مەنیم سئۇگىم
 باشقاسىنا محببٌت
 اورە گىننەن گىزلى يېرلەرىننە
 قاينايىب آخديم سن بىتن چوللە
 تورپاغىن قاتلارىندان جوشان سولار كىمى
 دوم – دورو
 صاف – ساده
 دئدىم يورغۇنلۇغۇمدا
 كۈلگەلى چىنار اولا جاقسان
 وقارلى، مەربان
 اوزىلە يەجە ك خوشبخت گونلىرىمى
 قىزلار، گلىن لرا!

وفاسىز جاچىخىدىن قارشىما
 الين اليمدە ديرسە
 اليمدە دئىيل
 باشقىا محببىن سوراغىنداسان، بىلىرەم
 مەنیم دوز ايلقارىما
 سويوق – سويوق ياناشماغان
 هانسى گوناھىن جزاسى دير؟!

در بير قولاغيم

قوزومله شمه سينه بلنميش
 تو تك سسينى
 بو شن دوران چوللرده
 جيلير بوداقلى بير قوش اوزومو
 داش اوستوندە يايىلمىش كرتىنكىله يه
 پىچىلدا بير
 هئچ بو ايل خبر - اثر اولمادى
 خان چوباندان

«باياتى لار»
 قىزىل گول تك، گول اولماز
 ائلىمكىمىي ائل اولماز
 قوربان اولوم دىلىمە
 دىلىمكىمىي دىل اولماز.

گزمه يه چمنىم وار
 او لمە يه كفنيم وار
 چوخونون وار - دولتى
 منىم ده وطنىم وار.

دار گوندە داياغىمىدىر
 قولوم دور، بودا غىمىدىر
 مقدس وطن عشقى

يوللاردا چیراگىمدىر.

دؤشوندە گولە قوربان
 داراخلى تئلە قوربان
 وفالى يار بئجردىن
 وطنە، ائلە قوربان.

ساقى

گتىر گولگون مئىيى وصلى، دولاندىر مجليسى ساقى
 آماندىر دوردو قلىبىم، دورما، ياندىر مجليسى ساقى.
 بلۇرىن جامى گزدىر، قوى وصالى دادمايانلاردا
 يېتىشىن وصلە، وصلە بىر ايناندىر مجليسى ساقى.
 نەدىر ساكىت دوروب دورغۇن سوتىك مىممۇم اوپۇر مجليس؟
 شراب اىچدىر، دىنىزتك دالغاناندىر مجليسى ساقى.
 اووه ك يىجا يئرە يوخ، بىر بويوک عشقە گره ك يانسىن
 بو عشقە يانماغا يانساندا قاندىر مجليسى ساقى!
 وصال يارايلە گولشىنده بولبول نعەمەسىن دىنلە
 گۈزەل مجليس قوروپ بولبول، اوزاندىر مجليسى ساقى.
 يالاندىر ناصحىن فيتواسى، عشقىن كعبەسىن طوف ائت
 حقىقت شمىسىنە يئرتىك دولاندىر مجليسى ساقى.
 بو قىشدا اىستىلندىر آتش مئى دن سوپىق جانى
 الىندىن آل زمىستانىن آماندىر مجليسى ساقى.
 دامارلاردان شراب آخسىن، آلولانسىن سوپىق جانلار
 قىام ايلە، قىامت سال، اوياندىر مجليسى ساقى!

آغيارلى

حسين سيف هريس كه «آغيارلى» آديله تانينير، گونش ايلى 1336 دا قرهداغ ماحالىندا، هريس - خانمود بولگەسىنىن «خنه يى» (= خانقاھ)، كندىنده آنادان اولوب، سوزالار تهرانا كۈچوب.

«آغيارلى» نين شعرلىرىنده، انسان سئورلىك، وطنپورلىك و محبت موضوعالارى گۆزه چارپىر، اونون «گونشه سارى» عنوانلى شعر توبلاسوندان كى 1381 - نجى ايلده تهراندا يايىلىپ، بىر نچە نمونه شعرلىرىندن اوخويورۇخ:

يانا - يانا

بىر شمع اولوب ارىيەيدىيم،
دوست باغييندا يانا - يانا.
سئوينچ اولوب يئرىيەيدىيم،
ياناغيندا يانا - يانا.

بىر دومانسيز داغ اولايدىيم،
ياكى، ياشىل باغ اولايدىيم.
نه اوЛАРДИ ياغ اولايدىيم،
چىراغيندا يانا يانا.

سارسilmمايان ائل اولايدىيم،
ائله، قىزىل گول اولايدىيم.
بىر دانىشان دىل اولايدىيم،

دوداغيندا يانا — يانا.

آل قان او لووب بله نئيديم،
ايشيق او لووب آله نئيديم.
وطن دئيه چيله نئيديم،
قوجاغيندا يانا — يانا.

«آغيارلى» گلديم جانا،
نئجه قالديم يانا — يانا.
بير شمع او لووب چاتام سونا،
او تاغيندا يانا — يانا.

اتالار او گودو
بير مئل قالىيدىر آتا بابادان،
ياش ايسه قورونون او دونا يانير،
كدورت، عداوت، گتسه آرادان،
دوستلار بير بيرىنى او ره كدن تانير.

قاچار باشيمىزدان ظولمت، فلاكت،
دوستوم بير داغ كىمى او لسا داياغىم.
قالسما آرامىزدا اولفت — محبت،
اولا رونون ائوى، ايستى قوجاغىم.

بيزه او گودلرده دئميش هر آتا،

دۇست دوستو گۈزوندن آتماسىن گەك.
اونو بىيگانىه، اغىرار، ياد،
قورو تېسۈمە ساتماسىن گەك.

آختارىرام آختارىرام

سما لا ردا اىستەدىگىم اول دوز لارى
آختارىرام من اونلارى
آختارىرام، آختارىرام.
اىستەپىرم قىزىل گونش
بو قارانلىق اول كەلره
ايشيق ساچا، ايشيق ساچا.

آختارىرام
بىر آجاجى آختارىرام
بىر آجاج كى
قول قانادى آزاد اولا
اونون ياشىل يار پاغىندا
من ده سىنيق قلمىم له
او خىر داجا او شاقلا را

ناغىل يازام
ناغىلىيما، شوش بويىزولو كىچى قالا
آج قوردقابچا، آج قورد قابچا

آذربايچان من بولبولم گولوم سن سن،

آغزیمداکی دیلیم سن سن
اوبارم سن سن – ائلیم سن سن
آذربایجان، آذربایجان.

یاشیل – یاشیل چؤللرین وار
چؤلدە قیزیل گوللرین وار
سارسیلمايان ائللرین وار
آذربایجان، آذربایجان.

داغلاریندا، گزەر جئیران
ائللر باخار قالار حیران
جانیم قوربان، گوزوم قوربان
آذربایجان، آذربایجان.

آنَا وطن، ایکى گۆزۈم
دیلیمین ازبرى، سۆزۈم
«آغیارلى» يام، اودۇم، كۆزۈم
آذربایجان، آذربایجان.

نرگیز
عشق اودونا من ده ياندىم
سن داياندىن، من داياندىم
شوقوندان اود توتوب ياندىم
يارپاقلارى قوشما نرگىز.

اوره گىمده غم اوياندى
 درد سينه مده چالخالاندى
 گۆز آغلادى كۈنول ياندى
 عۆمۇر چوندى قىشا نرگىز.

«آغىارلى» يام يارا كۈنلۈم
 هئى دؤيۇنور يارا كۈنلۈم
 اوچوب گەدىر هارا كۈنلۈم
 اوخوم دېيدى داشا نرگىز.

« يوللارينا گول سېھرەم »
 گوپلەردىكى دان اولدوزۇم
 دىلىمەدەكى شىرىپىن سۈزۈم
 منىم گۆزەل نازلى قىزىم
 يوللارا، گول سېھرەم گل
 گۆزلىرىندە ئۆپەرەم گل

گل دانىشاق آتا — بالا
 قويما منى كەدر آلا
 غم كۈنلۈمە سازىن چالا
 يوللارا گول سېھرەم گل
 گۆزلىرىندە ئۆپەرەم گل

گؤیده بولودلار کاریخار
یاغار، سولار، جوشغون آخار
بوردوموزدا اولدو باهار

يوللارا گول سپەرەم گل
گۆزلریندن اوپەرەم گل

آياز ائل اوغلو

آياز حيدرنژاد کى شعرده «ائل اوغلو» تخلوص ائدير، 1337 - ده، قاراداغين
گرمادوز ماحالىينىن، «ديل بىلمىز» كىدىننە آناندان اولوب.
ائل اوغلۇنۇن، ايلك تجربىسى «كۈنۈل آيناسى» آدىلا، 1373 نىجي گونش ايلى
تېرىزىدە ايشيق اوزوگوردى. اونون شعرلىرى، اولدوقجا صىيمى، ساده و گاھدا
خصوصى دىر. او اۆز خاطىرلەرىنى، اورەك سۈزۈلرېنى، شعرىلە دېئير و آتابابا سوزلەرىندىن
فايدالانماقلار، اوز شعرلىرىنە صفا و جلا و ابەتباخش ائدير. «آرزى بوقچاسى»،
«تاتىريدان گىلايە» آيازىن آىرى اثرلرى دىلر.

كۈنۈل آيناسى

باخسادما گۈرۈرم من باخمسامدا
كۈنۈل آيناسىندا هر زامان سنى
صاباح گونشى سن، گۈزۈم اۇنوندە
اونودا بىلمىرم ھەنج بىر آن سنى.

هر حسرتىن درد - غمى بول اولار

دگىللرکى قىلدىن — قىلبه يول او لار
 آراسىندا قارا تىكىان كولو او لار
 ال امان — ال امان — الامان سنى.

«ايل اوغلۇ» آيازام ائله عاشيقىم
 خومار گۆزدن آخان سئلە عاشيقىم
 ساز چالان دەيىلىم بئلە عاشيقىم
 ازەلدىن دويموشام كار — نادان سنى!

زھر — ى مار
 سال پتە يە بارماغانۇن بئشىنىدە
 قوهوما بال يېدىرىت، يادا زھر — ى مار
 يالا ياندان سورا دېيەر آجى دىر
 واى قوروشۇھرته، آدا زھر — ى مار.

نادان سنى ياخسا قور عوضىينە
 جەھنم ياخشىدىر گور عوضىينە
 فرقىن قانمايانا، چور عوضىينە
 يا، بىلى دئىگىن، يادا زھر — ى مار.

دانىشاندا ياخشى — ياوا قويمايىب
 نە دوست آراسىندا شاوا قويمايىب
 صولحە راضى لاشىب، داوا قويمايىب
 چوخ يېرددە سوووبدور، قادا زھر — ى مار.

اوزوک گؤزدن دوشر، اوشاشدان سورا
 بدن نيه لازيم، دئه، باشдан سورا
 انصفدير «آياز»دا، بوياشدان سورا
 اوئزگه سوفراسيندا، دادا زهر – ئى مار؟

داريخير

تاقچالاردا توز بوروين دفتريم
 سن ده داريخامسان، زامان داريixer
 اوشاق كيمى اوره كلهنىب اوستومه
 آغلايان قلمىم، يامان داريixer

نه زيندان چكيرسن، زيندان ايچينده
 سن تاقچادا دوستاق، مندە غمىنده
 اويان دوشمانىمييز ياتىب كمىنده
 اوخ يايا سؤىكەنىب، كامان داريixer

سنسيزله ميشم

سنه سنسيز يازيلان دفتريمى، گيزله ميشم
 كۈنلومون گوزگولرىنده، شكيلين ايزله ميشم
 بير زامان بيرگە اولوب، سن من ايدىن، من سن ايدىم
 سنى بىلەم نئجه سن؟ من سنه من سيزله ميشم!
 دولاما عشقى بولانميش داغا بنزەر، باشىمييز
 گل منيم گۆزلىريمىن چىسىگىنى، چىسىزله ميشم
 كۈنلومون قوشلارى آختاردى كى، بير دفتر آجا

سوسدۇ بىردىن قلمىم، بلکەدە دنسىزلە مىشىم
 يوخسا فيكىرىندە دەيىل عەھدىمېزه «ھەن» دئمەيىن
 منى حىئاران ياشادان يار، يئنە هنسىزلە مىشىم
 روحوم عشقىنلە گزەركن، او جالىپ آن – بويوما
 عشقىن آللەن وئەللى، اينجەلىپ، آنسىزلە مىشىم
 «آيازا» جاندان عزيزىسن، ياخىニيم سان، ياخىニيم
 بىر او زاقدان منه باخ، گۈرنىچە سنسىزلە مىشىم

آيازا منى

زىندا بىان من ايلە بد باشلايىدىر،
 قويىمۇر بىرگون چىخام آيازا، منى
 جلالاتكىن خنجر آلىپ دستىنە
 اىستەيىر كاباب تك آ، يازا منى.

ائىل قەھرى چىكمىك دن او لدوم يارالى،
 قايدا بودور يار دردىنى يارالى
 جان چوروتىسە يار مەتى يار، آلى
 قورتار زمىستاندان آ، يازا منى.

خستە كۆنلۈم نار اىستەيىر، نارىن گل
 باخ سۋۇرمە نارىن دانىش، نارىن گل
 پرويزىن دردىنە درمان نارىن گل
 بلکە يار يئتىرە «آيازا» منى.

جئگالى قوشما

وفالی دوستلارین ايلک محبّتین
 نظمه چكیب، تاريخلره ياخشی ياز
 عاشيق دئیر ياخشی ياز
 ياخشی پاییز - ياخشی ياز
 آل قلمى دستينه
 يارا مكتوب ياخشی ياز
 بير بولبولم بوران - چيسگین - قار گؤرموش
 قيش قورتارسين، قوى باشلانسین ياخشی ياز

اوره كلر اوود تو Tutor ديل آلو ولا نير
 قصديميزه كوت اولگوجلر سوولا نير
 من عاشيغام سوولا نير
 داغدا مارال او ولا نير
 او خ ده بيدير سينه مه
 يارام قاليب هو ولا نير
 ملحم گتير، شفا تاپيم اليinden
 سنه احوالىمى يارا ياخشى ياز

«ايل اوغلۇ» آيازام ايلدن آرالى
 گوموش كمر اينجه بىلدن آرالى
 عاشيق دئير آرالى
 ترلان يئرين، سار، آلى
 ازهل گوندن قايدادير
 يار در دينى يار، آلى

دوست - دوشمان ايچينده ائل آراسيندا
سالدين منى آه - زارا ياخشى ياز

هريزلى

زينالدين هريس نژاد کي شعرلىرىنده «هريزلى» (= هربىلى) و گاهدان « حاجى»
تخلوص اىدر، 1337 - نجى گونش ايليندە، «هريس» شهرىنده ايشيق دونيايه گوز
آچميش.

هريزلى، ايلك شعرلىرىنى غزل و قطعه قالىيىنده، فارسى دىلده يازىپ و سونرا،
آنا دىلىنده بويوك اثرلر يارادىپ.

حاجى هريزلى نين، شعر و مقالهلىرى ايران و آيرى اولكەلرىن، قازىتلرىنده چاپ
اولوب. «حيات ترانهسى» ايلك شعر توپلوسودى کى «هريزلى» چاپدان بوراخىب.

تكجه بير يول

عؤمور وار سويوموش سوورولموش اوجاق
عؤموروار اوجاغى كۈز ايله دولو
سينه وار بير آغيز سۈزۈ توئانمير
سينه وار دريالار سۆز ايله دولو.

گون لر دال با دالا دوزولور بير - بير
حيات دويولماسا عؤمور گون ايتىر
حياتى دويىماغا، ايکى گوز نەدىر؟
بىر اورك اىستەيىر گۈزايىلە دولو.

حیات یولون آزدی دایانیب دوران
 مقصده چاتمادی بوینونو بوران
 آتلی لار ساوشدو سانکی بوراغان
 تکجه بیر یول قالدی توزایله دلو.

یانیق کرمی
 یورقون خیالیمی ینه بیر کره
 نغمه قانادينا میندیر کرمی
 دولاندیر داغ به داغ دره به دره
 اصلیم دیارینا قوندور کرمی.

هارای هارای سالدیم هایا گلن یوخ
 آغلادیم گزومن یاشین سیلن یوخ
 سئودالی کونلومون دیلین بیلن یوخ
 دیندیر اوره گیمی دیندیر کرمی.

آرزیم دوستاخ اولوب بدن ایچینده
 قورخoram چورویه کفن ایچینده
 سرحد اسیرییم وطن ایچینده

شئغا سر حدلری سئندیر کرمی.

چکمیشم، چکرم وطن غیرتی
 بويولدا خوشلارام هر موصیبیتی
 آجینی، آغیری، دردی، حسرتی
 سیزلا، جانیمیزا سئندیر کرمی.
 عشقین آتشینده من آلیشیرام

بو اودا يانيرام هر سحر آخشام
سینين او جاغندا يانما خلا خوشام
ياندир «هريزلىنى» ياندир كرمى.

ياواش ياواش
ارييير هجرانين بوز صلابتى،
وصال آرزيسىيلا دوز ياواش ياواش،
هجران سويوغوندا او شوين جانيم،
چىخار كول آتىندان كوز ياواش ياواش.

كاش سئچە بىلىدىم قىزىلى مىسىدن،
قالقان كول لارىنى لاله نرگىسىدن،
قارانلىخ كچىلىر، ياخشىنى پىسىدن،
كاش سئچە بىلىدى گوز ياواش ياواش.

ھىجرينinde عومرومۇ ورمىشىم بادا،
نغمەم چئويرىلىپىدى نالە - فريادا،
اولسەم دە سىررىمى آچمارام يادا،
سنه آچاجاغام سوز ياواش ياواش.

زمانەسى بولبولون
چمن ايچەرە او دتو توب او دلانىب،
ندن آشيانەسى بولبولون
پوزولوب سوسوب بو تحسّره

دەندىرىپ بەھانەسى بولبولون.

ائله بىل كى بوللودو نىسگىلى
پوزولوبىو حالى يانىب دىلى
گۆرەسن چمندە سولوب گولى؟
كىلىيپ ترانەسى بولبولون.

دئىھەسن زمانەسى قان اودوپ
اورە گىنى غملە - كەر توتوب
سازىنин قولاغىنى غم بوروب
داگىلىيپ چغانەسى بولبولون.

غەمين آچماغا يوخدور كسى
كىلىيپ او دور كى حزىن سىسى
دئىھەسن دۇنوبىو دۇنرگەسى
قارالىپ زمانەسى بولبولون.

سيزى تانرى بىر آرايىن بؤلۈن
اوزو يوخدو وار اىزى بولبولون
اوزەرىننە گۆزىياشى وار گۆلۈن
باخ او دور نشانەسى بولبولون.

قانا اگله نىبىدى ترانەسى
او دور آهوزارە بەھانەسى

نهايزى قالىب نه نشانەسى
دە قالىب داھا نەسى بۇلۇلون؟

قانا دى سىنىق دىلى باغلىدىر
كدر ائولى دير، غم او تاقلى دير
او «ھريسلى» تك سينە داغلى دير
بو ايمىش، فسانەسى بولۇلون.

ھايا دونموشم
عمانىن عشقىلە يانىب آشىدىم
دايانمادىم عمان دئىيە چالىشىدىم
جولادان آخاڭىن داغلاردان آشىدىم
دنىز سوراخلاشىپ، چايَا دونموشم.

ايشيق لىغا سارى يول آرادىيم من
گۆزومو يوممادىم پارلاق گۈندىن
او دوركى ايلەدىم سىمادا مىسكن
گۈندىن نور آلىب، آيدونموشم.

دنىزدىن اوپىرىنىدىم گورچاغلاماغى
شىشكەن اوپىرىنىدىم شاقىلدا ماغى
او گۈندىن بوشلادىم بوش آغلاماغى
سېزىلتى ايدىيم، ايندى هاياتا دونموشم.

قولاغيما ده گدى چايلارين سىسى

دلى گۈنول ائتدى باها رهوسى

كوكسومە، توخوندويا زىن نفسى

باريتىيرەن اىستى يايادۇنۇشىم.

آلادا بىلەمە دىيم اوزومو اوزوم

حقىقت آرادى اورەگىيم — گوزوم

«ھريسلى» يەم سۆزۈر اوخ كىمى سوزوم

گىرنىشىپ دار تىينىب، يايادۇنۇشىم.

آيرىلىق

سېنه مىن داغلارينا چۈركۈدۈمان — چىن سىنسىز

قارا ساچالارىما دوشدو گۈزەلىمەن سىنسىز

توكەن ئىپ دىرىدۇزوموم دوشىمەدە سىندىن آرالى

سېھرم حىرتى گۈنلۈم قوشۇنان سىنسىز

آيرىلىق قويىدۇتا مارزى وصالىن نىشە سېنه

كدرىيم، نىسگىلىيم آرتا رگونو — گۈندىن سىنسىز

آيرىلىق دردىنه چارە: دەئىيلر دۆز مكدىر

دوزە بىلەم، دوزە بىلەم نەائىيم من سىنسىز؟

قاناد آچما قدا خىاليمدا قالار آرزا قوشو

خولىالار عالمىنى سئىرە چىخاركىن سىنسىز

گۈرنە فرقىتە «ھريسلى» اورەگىيم توتقۇن اولوب

سېنه مىن داغلارينا چۈركۈدۈمان، چىن سىنسىز

وطن، ديل

اوگوندن کى دويどوم عشقىين معناسين
 منيم آنا وطن، سئوگىلىم اولدو
 اوگوندن تانيدىم هنر دنياسىن
 دويغۇمون سىرداشى اوزدىلىم اولدو.

حياتا گوزومو آچاندان برى
 دىلىمىن اولوبىدور وطن ازبرى
 ساغالتىدىم اوره كده آغيير دردرلى
 آيرىليق ساغالما زىيسگىلىم اولدو.

آنچاق حيات يولويئنه دولاشدى
 دنىزتك دورمادان چاغلادى داشدى
 قاسىر قالار گلىپ باشىمدان آشدى
 دوزايىنام، سعادت ساحلىم اولدو.

چالىشدىم نهايت چاتدىم ساحله
 شعرىمى خصر ايتدىم وطنە - دىلە
 سئويب سئويمكىن سوزآچدىم ائلە
 سودالى اوره كلر منزلىم اولدو.

نىنیم

بىر اود دوشوب جانىما ايندى يانمائىم نىنېم
 توکندى طاقت و صبرىم اوسانمايم نىنېم.
 سنه كى چاتمير اليم باغرىما باسم گوزلىم

غمین عومور بوبى ایستکلى سانمايم نينيم.
 ائله گلير منه کي، منده هچ يوخام سنسيز
 ايتيرمييم اوزومو، ياكى دانمايم نينيم.
 بو آيريليخ چولودور بوردا يوخدى دالدانجاخ
 بو چولدە اوز غميمە دالدانامييم نينيم.
 گونوم اولوبدى قارا، آرخاسىز قالان « حاجيام »
 بو قارا گونلىيمە آرخالانمايم نينيم.

ياشيل آدرى
 قيشين سويوق نهفهسى
 هوپدو مئشهنىن جانينا
 سازاقين بوز نعمهسى لە
 تىتىرەشدى جوپورلەر
 دوندو سولارىن سەسى
 قوش لارىن نعمهسى
 دوندو آغاج لارىن دامارلارىندا قان
 دوندو مئشهدە هىززاد
 دونمادى آنجاق حيات
 مئشهنىن كۈكسوندە دۆۋىوندو اورەك
 يام ياشيل آرزى لارلا.

اهرى

داود اھرى 1338 - نجى گونش ايلى، قاراداغ ماھالىنин مرکزى اولان «اھر» شەھرينده ايشيقلى دونيابا گۆز آچدى. «قارانقوش» امضاسىلا، داود اوز شعرلرىن مختلف قازه تىلدە يايىپ و ايلك كىتابىن «بىرگون پاييزدا» عنوانىلە 1376 - نجى ايلده تەرەندا چاپدان بوراخىب. «داود اھرى» عمومىتىلە سربىست و آغ شعر قالىبلرىنده، مضمۇنلى اثرلر ياردىدip.

آجي دير آيرىليق خاطىرهسى
لاپ سادەسى، بىلەرىدىم بىرگون
اللىيمىدىن اوچاجاقسان
درىن خياله باقاتجاقسان
ايستەسن گونشىدە چاتاجاقسان
آمما ...

بىلەمىرىدىم آجي دير آجي
باھاردا آيېرىلىماق خاطىرهسى!

ياس
- «گىچە ايدى
آى ياتمىش ايدى
باڭچامىزدان گىزلىن
درىلدى بىر قىزىل گول
آتىلدى چايا.

آپاردى قىزىل گولو
چاي آخاركىن قارانلىقدا!

گىچە ايدى

آی یاتمیش ایدی
 سحر بوتون گول لر
 یاسا باتمیش ایدی . . .
 منه بئله سؤیله دی
 بوگون آغلایار کن
 بیر ارا کەپەنك!

سون گۇزۇش
 داھا من گىنديرىم
 بير دويونجا باخىم
 دالغالانسادا
 گوزومدە دىنizلر

يول لار گودور منى
 او نوتىمارام سنى
 ساواالانسادا!
 اوره گىيمدە داغلار

گولوشون وارلىغىم
 كىدەرىن يوخلوغوم
 يازىق كۆنلۈم سىندىن
 يارالانسادا!

قارادىر گئچەلر
 او لماسا گۈزلىرىن
 يئرە سالالانسادا!
 او لدوز لار گەۋىيلەرن

ايستەمم حياتى
ئىيلىرم جاھانى
صاباح سحر سنسىز
يئنە باشلانسادا!

ياتير اورھەكىم، يانير!
اوچدولار، او قالان قوشلار
گەنتدىلر او قارانقوشلار
اسەن پايسىز يېل لرى دىر
اونون سارى تىئل لرى دىر
تانيير ال لرىيم تانيير . . .

ياغىر ياواشجا ياغىشلار
ايسلامىر گۆزدە باخىشلار
ايتنىر سوبوق فاصىلەر
دامىر ايستى خاطىرلەر
باخىر گۆزلىيم باخىر . . .

آى و اولدوز دايامماز مىش
كىچىن گوندە قالانماز مىش
سنى مندن دانارميشلار
بىزى آيرى سالار مىشلار
يانير اورھەكىم يانير! . . .

گەجە روپىاسى
گەله جىكە

دهنیزدن آت گله جک!

قیر آتین بثليندە

چنلى - چمنلى بئله

«روشن» گله جک!

من گىدەرم

دايانمارام

دنیزدن آت گله . . .

- «آى كىشى! اوغلوون

نه دئىير؟! نه سؤيلە يېرى؟!»

- «ھەنج!

كۈر اوغلوونون دەلى لرىنىن

بىريسى سايخالايير!

«حيات يولداشى»

سوت گونى

گل بىر گئروشك

سوتى سىندىن

چۈرەيى مندىن!

دوز گونى

گل بىر اوپوشك

دوزو سىندىن

چۈرھىيى مندن!

سسىلەيىم؛ دوز چۈرەك يېدىيىم
حيات يولداشى!

ائل او غلو

صدىيار وظيفە، كى شعردە «ائل او غلو» تخلص ائدير، گونش ايلى 1338 دا قىرەداغ ماحالى، آراز ساھىلىنىدە، كۈچرى بىر عائىلەدە آنادان اولدو. ائل او غلو، ايلك تحصىلىنى اۋز آنا دياريندا و اورتا تحصىلىنى ده «اھر» و «تىرىز» ده باشا وئردى.

ائل او غلو، 18 ياشىندان شعر يازماغا باشلايىپ و اۇنملى اثرلر ياراتدى. 1385 – نجى ايلده آذربايجان جمهورىسى اوينورسىتەسى طرفىندن ائل او غلو، فخرى دوكتورلوق درجهسى وئريلىدى.

دوكتور ائل او غلو، ايندى ليك «خدا آفرىن» مجلەسىنин باش دىيرى اولوب و نئچە جىلد كىتاب چاپدان بوراخىب، او جومله دن: «نيظامى نىن توركى ديوانى»، «قوشمالار – قوشمالار»، «ايللىرىن قانادىندا»، «بىر بؤلۈك دورنا» و ...

اللرين

باغچانىزدا پاييزلامىش نارام من،
گل آغاجدا چورومەميش دەر منى.
اورەك دولو باهارام من، بادام من،
كۆنوللىرى خستەلرە، وئر منى.

دوسـت باـغـىـنـدا گـىـلـوـوـشـهـ يـهـمـ، گـىـلـوـوـشـهـ،

ایستکلرین یازیندایام همیشه.
وئردی منه اوز عطربینی بنؤوشە،
دریب آپار دسمالیندا، سر منى.

اوزاقلاردا لاب آپارسا تللرین،
اوستوموزده توزو قالسا ايللرین.
اینام دولو، سئوگى دولو اللىن،
ساحلاياجاق ترە منى، تر منى.

آغلاماغىم گلىر
سۆز آغىزدا گىرده لهنىر،
سۆزه آغلاماغىم گلىر.
كۆز اوستونه كول اللهنىر،
كۆزه آغلاماغىم گلىر.

نه بىر سۆزه دون گىيدىرین،
نه سۆز أوتون، نه چئنه يىن.
بىزه گولنلرە دئىين،
سيزه آغلاماغىم گلىر.

كىيم يئتىشىر كىيمه دادا،
كىيم دوستونو سالىر يادا.
بئله أىرى زامانادا،
دوزه آغلاماغىم گلىر.

اوره گىمین اىچ اوزونو،
دىدمىشىم عۆمۇرمۇ اوزونو.
عاشىق، قورتارما سۆزونو،
تىزه آغلاماغىم گلىرى.

«اىل اوغلۇ» آلىشار مودام،
يانىب سۇنلەرە قادام.
او ز ووراندا اوزسوز آدام،
او ز آغلاماغىم گلىرى.

مرد اليمىز وار!

يادلار بونو بىلىسىن لەكى شانلى ائلىمىز وار
آل قانلى آراز تك هله داشقىن سئلىمىز وار
«زىنب پاشا» مىز - قوج «نبى» مىز اولسەدە بىلىسىن
«ايواز» كىيمى مىنلىر ارىمىز، مىن دەلىمىز وار
يوردووم دوغاجا قدىر بىزە مىنلەلە «كۈراوغلو»
«ستار» كىيمى مئىداندا دئۈوشگەن كەلىمىز وار
«قاپلانتى» مىزىن قارلى باشىن آلسادا چىسىگىن
شان «بۇزگوش» وموز وار، هله خىلى بىلىمىز وار
«قوشقار»، «ساوالان»، شانلى «سەھند» اوللادى يىك بىز
مشكۇل لە فاييق گۆزەلىم، مرد اليمىز وار
آچسىن قولاغىن، دشمن ياغى بونو دوييسون
طوفان قوپاران، شاختا - سازاقلى يئلىمىز وار

داییم دیله‌رهم کی توکهنه آیریلیق، هجران
ئیلیم کی «ائل اوغلو» ابدی نیسگیلیمیز وار!

افسانە

نە ایسه سیغیشمير انسان عاغلینا
یالانلار،

حقیقت یاشایان يېرددە
بعضادە دوغروبا اوخشاییر آخى
یالانا چئورىلەن افسانەلرددە

ائله افسانەلر ائشیدىر انسان
اینانىر اونلار،

اینانىر عىنى
بلكەدە یالانلار اوندو دونبلاڭ
دوغۇلار یاشايير افسانە كىمى

آنجاق افسانەلر شىرىين اولسادا
عاغىل حقىقتىن اووسونوندادىر
عاغىل حقىقتىن اووسونونداسا
حقىقت ھايىندى؟ بىس ھايىندادىر

گل باشىنا دولاندىغىم
 يوللارينا گول سپەرەم
 گل باشىنا دولاندىغىم
 گل كى، اوزوندن اوپەرەم

گل باشينا دولاندىغىم

اڭلار تانىر سىر داشىمى
منىم هجران آتشىمى
گل منىم گۈزدە ياشىمى
سىل باشينا دولاندىغىم

قانادلاندىم اۇتوشىمە گە
قارداشىملا اۇپوشىمە گە
گۈددەك اولدو گۈرۈشىمە گە
قول باشينا دولاندىغىم

غم باغرىمى بىچە - بىچە
گۈز ياشىمى اىچە - اىچە
دۈزمەلى يەن ئىچە - ئىچە
ايىل باشينا دولاندىغىم

سئودا

پاكىزه غلامى، ابراهيم قىزى 1339 – نجى گونش اىلى (1960م) كلىييرين
«مئشە پارا» ماحالىينين «ناپوشتە» كىندىنده دونيايا گۈز آچىميش، 1350 – ده
عائىلەسى اىلە بىرلىكىدە تېرىزە كۈچوب.

1357 - نجى ايلده، قاراداغين تانينميش عاشيقلاريندان اولان عاشيق «غفار
ابراهيمى» لا ئولنمىشدىر.

مهربان و هميشه ازو گولر اولان پاكىزه خانيم، شعردە «سئودا» تخلصونو
سئچىب، اونون شعرلىرى سادە و صمىمىمى دىرى.
منىم

ظاليم فلك نئيله مىشدىم من سنە
بوکدون قدىم قىردىن قولومو منىم.

بولبول ايدىم قۇنمۇشودۇم بىر گولە،
يار، يار ايلە بىر دانىشا مىن گولە،
گۈلشن ايچەرە وورغۇن اولدۇم بىر گولە،
آدىيلار اليمدن گولومو منىم.

ھەچ بىلمىرم زامان نىچە زاماندىر،
دىنەنە دېيىرلر دىننە آماندىر،
گونوم قارا كىچىر حالىم ياماندىر،
كىسيبلەر ساغىمى سۆلومو منىم.

«سئودا» قىزام مندە قارا داغلى يام،
گول - چىچكلى دوغما يوردا باغلى يام،
ظولم او دوندا يانىب سىنه داغلى يام،
ۋئىرلەر يېللەر كولومو منىم.

دولانا - دولانا

باھار گلدى آچدى گوللر،
داغى دولانا — دولانا.
اوخويور شىيدا بولبوللر،
باغى دولانا — دولانا.

قىز گلىن لر يايلاقلاردا،
الده كوزه بولاقلاردا،
شىيرين نعمه دوداقلاردا،
داغى دولانا — دولانا.

مارال كىمى دسته — دسته،
صف باغلايىب بولاق اوسته،
مئى دولانىر دوداق اوسته،
ساقى دولانا — دولانا.

ظولم گئوروب آيلار — ايللر،
گول چىچكلى بىزىم ائللر،
«سئودا» آچىر قرنفىل لر،
تاغى دولانا — دولانا.

آلاگۈزلۇ، دوز ايلقارلى
من قوربانام شهلا گۈزە،
دانىشدىغىن شىيرين سۆزە،
سنسىز دردىم چاتار يوزە،

آلا گۆزلۈ دوز اىلقارلى.

سن عشقىمىن ازهلى سن،
سۆزۈشىرىن مزهلى سن،
بو دونيانىن گۆزهلى سن،
آلا گۆزلۈ دوز اىلقارلى.

سندە گىتدىن قانا — قانا،
منى قويىدون يانا — يانا،
اود دوشۇبدور شىرىن جانا،
آلا گۆزلۈ دوز اىلقارى.

گوز ياشلارىم دونوب سئله،
بىر دقىقەم دونوب ايلە،
سىنىز قلبىم گلىپ دىلە،
آلا گۆزلۈ دوز اىلقارلى.

«سئودا» يام باغرىم قان اوЛАر،
كۈنلۈم ائۋى وېران اوЛАر،
دونيا سىنىز زىندان اوЛАر،
آلا گۆزلۈ دوز اىلقارلى.

انباز

علييرضا انباز 1341 – انجى گونش ايلى «اهر» ده آنادان اولوب. تحصيلاتين قورتاراندان سونرا، 1362 – انجى ايلده معلم چيليك وظيفهسيين داشيبيب و سورالار، ليسانس مدركى آلماقا نايل اولوب.

انباز، اوز شعر يازماغىنин باشلانماسىنى، سيد ابوالقاسم نباتى اوشتوبىنى، آذربايجانىن بويوك شاعرinen، پاك نفسىندن بيلير. اوگوندىكى، اوشتوبونىن، مدرسه سيندە، معلم چيلىگە باشلادى، شعر پرىسى بونون سوراغينا گلدى. انباز بيرينجي شعرىنى، نظامى گنجۇنىن بىر غزلينه، تضمىن يازدى، ايندilik، مختلف قالىيلىدە، شعر يازىپ و گازە تلرده چاپا وئير.

تىل اينجى يەر

هوس يئلى دەيسە تىله،
شانه كوسەر تىل اينجى يەر.
گل مەسە گول اوستە بولبول،
بوداق سينار گول اينجى يەر.

بولبول وئەر گولونە جان،
جانىن ائدر يارا قوريان.
ناشى باغانان تر غنچادان،
بارماق ايزىن سىل، اينجى يەر.

چالىش «انباز» هجرانا دوز،
سوز وار سالىر سينەنە كۈز،
شاعير دئسە ايرى يە دوز،
تورپاق آغلار ائل اينجى يەر.

حورمتلى معلم

ای مسیح‌خان نفه‌سین جان سئزا جان بذل ائله‌ین،
 قانی قاچمیش دامارا لطف ایله قان بذل ائله‌ین،
 اولو داغلار باشینا شئحلی دومان بذل ائله‌ین،
 ساقی علم و محبت سنی تکریم ائدیره‌م
 قوزی قوربانی نه‌دیر جانیمی تقدیم ائدیره‌م

دونیا بیر دالغالی دریا کیمی، سن بیر گمی‌سن،
 اوز بالان تک بؤتون اوئیره‌نجی‌لرین همدمی‌سن،
 بیر طبیب تک يارالی سینه‌لرین مرهمی‌سن،
 سنی ذهنیمده يئته اوچ دا ترسیم ائدیره‌م
 قوزی قوربانی نه‌دیر جانیمی تقدیم ائدیره‌م

بیر اوشاق تک گل اوغوندور بیزی سن چال للایی
 سؤرتولوب میس کاساتک جاندا گئدیب دیر قالایی
 آرزو سؤن سوزدی گئجه ظولمت اولوب بیول دؤلایی
 «انباز» ام با غریمی جانانیما تسليیم ائدیره‌م
 قوزی قوربانی نه‌دیر جانیمی تقدیم ائدیره‌م

فتانه لیلا

بوخاغدان مست او لارکن دؤیمادیم اول جام و مینادن،
 دویار ماھی مگر بیر جوئر عه شیرین آب دریادن؟
 یادیمдан هئچ چئخارمی؟ سن کناریمدا اولان چاغلار،
 او دملر کی آلا گۆزلر دا شئردی ناز و اغواندن.
 لیباسین تیرمه، آغزین قۇنچا، روپین ماه و دیل شیرین،

نەلر چىكدى باشىم بىلەم سىيە زولف چلىپادن؟
 اگر سۆز آچمئرام، عفو ائت منى اسراز حؤسىوندن،
 كى محاراب عبادت اوەد توتار اول طور سينادن،
 وصالىن دن آلار معنا غزل اۋچ لطافتده،
 اوەدمى كى ياد ائدەر مىجنۇن كىيمى فاتانە ليالىدن،
 مىنیم دردىم گر عماندى طېبىيەم سن سن اى دىلېرى.
 اۋلۇم دن يوخدور هەچ قۇرخوم جوازىن وار مسيحادن،
 حرام اۋلسۇن سىنى ياد اشتمە مىش بىر بادە قالدىرسام،
 اوْزۇل سۇن اللارىم مىخانەدن گۈلگۈن مىنادن،
 دئمە واعظ جەھنەم واردى، قۇرخودما سن «اباز» ئى،
 مگر اوەد عاشيقە نېيلر؟ گىچىپ دونيا و عقبى دن.

جن غالى تجنيس

كۈنۈل بىر قوش اولوب يار باغىن گزىير
 اونون مىلىي آلمادادى ناردادى
 من عاشقىغان نار دادى
 آلما دادى نار دادى
 هر مىوهنىن طامى وار
 ان گۆزەلى نار دادى
 اسکىندر تك پەھلىوان لار كۆچدولر
 سولئىمان تك حؤكمرانلار نار دادى¹؟

¹ - ناردادى = نىزىددى؟ (هاردادى؟)

باغبان قؤیماز بولبول حاققین گؤل دانا
 دانان گؤلی چكىپ باغلار گؤلدانا
 من عاشئغام گۈل دانا
 سئوگىلىم سن گۈل دانا
 آتا باشدا تاج اولسا
 باخچالاردا گۈلدو آنا
 آتا ايله آنا حاققين دانانين
 قىسمىتى دير جهننمەد نار دادى.

زېروھلر هئچ ارىيمز قار قالار
 «انباز» ياغار قار اوستوندن قار قالار
 من عاشئغام قار قالار
 ياغيش گىدەر قار قالار
 زېر زىبىلى دۇنيادان
 دويماز آلا قارقالار
 حئكمتى وار ايلاھىئىنин حىات دا
 بىرى زىبىل دادىر بىرى نار — دادى!

ائليچى

يازدان بيرآى گىدىر،
 نەميش لىك بىر گون.
 بىر جوت گوزەل كىلىك،
 گزىر چمن ده.
 قوخۇيوب هر ياندا،

گول لر چىچكلىر،
 لاله لر سونبول لر،
 تر پىچنكلار،
 قانات آچىيپ گولدىن گوله قونورلار،
 شوقدان ھوسدن،
 آغ كېنهنكلار،

اوقدەر گوزەلدى گول لر چىچكلىر،
 چاغىرئىر سىير اوچون،
 ھر بىر انسانى،
 ال آتىب درىرەم،
 تر بنوشەنى،
 قوخويوب قويورام،
 گوزلەرىم اوستە،
 اوغان جاق بىر قىزتك،
 رنگى آلىشىر،
 حيادان،
 او زوندە شەج مونجوق لارى،
 تەريئىرەن،
 لعل و گوھر آخىدىر،
 ھوس دن گوزلەرىم،
 دولوب دايانيز،
 گوز ياشىئەن ياغىش تك،
 آخىر او زومە،

بوخاغا یئتمه میش،
 گوزله ریم یاشی،
 قارشیر تهرينه، تهر بنوشنه نین،
 گوزله ری گوتور مور قارا بولتون،
 دامجی دامجی توکور،
 گویدن یاغئشی،
 یوخاری باخاندا،
 بیر قطره یاغئیش،
 قاریشیر تهرينه تهر بنوشنه نین،
 بئله بیر زاماندا،
 بله بیر گونده،
 اوره گی عشق دن داشان بیر شاعیر،
 اوره کدن سئودیگی،
 نازلی بیر قثرا،
 آغ بیر گویهر چینی،
 ائلچی گوندہ ریر!

انصار قاراداغلی

قوربان انصاری، کلیبرین «اوزو» کندیندہ، گونش ایلی 1343 ده ایشیق دونیایه
 گوز آچدی. قوربان، 1364 - جی ایلده، شعر پری سینه وورولدی و دویغولو و دونیا
 گئروشلو شاعرلردن اولدی. انصاری، شعرده «انصار» تخلصی ایسله دیب، اوز شعرلرین،
 بیر پروسس و حادثه اوزره یازدی.
من گولمه دیم

گولدو دريالار قىزى آخشام باشى، من گولمەدىم
آى منى دىيندېرىدى هر آددىم باشى، من گولمەدىم!
عومرومۇن هر لحظەسىن رسم ائتدى رنگىن بير قلم
گولدو هر بير نقشىمە جان نقاشى، من گولمەدىم!
من، سحرسىزدە سلام ائتدىم سحر سردارينا
قالخدى اول دەم روزگارين قارقىشى، من گولمەدىم.
صوبحومۇ سالدى نظرلەرن قارانلىق جبهەسى
من كىشى، دشمن دە، بير آيغىر داشى، من گولمەدىم!
بىر اولو آللە بىر بىرىن كشتى سىنە ناخدا!!!
گول دىئى هر دىمە چىخىن گر دىشى، من گولمەدىم.
هم خزان، هم يازگون اۋەتجەك ... يازدىلار افلاكىدە
بو ساھاتدان يوخدور عومرۇن داي قىشى، من گولمەدىم.
خلىقت آخرى اوز اليف — باسيالا وئردى درسيمى
يوخ — يوخ اوستادىم يئنە اولو ناشى، من گولمەدىم.

فالەيىن كەج مدارى
يولونا گۆز تىكىرەم قورخولو هجران گۈرۈرم
نەھسىن جارى اولان چۈل دۈللى جىران گۈرۈرم
گىتتىن آخىر، او بىلار آى سار!! سەن سىز قالدى
هلهده چاي پارادا مىن دەلى چۈپان گۈرۈرم
سارانىن تىل داراغى، ھانسى ساچى شانەلەيىر؟
او تىلى، زولفو، ساچى خىلى پريشان گۈرۈرم
كۈرپۈسىنىدى، دئنە قورسون قارا هجران كومەسىن
قارىشىب سئل سئلە، ساحىل لرى طوفان گۈرۈرم

باختی یاتمیشدی ازه لدن، قاراداغ دلبری نین
 خان چوبان! آرپاچایین هر یانا وربان گؤرورم
 هانسی رسام چیکیبیدیر، فله بین کچ مدارین?
 دؤلانا چرخی اگر، هرنه بی پایان گؤرورم
 سیزلاپیر دان قیزی قصریندە قارانلیق گئجه نین
 نه یه من، هر نه کئچیر دهرده آسان گؤرورم
 دای غزل دفتری ده، عاشقه سیر ساخلاماپیر
 کؤنلومون سیر سؤزون هر ساحده عوریان گؤرورم
 سؤزومو گئیده قانادلا ر سالان ایزلدە یازین
 هئچ کیتاب اتتمیه جک، رازیمی پونهان گؤرورم

بەمیه نمیر! ...

بیزیم یئرده خان لار - بى لر یاشاردى
 قاراداغی ایندی چوبان به یەنمیر! ...
 ایلاھی دن قهر ائیله بین داغ لارى
 روز گار قلبی، قوجا زامان به یەنمیر.

گوندوزوموز گئجه لره باج وئریر
 سلطانیمیز گدالرە تاج وئریر
 ائل قاریسی یاد گلینه ساج وئریر
 کند گؤرەلین هئچ بیر جاوان به یەنمیر.

باھاریمیز اوز عشقیندن آرالى
 پا ییزیمیز فلک لردن یارالى

تئز اوولانير طبيعتين مارالى
داغيميزى داها جئيران بېيەنمىر.

آمان آلاه او-domوزو او-قادان
سن آلدين، سن، نوروموزو چيراقدان
ياخينيميز بىزه باخىر او-قادان
دؤست باغچاسىن تانىش باغان بېيەنمىر.

صداقتى، داشا چىخىپ شهرده
اما هله گوزه دەبىر بىر دە
صحبىتىنه ساز باغلايىپ هجردە
مرد آنانى نامىد اوغلان بېيەنمىر!

سئحر آما
سن دە من اۆزۈمۈ غریب گۈرۈرم
سئحر آما سن آلاه زامانى قايتار! ..
ايىپ روزگارلاردا آغىر بىر سورو
ايتهن سورونويوخ، چوبانى قايتار
سئحر آما سن آلاه، زامانى قايتار

بو يوللار عشقىمى آتا مىندىرىر
چۈللەر دوغمام دئىه منى دىندىرىر
دوشور خاطىرەلر يادىما بىر - بىر!
عئەمرومو وئرمىشىدىم سنه يادگار
سئحر آما سن آلاه زامانى قايتار

سین هر شاد نغمه‌ن، هرشاد ترانه‌ن
 بیرگون غملی اولور، اوجا داغ! ندن؟
 قلبیم ده آغري وار وطن، آي وطن
 مندن آلديغين او درمانی قايتار
 سئحر اما سن آلاه زاماني قايتار

بیرگون اوشاغيديم، دور يئرى، دئدين
 ياشيل دى حياتين گؤوهرى، دئدين! ...
 آچدين قول لارووو، گل پرى، دئدين
 آما هئچ دئمه‌دین حسرت وار، درد وار
 سئحر اما سن آلاه زاماني قايتار

هر كسيين سن ده بير سۆز دفترى وار
 قىزلىق شالىن بوردا ايتيرىپ باهار
 سن دئىيەن قوجالدى بىزىيم بابالار
 آى داغ! او مقدس دئورانى قايتار
 سئحر اما - سئحر آما! زاماني قايتار

سئحراما گون گئچدى، زامانسىزلا ديم
 اوجا بير داغيديم، دومانسىزلا ديم
 يازىيم قيشا دئندو، يامان، سىزلا ديم
 يووادا اوولاندى عۆمرۇمۇن قوشو
 آغريتدى باغرىمى فلهىين داشى.

باھاریندان گیزلى، بير قيش قار آلير
 ذېروهندە، بير جئيران نەنەسىز مەلير
 گەدىيەدن گە دى يە بير سىس يوكسەلىر:
 «بۇردان بير آتلى گئچدى
 آتىن اويناتدى گئچدى
 يئل كىمى قانات چالدى
 گون كىمى باتدى گئچدى
 او گئچەن آتلى يا منىم سوزوم وار
 سئحر آما سن آلاھ زامانى قايتار

سئل اوغلو

لطف الله اوغلو، على فرضىزاده «سئل اوغلو» 1344 – نجى گونش ايليندە آراز
 چايىنن ساحلىنده يئرلەشن «جعفر قولو اوشاغى» كىنдинدە دونيايا گۆز آچىپ. شاعير
 «سئل اوغلو» سونرا لار «تەھرانا» كۆچۈپ و اورادا يېر سالىيىدىر. شاعيرىن بىرىنجى شعر
 توپلۇسو، «ائىچى» آديله 1382 – نجى ايلده و اىكىنجى كىتابى «آيدىن، آيگون»
 عنوانلىي، عاشيق ادبىياتىندا اولان شعر قالىلىرى اساسىندا 1386 – نجى ايلده يابىلىيىدىر.
 «سئل اوغلو» عاشيق شعرىن قالىلىرىنده شعر يازىر. او جملەدن: گرايلى، قوشما،
 ديوانى، موخىمس، تجنىس و ...

ائىچى
 ايستەبىرسن آنام اۋزو
 ائىچىلى يە سىزە گلىسىن
 آنان ايلە دانىشماقا
 آلماق اوچون سىزە گلىسىن.

آنام بیلیر قلبیمیزی
اوردا آچسین دردیمیزی:
«ایستیر اوغلوم سیزین قیزی
گلین اولسون بیزه گلسین»

دالدا سؤزلر چیخسین اوزه
سوز یا بیلسین کندیمیزه
گل - گئد اولسون بیزدن سیزه
بلکه یارام اوزه گلسین

آداختاناق گورسون هامى
ایستیلهده ک سویوق دامى
ایچمک ایچون دولو جامى
یارین گزه - گزه گلسین

داریخا نداء، دار حیاتدا
یار گل او تور باغ - باغاتدا
هر ده یقهده، هر ساعاتدا
گۆزوم قوربان گۆزه گلسین

«سئل اوغلو! اولمامیش خسته
گئت یاریندان وعده ایسته
سن گئت، او تور بولاق اوسته

يارين الده كوزه گلسىن

اۋزۇدە خستە

دونيانى دؤرد اللې توتاندان آمان
او زودە خستەدىر، گۈزۇدە خستە
پول اوستە غىرىتىن ساتاندان آمان
گۈزۇدە خستەدىر، اۋزۇدە خستە!

«قارون» جا دوولتى اولسادا اگر
گۆزو بىيغىشارمىي اللردن مىگر؟
دوخساندا ياشاسا اىستە بىر دىگر
يوزۇدە ياشاسا، يوزۇدە خستە!

ياخشىنى يامانى آراماز جوشار
دىئىرلەر خشىل تك آمانسىز داشار
نهقدەر دانىشا ترسە دانىشار
اۋزۇدە خستەدىر، سۆزۇدە خستە!

خاطىريين حورمتىن قىددارى اوЛАر
كىيمىسى يە يئترسە آرخادان چالار
توپوردر اوزونە بىر قىران آلار
قولودا خستەدىر، دىزى دە خستە!

«سئىل اوغلو»! نە دئىيىب، نە دانىشىرسان؟

نه دئیوب باشوا، نه آلیشیرسان؟
 نه دوشمان اولورسان، نه باریشیرسان
 باریشما! ائله ییر بیزی ده خسته.

گۆزەدە

(جیغالی تجنیس)

ایلک گۆزوشده گوروشندە جانانلا
 مایل اولدوم کامان قاشا، گۆزەدە

عاشق مایل گۆزەدە
 قوربان کسیم گۆزەدە

بئل بوکولدو نه يامان

تور چکیلدی گۆزەدە

بو هجرانلى دردى چکن جان آغلار
 بیخدى منى پیالەتك گۆز، اده.

يالوارديم کي، قال دولناق داغدا بيز
 گل ايليه ک آرامىزى داغدا بيز

عاشق يانديق داغدا بيز

آراندابيز، داغدا بيز

بئينىم ايله برابر

دای اولموشوق داغدا بيز

يار گلمدى توكلر او مو داغدا بيز

اغياريله گردى داغدا گۆزەدە.

«سئل اوغلو» يام يارلاكسدىيم سۆزومو
 يارياريندان قرار اولدو سۆز اومو
 عاشيق ائشىت سۆزومو
 سوزون بودۇز سۆزومو
 ترسا قىيزى ترسىينه
 ترسە قاندى سۆزومو
 داغدا ارىر چكىسى منىم سوزومو
 ترسە اويدوم اشارەيە، گۈزەدە.

گول آكەك
 آڭلۇم، آبولبۇلوم!
 گل چىخاڭى ايوانا بىز
 دردىمىزى چاتدىراق
 هارداسا ديوانا بىز!

اغيارا اودتىخىماغا،
 دردى، غىمى يىخىماغا،
 واختى گلىپ چىخىماغا،
 عرصە دۈورانا بىز.

حاققىمىزى آندىراق،
 قانمايانى قاندىراق،
 قانماسا اودلاندىراق،

آیمه یک حیوانا بیز.

بیلدیره ک یاتمیشلارا،
عار – ناموس آتمیشلارا،
ائولری باتمیشلارا،
ائولری ویرانا بیز.

چن بوروین داغ گئده ک،
ایشده اوزو آغ گئده ک،
امین – آمانلیق ائده ک،
داغلاری جیرانا بیز.

گل بو ایشه آندایچک،
شاهید اولسون گول چیچک،
«سئل اوغلو! گل گول آک،
اوئلکەمیز ایرانا بیز.

عندلیب اهری

سخاوت عزتی، شعرده «عندلیب» تخلص اندیر. 1345 – نجی گونش ایلی،
قاراداغین «ھینی آباد» کندیندە آنادان اولدی. ایلک شعرینی، مدرسه‌ده 1362 – نجی
ایلده، اوشاقلارین قاباغیندا اوخدی. و مدرسه‌نین مودوروندن، جاییزه آلدی. 1364 –
نجی ایلدن «آذربایجان ناغیل لارین» توپلاماغا باشلاییب و «نعمه‌لی داستان لار» و

«محبت داستانلارى» كتابلارينى چاپا وئردى. «عاشيقىلارдан ايشيقىلار»، «ياخشى كى سن وار سان آى صدفلى ساز»، «غمكىشىن ديوانى» عندهلىپىن سونكى اثرلرى ديلر. عندهلىپ، مختليف قالبىلرده شعر يازىر و گازه تىرده يايىر. اونون شعرلىرى، آخيچى و دەرين مضمۇنلو اولورلار.

گل آپار منى

بىر گون منه بىلە بىر مئساج گلدى:

«بىر گون گلچىيم سوراغينا اليىندىن تو توب سنى آپاراجىيام بىر يئرە كى هئچ كسىن
الى بىزە چاتماسىن»

امضاء: سنه قوربان، عزراىل

«يالانلار بؤھتانلار دونياسىندىيام»

گل بىلە دونيادان، گل آپار منى
بىر اۆزگە دونيائىن سئوداسىندىيام
بو قال و غوغادان گل آپار منى
گل بىلە دونيادان، گل آپار منى

سئومك يالان اولوب، سئوگى او يونجاق

«شىليك ذرره - ذرره غم قوجاق - قوجاق»¹

گل وئرك ال - الله قوشولاق، قاچاق

بو غىلى غولىادان گل آپار منى

گل بىلە دونيادان، گل آپار منى

¹ - بو مصراج اوستاد آشىق ميكايىل آز افلى داندیر.

قیزیلی - گوموشو داش - قاشی یالان
 گولوب اویناماغی، گوز یاشی یالان
 دوستو محببته، یولداشی یالان
 یالان تمنادان گل آپار منی
 گل بئله دونیادان، گل آپار منی

محببته یالان، عشقی کین دی بو
 قیبله سی بیلینمز، ایمان، دین دی بو
 بهره سی هئچ اولان بیر اکیندی بو
 سونسوز ماجرادان گل آپار منی
 گل بئله دونیادان، گل آپار منی

گل کی، گلیشینی گوزلئییر گوزوم
 سنی گوزلمکدی گنجه گوندوزوم
 یامان یاد اولموشام اوزومه - اوزوم
 قورتار بو جزادان گل آپار منی
 گل بئله دونیادان، گل آپار منی

میزه باخ میزه
 ڈیشیدی معناسین عشق و محبت
 دوشدو اعتباردان سوژه باخ، سوژه
 یالانی باشاران باشا چکیلدی
 قالدی آیاقلاردا دوزه باخ، دوزه.

كىمى خيانته صداقت دئدى
 كىميسى نىفرته محببىت دئدى
 كىمى سئونىج آلدى، كىمى غەيئى
 زامانىن چالدىغى سازا باخ، سازا.

ياخشى يامان بير – بىريله دئيشىر
 ئۈمور گىدىر انسانىلا دۇبىوشور
 آى عندلب مقاملاردا دىيشىر
 الدن الـه كىچىن مىزە باخ، مىزە.

يازىقلار بىزە
 بىر واخت سەنинلە من باخ بو مکاندا
 ابدى آيرىلىپ، وداعلاشمىشىق
 ايندى او زاماندان چوخ اىللر كىچىر
 درەلر كىچمىشىق، داغلار آشمىشىق.

آيرىلىدىق دئىيرىم، نە دئىيم گولوم
 بوتون فيكىرلىرىم سەنинلە قالدى
 آيرىلىدىق آرانى آلدى دومان، چن
 كىملر روھوموزو آيرا بىلدى.

زامان كۆھلەتىنى چاپدى دۋەرد نالا
 آيىلارى، اىللرى توتا بىلمدىم

زامانسیز، مکانسیز بیر دونیا گزدیم
نئیله ییم آرزو ما چاتا بیلمندیم.

آرزو:

انسانلارى ياشادان بیر حسّ

انسانى ياشادان، اولدورنده او

آرزو:

بو گوندن صاباحا الين آچان يول

گۈزلىرى آغلادان، گولدورنده او

من قالديم، بو يئerdeh ابdi قالديم

سنى آلين يازىن سالدى ديدرگىن

سن گىتتىين، من قالديم بىرده او يئرلر

آيرىليق مکانىن گۈرۈرم هر گون.

سن باخان پنجره كور اولوب ايندى

سن دوران قاپیدا غم دايانيبدى

تىيندەكى، چىشىمه نىن قورو يوب سو يو

كۈچەدە كىيم قالىب، كىيم دايانيبدى

كۈچەدن داغىلىب ياشىدلا رىمىز

كۈچەمىز نه يامان قوجالىب بوگون

او قىزلار، اوغلانلار هەر بىر يئرە

دؤورانىن اليله گىتتى ديدرگىن

من قالدىم بىر دونيا آجى خاطيره
 منيمله قوجالمىش بىر كوچه قالدى
 گونلر اوتوشدو كجه، آغاردى ساچىم
 قوجالدى منيمله هر شئى قوجالدى

سەنين گنجلىسىن ذئھينىمەدە هەر گون
 گۈرددو گوم آنلار تك گنج ياشايىردى
 منيم خيالىمدا سن همان كى قىز
 همان رنگ رخسار دىنج ياشايىردى

بىر وئديو كاسئتىدە سەنى گۈرندە

تانييما بىلەدىم منى باغيشلا

باغيشلا دېيىرم، ذئھينىمى زامان

كورلادى مىلييونلار نقش و ناخيشلا

گۈرددوم كېچىرىدىگىن عذابى، دردى

اووزونه اىز سالان قىريشلاريندا

طالبىن آجى سى اىضطرابالارى

اوخونور بىر بىر باخىشلاريندا

يامان قوجالىيسان آكؤورەك مارال

سنه د منه ده يازىقلار اولدو

ايلىر اىز قويىدوغۇ اوزونو گۈرددوم

خياليم قوردوغو دونيا پوزولدو

بىلەن اولمايىب ھلە
 بوقاپيدان گىدىن چوخ،
 گلن اولمايىب ھلە.
 گىدىنلەر آغلار گىدىر،
 گولن اولمايىب ھلە.

تاپىلان يوخ ايتىن چوخ،
 قورتاران يوخ باتان چوخ،
 بو بازاردا ساتان چوخ،
 آلان اولمايىب ھلە.

سحرىن يئلى اسىر،
 گون گىتىمگە تەلەسىر،
 بو دونيا بىر باغلى سىر،
 بىلەن اولمايىب ھلە.

گىچىدىم غىملر آداسىين،
 گۈرددوم شىلىگىن ياسىن،
 توزلۇ كؤنلۈمۈن پاسىن،
 سىلەن اولمايىب ھلە.

آشيق چالىر جنگىنى،
 كرمى، شىنىشىكىنى،

كۈنلۈمۈن آهنگىنى،
چالان اولمايىپ هله.

تىر تىكان باسىب چۈلۈ،
ايتبى حياتىن يېلۈ،
دېرىدىن چوخدور اۋلۇ،
اولن اولمايىپ هله.

انوجىك
اوچورتۇم اوغلۇمۇن قوردوغو ائوى
كدرلىنib يامان ناراحات اولدو
بس نىبىه اوچورتۇن دئىبى آغلادى
كدهرلى ياشىلا گۆزلى دولدو.

يىنى دن قوراراق دئىديم آى بالا
گور نه چتىن ايشدى بىر ائوى يىخماق
ائوجىك اوچوشونا دوزه بىلمىر سن
حيات اوچوشونا كىيم دوزر آنجاق.

سعادت سارايى دىلە هر كسە
سەنин دە خوش گونون بو قورو مدادى
تالانسى سئەنین كونلو تالاندى
كىيم دئىبىر سعادت اوچورو مدادى.

یاز گلیر داغ دره بزه نیر گوله
 آلچاغا – او جایا بیر گلیر خزان
 انسانلار گولرسه سنده گولرسن
 آغلاسا بونو بیل آغليا جاقسان.

نه دئييم

اسيب کؤنولره آجي يئل کيمى
 محبىتى دوندور اانا نه دئييم
 ايستى نهدىير، سويوق نهدىير آنمايىب
 کؤنلوموز و سيندىر اانا نه دئييم.

عؤمور گندىر آددىم، آددىم گون ايله
 دىل ياراسى درمان او لماز مين ايله
 نيفرت ايله، غضب ايله، كين ايله
 عشق اوجاغين سؤندوره نه دئييم.

شىرين – شىرين سئودالارى قاندىريپ
 گوله – گوله محبىتى آندىريپ
 عشق اودويلا عندىبي ياندىريپ
 سرىن – سرىن گئن دورانا نه دئييم.

سېل گۈزۈم

گۈزىن آخان ياشى سىلمك آساندى
 اوركلەرن آخان ياشى سېل گۈزۈم
 گل ھا گىلدە هامى گلر عزيزىيم

هونرین وار گئىدە گىتىدە گل گۈرۈم.

سئوگى باغچاسىينا گىرمك اىستە سن
گۆزلىكىن سرگى سرمك اىستە سن
بو دونيانى گۆزلى گۈرمك اىستە سن
ازل باشدان اوزون گۆزلى اول گۈرۈم.

قويمما دوشمن وطن اوستە ال آچسىن
اڭلە دانىش آنا دىلىم دىل آچسىن
آرزولارين چىچك آچسىن، گول آچسىن
«لاله گۈرۈم، سونبول گۈرۈم، گول گۈرۈم.

قوى قىزىشىم اوجاجىيندا اى وطن
يېر وير منه بوجاجىيندا اى وطن
داغلارينين قوجاجىيندا اى وطن
اوبا گۈرۈم، اويماق گۈرۈم، ائل گۈرۈم.

يئرسىز يئرە اوز — اوزونو اوين دوست
من — من دئىيب سىنه — سىنه دئين دوست
عندلىيە عئىيلى سن دئين دوست
دوز اوغلانسان اوز عئىيىنى بىل گۈرۈم.

دونيا

يئمىشىم يىتىشىم سونرا در منى

آماندی درمهسن کال منی دونیا
نه اعتبار سینین بیرجه آیننا
فیرصت وئر قورتاریم کلمه‌نی دونیا.

چیغیران هرایام، هایام، فریادام
دوندوران داغ بوزو، یاندیران اودام
سینلله اوزگییم، سینلله یادام
سیلسن دفتریندن سیل منی دونیا.

عندليب اللی ایدیم یوزه چاتمادیم
درهدن، تپهدن، دوزه چاتمادیم
قویدوغون ایرهده، ایزه چاتمادیم
یوردو چاشباش ووران یول منی دونیا.

اقبالي

دوكتور ابراهيم اقبالی، 1345 – نجی گونش ایلی، قره داغین «ورزیقان»
محالینین «دیزهچ صفرعلی» کندیندہ آنادان اولوب. ایک تحصیلاتین همان دوغما
کندیندہ، تکمیلی تحصیلاتینی دا «تبربیز» ده باشا وئرب. سونرا «تبربیز»
اوینیورسیته سیندہ ادبیات فارسی رشتہ سیندہ، لیسانس و فوق لیسانسین آلیب، 1378 –
نجی ایلده «تهران» اوینیورسیته سیندہ، دوكتورلیق مدرکین آلماقا نائیل اولوب. ایندی
ایسه، «تبربیز» اوینیورسیته سیندہ، هيئت علمی عوضوودی.
اقبالي، ایلک شعرلریندہ «صامت» و سونرا لار «اقبالي» تخلّصوندن فایدالانیر.
روزگار الیندہ

قالدى ياخامىز خمار اليinde،
 حال كى دولوجام يار اليinde،
 گئتدى اوزو مىت جام نخوت،
 عشاقى قويوب خمار اليinde،
 سندن سورا عشقى نئيليرەم من،
 گئنسن بونودا آپار اليinde،
 قلبىم له سنى خاطيرلا ياردىم،
 صيادى گوروب شىكار اليinde،
 عقشىنده ثباته باخ كى يازدين،
 اشعارىمى يادگار اليinde،
 سال بير ياديووا اوتور موشويدون،
 اوتلاقدا اوگون سه تار اليinde،
 يئل گول سه پەرك نه اوينايىردى،
 عشرت إلى آيشار اليinde،
 زولفون يوزووه دوشوب گوروندى،
 آى عقرب نابكار اليinde،
 بىلدىم كى قاباق دا آيرىليق وار،
 هجران مى اى روزگار اليinde،
 غم قفللى اوركده نئيلەيىم كى،
 شادلىق آچارى نىڭكار اليinde،
 آھوى ختن كيمى سمندین،
 اويناتدى مارال تاتار اليinde،
 كونلۇم دئى «گئتمە» نى منه يوخ،
 سوپىلە اوناكى ماھار اليinde،

چوخ دوسلاری برکه قویماق اولماز،

قالمیش هامی روزگار الیندە،

خورشید حقیقتە يول آختار،

قاللما بو ۋىدىر غبار الیندە،

مظلوملارا ياردىم ائت «على» تك،

قدرت هاراجان کى وار الیندە،

بىر گون يئتهريك وصاله بىزىدە،

گر اولمهسک انتظار الیندە،

«اقبالى»نى اولدورور سن اولدور،

ياساخلاكى اختيار الیندە،

سن سىز

يۇخدور بو گلستاندا طراوت گولە سن سىز

نغمە قاپىسى باغلى قالار بولبولە سن سىز

قلبىم دارىخار اولماسا گر عكس جمالين

بوتونلى سىنيق آينانى كىمىدىر سىلە سن سىز

افسانە اولوب مهر و وفا گىتىدى سن ايلە

سەۋىگى دىلىنى كىمىدى عزيزىم بىلە سن سىز

باخ بىر او بوجولموش يئله گوركى اوادمان تك

تورپاغ الەبيب باشينا دوشىمۇش چولە سن سىز

آى قارە وروك بىرده دولاش بوبۇنوما آخر

من مىل ائيلەمەززىديم دولاشام سونبولە سن سىز

آى صبح گوتور بوقارا روبىندى او زوندن

ممکن دەئيل اولدوز ياشىنى گوى سىلە سن سىز

قلبىمدىن اوچوبدور داها شادلىق قوشۇنىيلىم

او نازلى سونا گلمىيە جىكدىر گولە سەن سىز
 اشک اىلە گۈزۈم صفحە رخسارىيە يازدى
 كور اولسۇن او عاشقى گۈزوڭى بىر گولە سەن سىز
 «صامت» ئىلەدە كۈنلۈم آدىن دىنەمە يە اما
 رسوا ئىلەدە عشقى گىتىرىدى دىلە سەن سىز.

مناجات

اي شمع روپىنى ئىلەين رەننەمە منه
 مشكەت غېيدىن كرم اىلەھى خېيىمنە
 ظلمەت سراى فيكىرىيە سال نور وحدتىن
 ائىلە طریق عشقىدە كىشىغە غطا منه
 غفلت تۈزى دوتوبىدى كۈنۈل آيناسىن ھانى
 خاكسىتر غەمىن كى وئەرە انجلامە
 هاجر كىمي عطىشىدە يانىب سىسىھە رەم سنى
 زىزمىز ندىر بوجۇلدە كى وئرسىن صفا منه
 باران رەحمتىينىدە ولا اھلىنە بلا
 يوخدۇر غەمین نەقىز ياغىرسا بلا منه
 نى دەك سىزىيلدارام گىچە گوندۇز بوشۇ قىلە
 تايىر گىچە اوزون دىيەسەن بىنوا منه
 قىيد وفا اىلين منى اغىيارىدىن آيىر
 آنچاق بوقدر سوپىلەمە سىنلەر رەها منه
 سال دنیانىن اوزوندە كى بومكىر پىرىدىسىن
 ائىلە كرييە منظرىينى بىر ملا منه
 باران فتنە سىل بلادن قوتارماقىيم

یوخدور مگر نصیب او لا کوی رضا منه
 «اقبالیا» کونول قوشی افلاکی سیر ائدیر
 گویا قاناد وئریبدی صفادن دعا منه.

آنا

اولوکی هوش آپارابیرده قوجاغیندا آنا؟
 منی کی سیخدی فلک اوزگه بوجاغیندا آنا!
 بیر یهودی اؤوبینین توزدا ایتن قرآیام
 او خو عشق آیهسی نی بارلی دوداغیندا آنا
 اوره گیم قیز مادی ذرّه بوسویوق قانلی لارا
 ایستی لیک قالدی سینین هیسلی او جاغیندا آنا
 دوندوراردی منی قارلارقاری سی گوردو مگر
 بیر امید شعله سی نی لاله یاناغیندا آنا
 منی دئولدن آلیب بیرده پری لرله یاتیرد
 شیرین افسانه لرین سیحریلی با گیندا آنا
 او ایشیق بوخ نقدر شهری چراغان ائدلر
 گورموشم طور او دونو لامپا چراغیندا آنا
 اوره گیم بیر تیکه دی کندی سنی گورمک ایچون
 چیرپیناندا شافاغین سئوگی بولاغیندا آنا
 قاریشیبیدیر او حزین ماهنی لارین آت قانیما
 نی قالان تک قوزونون کورپه قولاغیندا آنا
 طبعیم عیسی کیمی دیللنه یه ائیلیردی هوں
 دیز چو کوردون کی اولوتانری قباغیندا آنا
 عشقی «اقبالی» ایچیب ساخسی سهنجگیندہ او دور

کى ملكلر سوايچر پاسلى چاناغيندا آنا
 بىلميرم نئيليهم آخر نئجه حاقين بىترهم
 اذن وئر تورپاغ اولوم يورغون آياغيندا آنا!

عومور كروانى

تبده يانميش جسمىميين احوالينا جان آغلابير
 قانه باتميش كونلومون سوگيندا جانان آغلابير
 گور نئجه فردوس وصليندن قوولدوم كيم منى
 آتش هجرانيدا گوردىكجه شيطان آغلابير
 بللى دير بودور قايتماق كاروان عمرايچون
 باخ جرس فرياده گلدىكجه بىبابان آغلابير
 بيرينىلمز شەھسوارم کى ياتان بايراقىما
 مين كره تىغىمدن اولموش خسته دوشمان آغلابير
 بىلميرم گولگون شافاق قويونندا اولدوز پارلاپير
 يادايانمىش باشىيم اوسته نازلى جانان آغلابير
 اولمۇشوق مات قضا بو عرصە شطرنگىدە
 آت ياتير قلعه اوچور سرباز اولور خان آغلابير
 قاچماق اولماز يئل آتىلان قلعەتى تقدىردىن
 مورسان «قباليا» بوردا سليمان آغلابير.

غىلى باھار

شنلىك اندىر جەھان کى گلېب نوبهاريمىز
 مندە فغان کى بىزلىرى ترك ائتدى يارىمىز
 باخ بىر كونول سماسىنا ايتمىش غباريدا
 گويا کى هئى وروب آتىنا شەھسواريمىز

من لاله يه نه اوزله باخیم شاد اولوم هله
 ماتمليدير غميشه دل داغداريميز
 قوى قان ايلن نيگار اولا عاشيقلين اوزو
 گوزلرده کي ياشى داها سيلمز نيگاري ميز
 بير جرعه ايله مست ائله ميشدی بيزى ولی
 مين كاسه ايله رفع اولا بيلمز خماريميز
 سئللر اوزونده دالغالاتير سارانين ساچى
 آنجاق كى نقش اولوبدى سويا روزگاري ميز
 ياز صبحونون قايتما غيناتاب ائدنميرم
 يلدالره قووشدى اوزون انتظاري ميز
 گوللر دوشوبدى هر بيرى بير رنگه شرميدن
 سئيرانه چيخمايدى بوایل گلعداريميز
 «اقباليا» روادى بهارين خزان اولا
 الدن گئديبىدى ياز تورهDEN شهرياريميز¹.

جال

جال محمدى کى شعرده گاهداندا «گولچين» تخلص ايدير، 1346 - نجى
 ايلده آراز كاريندا اولان «مفروزلو» كندىنده بو غربت سرايه گؤز آچدى. بويا - باشا
 چانديقجا، شاعرلر كروانينا قوشولدو. دهرين مطالعه يه گيريشدی، آخيجي شعرلر و
 دؤلغون مضمونلار ياراتدى.

¹ - استاد شهريارين ماتميتنه يازيليب.

جلال ايندييەدەك، اون ايکى جىلد كىتاب چاپدان بوراخىب، و «آدين چىچكىلەنir . . . آديندا بىر شعر توپلوسى دا واردى. جلال كلاسيك فورمادا و سربىست (آزاد) شعر يازماقدا، اوز مهارتىن گوسترىپ و درين معنالار نمايش ائتدىرير.

سۈزلىر آلېشىسىن

هاچان بو آيرىليق چاتاجاق باشا
عۆمۈر دەنیزسەدە قورخورام داشا
ياشا، هەلە چىرپىن، اورەگىيم ياشا
اورەكلە، اويانسىن، گۆزلىر آلېشىسىن!

آرزىلار قايناسىن، گۆزلەدن آخسىن
اوومود ياغىشلاسىن، باخىشلار شاكسىن
گوزگولر اوز – اوze دايансىن، باخسىن
دوداقلار تىترەسىن، سۈزلىر آلېشىسىن!

سوبيوق دامارلاردا، قايناسىن قانلار
ايتسىن بىر – بىریندە ايشيقلى جانلار
گونشىدىن گئىسىن لر كۆينك انسانلار
كؤھنه اوjacالاردا كۆزلىر آلېشىسىن

سندە بىلمەدىن

سوسوزدان آلېشىدى ياشىل آغاچلار
بولاڭلار بىلمەدى، سندە بىلمەدىن
كۈچدو يوردو موزدان سىسىزجە باهار
بوداغلار بىلمەدى، سندە بىلمەدىن!

سینین باخیشیندا اوره کلر یاندی
 خیال پرده سینده دیله کلر یاندی
 آهیمین او دوندان فلکلر یاندی
 او جاغلار بیلمه دی، سنده بیلمه دین!

سیز لادیم نی کیمی یاندی بو غازیم
 اریدی گوزلریم، آخدی آرازیم
 داها من نه دئیم، داها نه یازیم
 قولاغلار بیلمه دی، سنده بیلمه دین!

آغا جالار قورو دو، دریا باخا — باخ
 قارا باغ یارالی! هایا باخا — باخ
 قولاغلار ائشیتیمیر! دونیا باخا — باخ
 دوداغلار بیلمه دی، سنده بیلمه دین!

يالقىز سسىلر
 هر ائلين آغىسى، مرثىه سى وار
 مندە اوز ائلىمین مرثىه سى يم
 داغلى سىنه لرده اودا بورونموش
 قانلى بو غازلارين يانىق سىسى يم.

ائلىم آغا جالاردى، ائلىم ائولردى
 آغا جالار كسىلىر، ائولر يئخىلىر
 هريانا هاي دوشور: «دئولر گىلدىلر!»

جانلار بوغازلارا يئتىر، سىخىلىرى.

يارالى دىلە يىم، يارالى ائليم
ايىدى قان ايچىنده ال - آياق چالىر
بو دىرى دونيانىن گۆزلەرى اۋلوب
گۈرمۇرلۇ يوردو موز نە گونە قالىرى؟

قولاغلار اشىتىمير يالقىز سىسىلىرى
من بو يارالارى نە يە باغىرىيم؟
دوشمان كى دوشمانىدى، دوستلاردا دىنمىير
منىم كىمسەم يوخدو، كىمى چاغىرىيم؟ . . .

گۈيرچىن
آه اوره گىيم!
نەدى بئلە چىرىپىنېرسان؟
نەدى بئلە،
گولله دىمېيش گۈيرچىن تك
دۇبۇنورسۇ؟
نەدى بئلە
دامجى - دامجى تؤكولورسۇن گۆزلىرىمدن؟
نەدى بئلە ارىيىرسۇن؟
الوو - الوو داغىلىرسان سۆزلىرىمدن . . .
آه اوره گىيم!
آه گۈيرچىن!

بلکه یئنه وورولوبسان
بلکه یئنه ...

ایشیق بایرامی

من گونش بوردوندا آنادان اولدوم
گونشله بوبودوم، بوی — باشا چاتدیم
گونشله سحر کن بوخودان دوردوم
گئجه لر گونشله قول — بویون یاتدیم

آه ... سیزه نه دئیم؟ گاهدان دئیرم
گونشله ایکیمیز ائکیز قارداشیق
ایشیق بایرامیدیر، ایشیق گوندور
قارداش ساغلیغینا، چال سازین عاشیق!

آیدینلاشمیشیق . . .

بیز نه مجنوونق کی چکسین چؤللره لیلا بیزی
بیز نه فرهادیق کی شیرین لر، ائده روسوا بیزی.
هر ایکی عالمدن آزاد اولمشوق عشقیله بیز
ایسته بیز زنجیره چکسین شاهد دونیا بیزی.
هر بوروقدا یاتسامین اصلاح، بوبولدان دؤنمھریک
ساحیله اوز قویماریق، بوغسا اگر دریا بیزی.
عشقیله آجدیق قاناد بو دار قفسدن اوچماغا
گؤیلرہ ساری چکیر بو عشق، بو سئودا بیزی.
بیز گونشله قول — بویون اولماقلاء آیدینلاشمیشیق
آختاریر آیلار بیزی، چایلار بیزی، آینا بیزی.

بىز نه فرهادىق كى داغلار سينه سيندە جان وئرك
 بىز نه مجنونوق كى سر گردان ائدە صحرا بىزى.
 حضرت مىش كىمى شورىيده عاشق لر دەنیك
 ياندىرىر عشق جمال حضرت مولا بىزى

آغلاجار . . .

دئنمە ديوانە يوخدور، زولفونۇ زنجىرائىن يوخدور
 جراحت اىستەين وار، قاشىنى شمشىر ائدن يوخدو
 اورەك بىر پارچا اوددور، چىرىپىنير سينه مەدە حىرتىلە
 بو اىللەر تىشەسىن جام مى ايلە سىر ائدن يوخدور
 كۈنۈل غەم، روزگار غەم، هەر نە وار غەم، غەمگىسارىم غەم
 بو غەملەرنى دىلارىما تقرير ائدن يوخدور
 آغاڭلاڭار هە بىرى بىر «دار» دىر بۇ باڭدا اى منصور
 تاپىلىمير بىر «اناالحق» اھلى كى تکفېر ائدن يوخدور!

خسرو خان

خسرو سرتىپى كە شعردە «خسرو خان» و گاھداندا «ساقى» تخلوص ايدىر 1346
 - نجى گونش اىلى، يايدا، «كلىئىر» ماھالىينىن گۈزەل و تارىخى كندى «شوجا آباد -
 شجاع آباد» دا دونيايىه گۈز آچدى. خسرو خان، آتاسى محمد خان و آناسى ناهىدە
 خانىمىن تأثىرىيىنە، شعر و موسىقى يە علاقە يېتىرىپ، 15 ياشىندان، شعر يازىماغا
 باشلايىب. اونون بويوك ايلهام منبى، آذربايچانىن آدىم شاعير و عاريفى
 سىدابۇ القاسم نباتى اولموش.

خسروخان تاریخ رشته‌سینده اونیورسیتەدە تحصیلاتىنى باشا وئریب، ايندىلىك معلملىك وظيفەسىن داشىپىر، تېرىزىن شعر انجمىن ئەمەن عوضۇو و كلېپىرین حكىم نباتى انجمىن نىن باشچىسى دىر.

ايستيرم

ايستيرم يئىندىن حىات باشلىيام،
دوشونمك ايستيرم قانماق ايستيرم،
عشقىن حرارتلى سۈنمز اودونا،
آلشماق ايستيرم يانماق ايستيرم.

ايستيرم دوشونم نىيە گلمىش
نىيە يارانمىشام بو خلقىدە من
ايستيرم دوشونم گورەسەن كىمم؟
سەرى آچىلمايان بو حكمتىدە من

ايستيرم حياتدا كدر اوْلماسىن
عشقىن نغمه‌سىنى چالسىن اوْزانىم
ايستيرم دوستلوقۇن محبىتلارىن
هاراين ائل لره سالسىن اوْزانىم.

ايستيرم اليمە آلدىقىم قلم
حياتدا حقىقت سۈز و نو يازسىن
ايستيرم قدرتى قاندىقىم قلم
حياتدا عدالت سۈزۈنۈ يازسىن.

ايستيرم گويلوم توخ سُفرهه آچىلى
 نەكى وارىيم اوْلا خىرىيەم اوْلمايا
 ايستيرم مرد اولام بويۇنۇ يوكلىيوخ
 بىر ياللاق هنرىيەم شعرىيەم اوْلمايا.

ايستيرم ھامىنى من اوْزۇم كىمىي
 ھامىيىا سعادت ھامىيىا عزت
 ايستيرم ھامىنى من گۈزۈم كىمىي
 ھامىيَا خوش باخىش ھمى بصيرت

ايستيرم ياشىيام ھاما آز اولسون
 آنجاق آز عومرىيىمە ناز ياشىيام من
 ايستيرم بو حىيات گۈزەلىيگىنى
 سەنلە بۇلەبىلىسىم ساز ياشىيام من

ايستيرم توپوغا كىش دئمىيەم من
 خلقىن ايستى آشىينا سوپۇ قاتمىيام
 كىمسەنин قاطىرينىن اوْلوكوتىيەم من
 تولكۇ دالداسىندا نەدە ياتمىيام

ايستيرم عشق اولا شىرىين آرزىلى
 داغلارا سىس سالام بىر فرهاد كىمىي
 سئومىرەم انسانلىق آياقدان دوشە
 آلدە ايتىقىلىش بىر جىڭە كىمىي

ایستیرم دیيەلر بابک کيمى
قولونو ويرديلار هئچ اوخ ائمهدى
ایستيرم ديهيلر باغلارى گزدى
اوْزَگَهْنِين بارىنان بىرىن يئمەدى

ایستيرم ديهيلر منصور کيمىدى
درى سين سويدولار اوْزون دانمادى
سئومىرەم ديهيلر بوز ايل ياشادى
عومرونده ياخجى پىس بير آن قانمادى.

عدالت و صداقت

سۇرۇشدو اوغلووم کى کىمدى عدالت
هر يئتهن دىل آچىر اوْندان دانىشىير
بىرده سۇيەلە گوروم کىمدى صداقت
انسانلار آدينان يامان چالىشىير

دئىيم کى عدالت بىزىم كتدىدى
كار اولوپ كور اولوپ كاردان چىخىپدى
صداقت عمىدە قونشو كتدىدى
يامان قوجالىپدى حالدان چىخىپدى.

«سئومك اوچون يارانميشام»
گوزهلىگى گوزهلى لرده
سئومك اوچون يارانميشام

گوزه لرده گوزه ليگى
گورمك اوچون يارانميشام.

داغلاماغين نه فايداسى
باغلاماغين نه فايداسى
آغلاماغين نه فايداسى
گولمك اوچون يارانميشام.

قونشومونان چوره گيمى
دوستومونان امه گيمى
سئو گيمىنەن اوره گيمى
بولمه ك اوچون يارانميشام.

بارگىتىرەن بوداخلارى
خلقە آخان بولاخلارى
حق كلاملى دوداخلارى
اوپىك اوچون يارانميشام

گوزه ليگىن قىمتىنى
ياشاماغين لذتىنى
بىر عومرون عيزىتىنى
بىلمك اوچون يارانمىشام.

قولونو وئر يار قولونا

گاه ساغینا گاه سولونا

شیرین جانی دوست یولونا

وئرمک اوچون یارانمیشام.

کیم تورپاغین آتا بیلهر

کیم تورپاغین ساتا بیلهر

کیم تورپاغسیز یاتا بیلهر

اوئلمک اوچون یارانمیشام

آلنى آچيق آغ گزيرەم

اوجا اوجا داغ گزيرەم

ياشىل ياشىل باغ گزيرەم

چىچك اوچون یارانمیشام

قولاق آسین خسروخانا

كونول وثرييپ خان چوبانا

تورپاقلاردان آسمانا

اوچمک اوچون یارانمیشام

سنه باخما

سنه باخما سوروشمور سان حالىمى

من سنين يولوندا جان باغيشلارام

سنه باخما آخيدىرسان قانىمى

من سنين عشقىنله قان باغيشلارام

سنه باخما هئچ گوز آلتى باخميisan
 من سنه پاي انداز دئديم گوزومۇ
 سنه باخما هئچ آختارىپ تاپميisan
 من سنى تاپيادا آتدىم اوزُمو

سنه باخما يوْل لامادىن پايمى
 من سنه اورهگىم پاي يوللاميشام
 سنه باخما سايماييرسان هاييمى
 من سنه عشقىملەه اى يوللاميشام

ايىندى آير منى آتىپ گىئيرسەن
 من سنه وئردىيگىم اورهگى ساخلا
 دوز دوركى سى منه وئرمەدین چىچك
 من سنه وئردىيگىم چىچگى ساخلا

سن منىم عشقىملە دوشوبىسىن دىلە
 گوزهلىك چلنگىن باشا قويوبسان
 چوخدا مغۇر اۇما او گوزهلىگە
 من سنى سئومىشىم گوزهلىك اولوبسان

سن من

سن دونەن سۈز وئردىن اونوتدون بوجون
 من دونن سۈز وئردىم دوردوم داغ كىمى

سن منله گوروشدون بوزاردين يامان
 من سنله گوروشدون اوزو آغ کيمى

سن دئدين گل بيزه دئديم باش اوسته
 من دئديم گل بيزه باش آتدین نبيه
 من سينين يولوندان گوتوردوم داشى
 سن منيم يولوما داش آتدین نبيه

مين کره دوستلوقدا سينادين مني
 هر بير سيناگيندان چيخديم باش اوجا
 بيرکره اليمى سيخمادين ندن
 مين کره الينى سيخديم باش اوجا

بير داش آتدان - بير داش اوستهن
 حيات بير ايق قويان ماسا
 بير داش آتدان - بير داش اوستهن
 عومور خنير اولان ماسا
 بير داش آتدان - بير داش اوستهن

اليم الدن يايپيش ماسا
 ديليم شيرين دانيش ماسا
 قلبيم عشقه آليش ماسا
 بير داش آتدان - بير دانش اوستهن

آير بولاخ آخان ماسا
 آير گوزلر باخان ماسا
 آير شيمشك چاخان ماسا
 بيرداش آتدان - بير داش اوستهن

بير سُفره کي قوناغى يوخ
 بير خيرمان کي چاناغى يوخ
 بير گوزهل کي ياناغى يوخ
 بير داش آتدان - بير داش اوستهن

شاعير سُوزون يازان ماسا
 فرهاد داغى قازان ماسا
 اوغول حلال قازان ماسا
 بير داش آتدان - بير داش اوستهن

بير ناماز کي خلقدن او تور
 بير سalam کي تختن او تور
 بير دوستلوق کي وخدن او تور
 بير داش آتدان - بير داش اوستهن

دوست کي دويون آچان ماسا
 دوست يولوندا قاچان ماسا
 بير قارتال کي اوچان ماسا
 بير داش آتدان - بير داش اوستهن

خسروخانی بیهند مهمن
 گوزه‌لیگین گورهند مهمن
 قیمتینی وئردن مهمن
 بیر داش آتدان - بیر داش اوستهند

بوگون

ایندی قدریمی بیل نفسمیم گلیر
 سُوراکی محبت کاریما گلمز
 ایندی اوره‌گیمه محبت گتیر
 سُوراکی شفقت کاریما گلمز

صاباحدان خبر یوخ گل بوگون گولک
 فرصت‌دی بو عومور قوتارار دئمک
 ایندیکی یاشیریق قدرینی بیلک
 سوراکی صداقت کاریما گلمز

بوگونون قیمتین بیلمه‌سه‌ن نه وار
 الیندن آلیندی بلکه اختیار
 حیات کامانیندا اولاندا شیکار
 سُوراکی دیانت کاریما گلمز

مین گولون یئرینه بیرجه اوره ک وئر

صاباحى نينيرەم بوجون ديلك دئر
 گل بوجوره گيمە ايندى ديرك وئر
 سوراکى كرامات كارىما گلمز

اليم او زول مه ميش اليمدن يايپيش
 كوسوبسەن ساخلاما گل بوجون باريش
 عشقين آتشينە گل ايندى آليش
 سوراکى حرارت كارىما گلمز

بوجون ايچى دولو بير خزىنە يەم
 گوزله تاپتالانىپ من ازىز مە يەم
 صباح بير سرىدى گۈر بوجون نە يەم
 سوراکى سخاوت كارىما گلمز

ايندى خسروخانام عطىرلى گولم
 اورەكلر پاسىنى ايستيرم سيلم
 عطريمى چكىنكى عطىرلى گولم
 سوراکى طراوت كارىما گلمز

سلطانى

دين عاليمى، حجة الاسلام و المسلمين هادى سلطانى محمدى 1346 – نجى
 گونش ايلى «ورزان» محالينين «سيغاي» كندىننە آنادان اولدى. ايلك و اورتا
 تحصيلاتى آنايوردو «سيغاي» دا و «تبريز» ده باشا وئرېب، «تبريز» يىن «دینى

مدرسه»سینه گندیب و دینی تحصیلاتا باشلادی. 1368 – نجی ایلده «قم» شهرینین «علمیه حوزه» سینده تکمیلی تحصیلاتین اوخویوب، باشا وئرەندن سونرا «تبریز»ه قاییدیب و اوردا سکونت ایدیب.

سلطان محمدی، شعرده «سولطانی» تخلص ائدب و ایندییه ده ک اوندان 4 جیلد شعر کیتابی چاپدان بوراخیلیب: «پیر سققا نغمەلری» (2 جیلد)، «شانلى يوردون ارسباران»، «دوز نوحەلر»... .

قرەداغ

ئئجه توصیف ائله بیم شانلى ماھالین قره داغ

قلم عاجیزدی ياز، وصف محالین قره داغ

آغ بولود قالخار «آراز»دان، سیخار اوز كؤینگىنى

لیل لهنر چايدان آخان، آب زولالین قره داغ

ایلدىرييم گؤيده شاخار، يئرده ده داغ داش چيغىرار

دولانار گؤيده بولود، يئرده مارالىن قره داغ

اولكوشەرلر سورولەر، خستە چوبانلار چيغىرار

ديسگىنه داشدا ياتان، خاللى غزالىن قره داغ

ياز گلھر، چىللە گئдер، قار ارىيەر، سئللىر آخار

جوچەر بوجدا كىمەن، آلمان نهالىن قره داغ

ياز دايىار پىز بورو يەر داغدا سرین چشمەلرین

قىزارار مورداد آيى، باغدا زوغالىن قره داغ

آلاچىق لار قورولار، داغلارا چىسگىن توکولر

ايسلامدار هر گۆزەلەن اوزدەكى خالىن، قره داغ

باشى يايلىقلى خانىم، داغدا ياپار أىل چۈرەيىن

أود قىزاردار قادىنин روى هياللىن قره داغ

سوموراللار آرىيالار، گول چىچە يىن شەھدلرىن
 ساتىلار چىچى لره سوزمەلى بالىن قرەداغ
 يايدا خرمىندە اولاندا، قوشما سونبوللى أكىن
 دولدورار ھامپالارىن، بوغدا چووالىن قرەداغ
 مرجىمكىلرده رىيلر، چۈلدە نخودلار بوزارار
 ماشىن اوستوندە ياتار، مرجى خارالىن قرەداغ
 يونجالىق يايدا قوييار اوز باشينا گۆئى پاپاغين
 خشە اورتەر باشينا، قىرمىزى شالىن قرەداغ
 عاليمىن موجتەھىدىن، خالقى ھيدايت ائلە بىر
 بو جەتىدىن دېيرەم، يوخىدى مىثالىن قرەداغ
 مەھد فرزانەلر اولدون، شعرالر وطنى
 چىرخ دانىشىدە بوجۇن واردى رىجالىن قرەداغ
 وئرمىسەن نان حلالىن، يئىببى ئولاد وطن
 قەھرمانلار يېتىرىپ، نان حلالىن قرەداغ
 ظولىمكار طوغىيان ائدەندە چوخالىبىر خەقان
 گورمۇسن «ستار» وون جىڭ و جىدالىن قرەداغ
 سنه ھر كىيم دئسە پىيس سە، اوزونون ايشكالى وار
 آچمىرام من سۈزۈمى، اتمە سووالىن قرەداغ
 يازدا «سولطانى» گلەر ائل اوبانى يوخلاماغا
 قوناغا حؤرمەت ائلە بىر سوروش حالىن قرەداغ

در نعٰت حضرت محمد مصطفى (ص)
 اى رسول مدنى! سيد بطحا بطحا
 سنه مؤمنلر اولوب، عاشيق شيدا شيدا

قبر پاکیندان اوzacم، ولی دستان فراق
 صبر مولکون ائله بیب، غارت و یغما یغما
 اودو وروب خاطریمه، ایندی فراتت شری
 آلیشیبدور اوره گیم، دهرده پیدا پیدا
 «یشرب» بن یول لارینی سیر ائله بیر مرغ دلیم
 ائله بیر «طورا» گنديز حضرت موسا موسا
 زائر اولسام حرم پاکووا، ذی حجه آیی
 سه په رهم قبریوه من، عنبر سارا سارا
 ای «بُراق» ایله گزهن! لیلدۀ آفاقی بوتون
 یوخدی هیچ یئرده سنه، بیر نفر همتا همتا
 ای اولان! اشرف مخلوق خداوند جلیل
 بشر عاجزدی ائده مدحیوی انشا انشا
 سن امامت ائله دین، نوح و خلیل الله اوچون
 بو ایشه ناظر او لووب، مسجد الاقصاء، اقصا
 گزمیسن سرعتیلن کل سماواتی گنجه
 تا پیپ عزّله شرف، گند بینا، مینا
 گئتمیسن «رف رف» ایلن عرش معلایه طرف
 بیلدیریپ قدرتینی، خالق یکتا، یکتا
 چرخ سوم دا گورو بسن مه کنعانی اوژون
 سنه خوش گلدىن ائدیب یوسف زیبا، زیبا
 یئتمیسن بیر یئره کی، پیک خدا اوردا قالیب
 قویموسان جبرئیلی، واحد و تنها، تنها
 «قاب قُوْسَيْنَه» چاتیسان شب معراجده سن
 سوره‌ی نجم ده وار کلمه‌ی ادن، ادن

گؤسترىپىدور، اوْزى خلّاق جهان آيەلرین
 محرم رازىن اولوب، لىلەى اسرا، اسرا
 گورمۇسن آلاھىبى چىشم دليلن او گئچە
 درك ائدر بى سۆزۈمى عالم و دانا، دانا
 سىنە اخلاق نىكى مولك حجاز ايچەرى يقىن
 جەل لە خارىن ائدىب سومن صەرە، صەرە
 دائىمن خوش ديلىلىن خلقى هدایت ئەلەدين
 اولدى فاسق كىشى لە صاحب تقا، تقا
 سنه قوربان اولوم اى! حضرت زەرا آتاسى
 گورمە يىب جن و بشر، سەن كىمى آقا، آقا
 شمس رخشان هدایت، گەر بەر سخا
 رحمت عالىيان، سرور و مولا، مولا
 خاتىم كل رُسل، رەبىر ھەر پىر و جوان
 حامل وحى خدا، آيت كبرا، كبرا
 سنه خاطر يارانىب ارضىلە، افلاك ھامىسى
 ائدە بىلەز بى سوزى بىر نفر اخفا، اخفا
 صاحب فضل و كرم، سيد و سالار حرم
 مالك ركن و مقام و شە بطحا، بطحا
 صدر پاكىندى سنين، صبر ايلە حلمىن دنىزى
 بۇ دنىز قطرەسىنە ئەلەدىم ايمام، ايمام
 منبىع دانش حق، معدن اسرار خدا
 اولمۇسان علمىدە سەن مظھەر درياء، درياء
 گرچە اينجىتىدى سەنى دھەردە جەقال زمان
 آچىمادىن لېلىرىنى، نفرىينە اصلا، اصلا

گَنْدِی جَبْرِيلُ اَمِينٍ «خُلُقٌ» عَظِيمٌ آیَه سِينِي
 گُونَ کِيمِينَ اولَدِي آدِينَ دُونِيَا دِا پِيدَا، پِيدَا
 سنَ عَبَادَتِه سَالِيْسَانَ اُوزِيْوِي زَحْمَتَه چَوْخَ
 عَرْضِيمَه شَاهَدَ اولَورَ، كَلمَهِي تَشَقا، تَشَقا
 فَضْلِيُّويَ ظَاهِرَ ائِديَبَ، آدمَهِ جَنَّتِه خَدا
 مَلْجَى اولَدِي سَنهَ، هَمْسَرَ حَوا، حَوا
 گَلِيبَ «انْجِيلٌ» دَه آدِينَ، حَضْرَتِ عَيسَى او خَوَيَوبَ
 سَنِي تَصْدِيقَ اَثَلِه بِيبَ، مَرِيمَ وَعَيسَى، عَيسَى
 نَامَ پَاكِينَدِي مُحَمَّدَ(ص) لَقَبِينَ لِيكَ اَمِينَ
 بَيرَدَه قَرَ آنَدَا گَلِيبَ وَازَهَى طَاهَا، طَاهَا
 عَاشِيقَ جَنَّتَ اولَارَ عَابِدَ وَزَاهِدَ بَيلِيرَمَ
 ولَى عَاشِيقَدِي سَنهَ، جَنَّتَ مَأْوا، مَأْوا
 اَيَنَدِي «سَلْطَانِي» يَه لَطْفَ ائِيلَه اِيا بَحرَ كَرمَ
 دَه گُورُومَ هَارَدا ۚ قَالِيبَ يَوْسَفَ زَهْرَا، زَهْرَا!

دو لاشما

ای باد خزان، باغ و گولوستانه دولاشما
 گولزاری پوزوب، نرگیس و ریحانه دولاشما
 آلاهدان اوتان، پوزماگینان گولشهن عشقی
 گولشهنهنده گهزیب، سرو خورامانه دولاشما
 سعی ایله نیگارین، باهارین، آلما الیندن
 موژگانی بیخیب، عاریض جانانه دولاشما
 ال وورماگیلان، طوره جانانه آماندیر
 عاریضده اولان، زولف پریشانه دولاشما
 پروانه گهزیر، محفیل شمعه گوذر ائتسین

دل قانه دونوب، شمع شبىستانه دولاشما
 قوى راحت اولا، بولبول سورىدە چمندە
 رحم ائيلە گىلەن، غونچە خندانە دولاشما
 عشق عالمىين، پۇزماكىغان بزم و بسطاين
 صحرانى دولان، مشرب عيرفانە دولاشما
 اى نرگس مستانە، بو بىچارەدن ئىل چەك
 ترسا بالاسى، بىرده موسىلمانە دولاشما
 قوى بزم وصالە يېتىشە، عاشيق زارى
 باغرىن قان ائدىپ، سىنە سوزانە دولاشما
 «سلطانى» يە چوخ ناز ائلەمە، طاقتى يوخدور
 هيجرىنده يانىر، مورغ غزلخوانە دولاشما!

آنا

باخىسان اوزومە محبت ايلە
 دارايىب تئىمى داراغىن آنا
 آغلایاندا، گوزياشىمى سىلىيىسىن
 قويوبسان اوزومە، دوداغىن آنا.

اوشاقلېقدا هرنە دئىسم آلېيسان
 مندن اۋتور چوخ يوخسوز قالىيىسان
 ياتماياندا قوجاققۇوا سالىيىسان
 يوخلادىپ بالاوى قوجاغىن آنا

داراغىلان دارايىيىسان باشىيمى

چوخ یویوبسان اوز گۆزومى قاشىمى
اوچاق اوستە پىشىرىيېسنى آشىمى
سونمەسىن اولكەدە اوچاغين آنا

فلک قويوب غم اوخونى كامانا
ووروب سىنин كىمى شىسلى جاوانا
آغاردىب باشۇون توکون زامانا
ايىدى آغىرلاشىپ قولاغين آنا

اينجىدىبىدى سىنى غمِ روزگار
قارا ساچالارىنى ائدىب مىشل قار
جاوانلىق گىئىبىدى گۆزۈن اولوب تار
قوجالىقدى ايىدى قوناغين آنا

چوخ ايشلەدەن حالال چۈرەك قازاندىن
تۆكۈل داغىينا، سەن آرخالاندىن
آلاهىن لوطفىلە هەرگۈن داياندىن
محكم اولدى سىنин داياغين آنا

پايسىز گىچەلەرى اوياق قالاردىن
تاختانىن اوستوندە ايلەمە سالاردىن
ساتاندا خالچانى، هەززاد آلاردىن
اوندا پارىلداردى باشماغين آنا!

خالچا تو خوياندا، چوخ تله سەردىن
 بىر آى قورتاراندا فرشى كىسەردىن
 سئوينەردىن سونبول كىمىي أسىردىن
 اوگون، چاغ اولاردى داماغىن آنا

چىشمەلر دوناندا سوپىق سازاخ دان
 باش آچمازدان ئوده، بىرىتىق ياماخ دان
 گوندوز يورو لاردىن پالتار يوماخ دان
 تەردىن اىسلامناردى ياناغىن آنا

قارلار آغاراداندا قىيش گونى دامى
 كورسونون اوستوندە يىيەندە شامى
 شۇربامىز وئەندە قۇوورما طامى
 قونشۇنون بىلەردىن او نماغىن آنا!

دان اولدوزو چىخاندا سن دوراردىن
 سەھەر چاغى، تندىرە اواد ووراردىن
 چۈرەبىي ياتاردىن، كورسو قوراردىن
 قوياردىن تندىرەن دوواغىن آنا

او شاغىدىم ولى يادىما گلەر
 «سيغاى»دا يوخودى برق دن اثر
 اولدوزلار وئەندە گئچەدن خبر
 ياندىراردىن ئوپىن چىراغىن آنا

گؤلده سەھەر سىئەننەدە قورپاغا
 گندەردىك سېيلە نۇخود يولماغا
 باتاندا پالتارىم داغدا تورپاغا
 سېيلەردىن اوستومون تورپاغىن آنا

غەم گلنده گوللەركىمي سۇلاردىن
 اوخشا ياردىن بولودكىمي دۇلاردىن
 گۆز ياشى توکەردىن، نۇخود يولاردىن
 او زەدە ايسلاناناردى، ياشماڭىن آنا!

او تانميرام سۆزۈن اوستۇن آچماقдан
 نە فايىدا وار دوروب باخام اوزاقدان
 «سولطانى» قۇي أۋىسۇن يورغۇن آياقدان
 بېھشتىن يولدور آياغىن آنا!

فرزانه

محرم فرزانه هريس، 1349 – نجى گوش اىلى، «هريس» شهرىنده دىيابىي
 گلمىش. بويا باشا چاتىپ تحصىلاتىنى اوز دوغما شەھرىنده، بىتىرىب، «موخابيرات»
 ايدارەسىنده اىستىخدام اولوب.

فرزانه، بىر يورو لماز تدقىقاتچى كىمى اوز آنابىردو «هريس» شهرىنە نىچە جىلد
 كىتاب يازىپ و اورانىن تارىخىن، جغرافىاسىن، قەرمانلارين، فولكلورون و ادبىياتين و ...
 آيدىنلا دىيپ.

فرزانه، ايلك شعر كىتابىينى «ايستەك ذىروھسى» آدилە 1380 – نجى ايلده تېرىزىدە چاپدان بوراخىب. اونون شعرلىيندە ساده و صميمىلىك و ساتира مضمونلار گۆزە چارپىر.

قارداشىم شەھىد او لاندا

قىزىل تئل گونشىم او فوقدە باتدى
ايپەك ساچلى آيمىم، يوخلادى ياتدى
يالواردىم نەقەدەر، گۈزۈنەن آتدى
آردىنجا سوزولن سۆزلىرى گۈرددوم

رحم سىز بورودى جانىمىي آلوو
«شەھانى» چولوندە اوولانىيىدى اوو
بوداقدا آيەلەشدى شاختادان قىرورو
منه تاي كىرىيىب سوزلىرى، گۈرددوم

قورودو او مودوم كەھرىزلىرە تاي
سارالدى دىلەيىم، بىنيزلىرە تاي
دوينغۇ دالغالاندى دىنيزلىرە تاي
قانلى ياش آخىдан گۈزلىرى گۈرددوم

اوزولدو گولشەنин تاهى – تىفاغى
ائو اوچدو خارھاخار، سىندى داياغى
ايىشلىرىم ئىيىلدى گۈرچك او داغى
ايتىب قارىن آلتىندا دوزلىرى گۈرددوم

قورتولدی باشاریق، بوكولدی کەمەر
اولارسون گۇرۇشى اونوتماق مەگەر
اوزولدى، آيرىلدى، منه جان جىيەر
 يولۇندا سورونن دىزلىرى گۆردۈم!

سېزىيللىق

پېتلاشىق تىللرتك اولاسان فلک،
دوز ايشىق يوخ، چوخور چالاسان فلک،

چوخلارين آپارىب، اوزون قالىب سان،
ائولره اوخشاما، قىرقىن سالىب سان،
قارداشلار بالالار الدن آلىپسان،
غىملرى غم اوسته قالاسان فلک.

اوදلادين بوسنانى ياندىردىن باغى،
قويمادىن يانا، هەنج بىر چىراغى،
قيشدا گىچىتدىن اودى – اوچاجى،
نه دەئىيەم صېرىرى جالاسان فلک.

ايستىرى آغىزلار، بىر گلسىن دادا،
فورصتى آلىسان، وئريسن بادا،
قويموسان اوزلرى گولسون دونيادا،
عاشىقسىن سوپوقلۇق سالاسان فلک.

يالان اولاسان، يوخدو دوز سؤزون،
 يول لاردا قويدون يئتىملىر گۈزون،
 قارداشى قارداشدان ئىدىسىن اۆزون،
 هيمنىدە آلچاقسان بالاسان فلك.

«فرزانه» باشينا ساليسبان آغدان،
 آج قوردتک گزيرىن، اوردا بوردا سن.
 گۈزون ده دويمورى اوزون تك ندن؟
 قينامارام داها يالان سان فلك!

سەنودا

سن منه ياراشيق منهسن كۈممك
 گەوهن دىر بو دونيا، گەل اولاق اىپەك
 سولماز بىر چىچك دىر، سولماز بىر چىچك
 آرزى باغچاسىندا سئوبىب – سئويمىمەك!

انتظار پنجرەسى
 سىيغما يېر محبت كىچىك اورە كىدە
 يارىيادى دولدوروب بالا كۈنلۇمو
 غلبه چالىيدىر سئوينچ آدۇستلار!
 آز قالىر اليمدن آلا كۈنلۇمو

ايшиقلى شەھاب تك آخاراق بىش
 على(ع)نىن قىلينجى اليىنده گلر

او گلجه ک دونیادان قارانلیق کؤچر

عدالت گتیره حالا کؤنلومو.

«فرزانه» مهدی(ع)نی، سسله فریادا

دوشندہ موشگوله او گلسین دادا

بیرده او میصره عی سال گیلن يادا

یار یادی دولدوروب بالا کؤنلومو

گل - گل!

آی منی غمله یاندیران، گل - گل!

کؤنلومو چیپچالاندیران گل - گل!

باغریمی قان اندمن گۆزەل، گئتمە

جیگری پارچالاندیران، گل - گل!

هجرانین سونگوسون تاخان جانیما

منی قانه بوياندیران، گل - گل!

گۆزومون کاسه سینده اوینیا ياراق

گۆز یاشین چارپالاندیران، گل - گل!

دهنیز اولسامدا، سوسموشام سنسیز

دویغومو دالغالاندیران، گل - گل!

سئوگیمین ماوی گئیلریندە اوچان

گۆزلریمی سولاندیران، گل - گل!

کاش دئییدیم کى صبریمین چاناغین

آیریلیقلار جالاندیران، گل - گل!

سن ایدین باغیم ایچرە قار چیچە بى

قیشین عئمرون اوزاندیران، گل - گل!

سۆز و «فرزانه» نین بودور يالنیز
ذوق كۈنلۈن بولاندىران، گل - گل!

لوائى

محمد رضا لوائى، 1352 - نجى گونش ايلى، «اهر» ايله «تبريز» آراسىندا اولان «خوجا» شەھرىنده آنادان اولوب. ايلك تحصىلاتىنى «خوجا» دا، سونرا «تبريز» ده تحصىلاتىنى تكميل لشىرىپ، ادبىيات رشته سىنده لىسانس مدركىن آلىپ. اونون شعر توپلۇسى و كېتابلارى عبارتىدیر: «منى اينان گلىرەم»، «درىنلىيمىدى دەنiz»، «تترور و آزادلىق»، «سونرا اورەگىمى اونالارا وئردىم»، «گونش سىسىن دىر باتىر»، ...
لوائى نين اثرلىرى مختلف گاز ئىتلەدە يايلىپ و او خوجو كوتلەسىنى اوزونە جلب ياتمىش دىر. ايندىلىك، لوائى، چاغداش آذربايجان ادبىياتى، شعر و ژورنالىسم ساھەسىنин تانىنمىش چالىشان لارىندان دىر.

دۇوار پۇنەماسى

بۇرا خستە خانا، بئشىنجى او تاق
يالىنiz ايكى خستە واردىر بورادا
بىرىنجى خستەدە، اىكىنچى ساياق
غرق اولوب، قالىبىدى گئنىش دونيادا!

بىرىنجى قاپىنinin آغزىندا ياتمىش

گئردويو دو واردى، گئردويو دۇوار

پنجرە يانىندا، اىكىنچى خستە

گئرور پنجرەدن آمما هر نه وار

ازه‌لدن انسانین قانلى سى انسان
 قالميش انسانلارين باختينا حسرهت
 ائله بورادادا البت قالىبىدى
 بيرينجى ايكينجى تاختينا حسرهت

حياتى گۈرمەدن يوروغان انسان
 يئريندە بير باخىش مۇحتاجى اوولور
 باخىشدا گول كىمى حيات باغىندا
 واختىندا آچىلىر، واختىندا سولور!

ايچىنده دئىره ك اۋزو — اۋزونە:
 «ياتىديم او تاختىن اوستە كىشىگە من!»
 سورور ايكينجى دن بيرينجى خستە:
 «ايندى پنجرەدن نەلر گورور سىن؟!»

سىسلەنير اوجادان ايكينجى خستە:
 «گۈرۈرمە آرابا، گۈرۈرمە انسان
 بورادان باخاندا شەھەرە، سانكى
 نارى ايکى بؤلوب، يىرە قويىموسان

بىر قىز، بىر اوغلانلا، قول — بويون گلىر
 زوغ آتمىش چىيىننە سئوينج قوللارى
 گئجهنин بى وختى، آغ آرا بالار
 سوكىمى ايچىرلر قارا يوللارى!

بو تايidan اوتايia خياوان ايچره
 بىر قوجا سووشور آغىر، گۈرورەم
 حوضون آراسىيندا، پاركىن ايچىنده
 ياغىش يئردن گويم ياغىر، گۈرورەم!

چيراقىلار آلىشىر، گۈزلىرىن كىمى
 گئچە هر بىر شى يە معنا وئىپىدىر
 بىر باخ! پىنجرەدە بىزدىن آشاغى
 انسانلاردا اسىر، گئچەدە اسىر

دارىخما نە قىدر تاخت اوستوندەسنى
 سنه گۈز اولام، قولاق اولام
 دارىخما نە گۈرسەم، بو پىنجرەدىن
 سنه تعريف لەرمى من، سحر – آخشام.»

بورا خستە خانا، بېشىنجى اوتاق
 كىيم باسا آياغىن بو دار اوتاغا
 گورەر ايکى خستە، ايکى مەھرىيان
 بىرى گۈزە دونوب، بىرى قولاغا

ايکىنجى دئىكىجە گۈردو كله رىنى
 حيات، رنگە دولور بىرینجى سىيندە
 او، گۈردو كله رىنى دئىكىجە، بوندا

یارانیر سئوینجده، یارانیر کینده!

قَفِيلَن بَير گئجه ایکینجى خسته
قارالىر، آز قالىر نەفەس گلەمەسىن
بوغولتو بىر سەسلە او بىرىنجى يە
دئىير: بارماغىنلا باس زنگ دويىمەسىن!

بىرىنجى خستەدە، آمما بىر خيال
اڭدىر اورەگىنى اىچىنەدە دويون
او، بۇنۇ چاغىریر كۆمەكە، بودا
ھله فيكىر چەكىر جىنaiت اىچون

ايکينجى خستەيە بو بىرىنجى نىن
بىردىن نە اولدو كى اورەگى اسمىرى؟!
زنگىن دويىمەسىنى باسماغا نەدن
انسانلىق تەلەسمىر، بارماق تەلەسمىر؟!

او گۈردوک لەرينى ھر آن دئىيرەك
بۇنا حىات وئرىپ، بۇنا جان وئرىپ
بو آمما «نرس»نى، خبر ائتمەيى
اونا آرتىق گۈرۈپ، اونا چوخ گۈرۈپ.

بو زنگ دويىمەسىنى باسمىر كى بلكە
او ئۆلسۈن بو اونون تاخىندا ياتسىن!

ايشه بئله اولور، ايکينجى خسته
اولوركى بيرينجى مطلبه به چاتسين.

داها نه ايسىتە بير آرتىق حياتدان؟
گوتوروب بير گئجه بونو سالىرلار
پنجرە يانىندا تاختىن اوستونە
بودا تله سىركى گۈرسۈن ھرنە وار

داها، ايندى اوزو، ھرنە بىي گۈرەر
داها گىرە بىي يوخ آيرىسى ھر آن
باخىب پنجرەدن شەھەرە، چۈلە
دئىسەن گۈردو يوندىن، دئىسەن حياتدان!

داها گۈرە جىكدىر خياوانلارى
گۈرە جىك ھر نە بىي اۆز گۈزۈ ايلە
زىمتىلە، عذابلا، قۇوزانىر، بلکە
باخسین پنجرەدن، ئىشىيگە، ائلە

باخىشى، ئىشىيگە ساتاشماق ھمىن
سانكى اورە گىنە تاخىلىر بىر اوخ
پنجرە اونوندە يالنىز بىر بويوك
سىمىت دووار گۈرۈر، داها هېچ نە يوخ!!

بۇرا خستە خانا، بېشىنجى اوتقاق . . .

شیمشکلردىر يوللار
 بىر اىزىم آى
 بىر اىزىم گونش
 چىينىمده، كايىنات آدلۇش
 دورت يان
 يىخىنتى دوشموش آياقلارىما
 سىچرات قانادلارىنى انسان
 چاخدىر دېغىم شىمشكلىرىدىر يوللار
 خنجردىر يوللار
 سىچرا انسان سوکىمى
 سرينلهت اورهگىمى
 شاللاق چك يوللارى بئلىمە
 ميل كىمى داغلا يوللارى
 داغ چك دىلىمە

 هەر شئى بو شونا وار
 آما كىسگىن لىكدىرى يوللار ...

جوادپور

على جوادپور 1352 - نجى گونش اىلى، خودافرین بؤلگەسىنین «ايىسكانلى»
 كندىدە حيانا گوز آچىب. «ستار گول محمدى» و ھابىلە، قاراداغ شاعرلرىندن تأثير
 تاپىپ، درين معنالى شعرلر ياردىب. «بەيەنسەنە بودور، بەيەنمەسەنە» اوون ايلك

شعر توپلوسودی کی 1377 ده تبریزده ایشيق اوزو گوروب. ایکینجی کتابی، «عصریمیزین یوخوسوندا» آدیلا، 1386 دا، یاشماق درگیسی وسیله سیله تهراندا یایلیب و آقیشلانیب.

چیچکلرین آهي
او، اوره کدی قوشونوتان آلينمار
قوی بیر دوداق تیسومله آليم من
آغلایاندا ایچین - ایچین آغلایم
گولندهده لاب اوجادان گولوم من

او گوموشو تئل لرینه دولاشیم
گوزلریندن گوج آراراق یال آشیم
آلچاقلاردا، اتك لرده نه ایشیم
زیروه لرده دیریلیم من، اولوم من

بولودلارین گوز یاشلاری توکندي
چیچکلرین آهي گؤییه سؤیکندي
محبتین، سینیق کؤنول تیکندي
کاش عؤمور لوک محبتین اولوم من

او دسوز اوچاق نه آلیشام، نه یانا
سومسوك اولان گونده گیرر هر دونا
او خشات منی اوز اوغلونا آی آنا
دیشمه ییم قوى «جوادپور» قالیم من

حەلەلیك

حەلەلیك، اىستەبىم

حەلەلیك آرزىم

ال چاتماز يئرلەردد ساغلىقلا قالىن

منكى اۋز — اۋزومۇ يالاندان يوردوم

بارى سىزازوتورون دىنجىزى آلىن!

توتوب اوجالارى، توتوب زىروهنى

گۆزومە آزسۇخون دومانى، چەنى!

ال چاتماز اولارام، بىر واختدا منى

گەزەرسىز باش آچىق سىز آياق يالىن

ايىندى نه دئىيرسىز، سىز منه دئىين

دارىشىپ لاپ ائله كولگەمى يئىين

سىندىرىين كۈئنلۇمو، قلىبىمە دەيىن

سونرا تاپانمازسىز، گۈيلەر قارتالىن!

نه كوسون «على» دن، نه داحا اومن

آردىنجا دىكىلەن گۆزلەرى يومون

اۋز حوكىم وارىمىش هر بىر دورومون

يئىيشەنەد يانىر اودونا، كالىن . . .

مكتوب

سن او شەھرىن گوندۇزوندەسەن

من بو شەھرىن گئچەسىنە

عئەرمۇمۇزون گئجه – گوندۇزون ياشاييريق

گئجهسىنى من ياشارام
سن گوندۇزلىرde اول
گونش دوغسۇن اوزونه
سئوگىلىيم

پايزىز

مئشەدە پايزىز

بىر آجاجىن يارپاغىندان باشلايىر
يارپاق – يارپاق پايزىزلا بىر آجاج لار
آجاج – آجاج پايزىز يايىز آجاج لار!
چۈرەك حىرىتىنiz اورە گىمى آلدى
پايزىز كولەبى كىمى
آى قارا آج لار!
آى آغ آج لار!
قويمادى آغزىمدا تىكەممى اودام! ...
پايزىزلا بىر دونيامىز
آدام – آدام! ...

ايىندى كى كۈچور سن ...

ايىدىكى كۈچورسن نەيىن وار آپار
قاللماسىن يوردوندا، اوچاق داشىندى!
بىرده كى آدىنى كۈنلۈمدەن قويار
قوى ساكيت ياشاييم بو گىنج ياشىمدا!

بیر قاتار دورناتک، کئچ باشیم اوسته
اوچه‌دهر آرالان، گوزله‌ریمدان ایت!
نه سنین آرخانجا، سورونه رهم من
نده‌کی قوشلارلا، سن داحا قاییت.

داشلارین اوستوینهن یئری، قالماسین
گىتدىيىن يوللاردا، آياق اىزله‌رى!
دئدىيىن ناغىلىين، بىرى قالماسین
اۋۇزۇنلەيىغ آپار يالان سوزلەرى!

من سنین آردىنجا، داش آتماسامدا
آرخايىن اول، سودا آتمىياجاڭام! . . .
تەلەسىك كۈچۈنۇ، يوباتماسامدا
داحا يو كونودە، چاتمىياجاڭام! ...

ايىدىكى كۈچورسەن نەيىن وار آپار،
قالماسین يوردوندا، اوچاق داشىندى!
بىرده‌کى آدىنى كۈنلۈمدن قوپار
قوى ساكىت ياشايىيم
بو گنج ياشىمدا! ...

كىشىگە ...
كىشىگە گونشە سەرىب
قورودا بىلەيدىيم

بو، ياش دونيانى!
 آريدا بيله يديم
 بو، داش دونيانى!
 بير چيمديك سئوگى يه محتاج دونيانى ...!

گولمهز

غلامرضا پورمحمد كه شعرده «گولمهز» تخلص اددير، 1355 – نجي گونش
 ايلي، «اهر – هوراند» يولونون 30 كيلومتريليننده يئرلەشن «آمپار» كندىننده دونيا ياه
 گوز آچىپ. اللى ياشيندا عائىلەسىلە بىرلىكىدە «اهر» كۈچوب، بو شهردە، اورتاق
 تحصىلاتە قىدر درس آلدى، ايندىسە آزاد ايشە باخىر.
 «گولمهز» كلاسيك و سربىست فورمالاريندا شعر يازىپ و اونون نظم و نثر اثىلرى
 مختلف قازىتلەرde چاپ اولونوبىدور.

دileyim

آنالار لاي لاسى تك سئحرىلىي آوازدى دileyim
 اينجهلىكىن يونولان، معجوزهلى سازدى دileyim
 يالخى بير كلمهسى يوز اوئلو گونشدن يوخارى
 قارا قورخونجلو قىشدان باج آلان يازدى دileyim
 افتخارىن دومانا چولغا لانان ذىروه سىنه
 قانادى كؤلگە سالان قورخولو شاهبازدى دileyim
 تاريixin يادداشينا بوردا اوتن ظولملرى
 آل قانيلان كۈچورەن يارهلى سربازدى دileyim
 دوستا شىح مونجوغونون اويناماسىندان يوموشاق
 دوشманا جان آليجى، قوووهلى قاپيازدى دileyim

گاه گوناھسیز بیر او شاغین اوره‌گینندنده سیویق
 گاهدا بیردن گوروسی بیر ایتی دریازدی دیلیم
 بیر زامان «ستار^۱» ایاردیمچی اولان قانلی قیلینج
 ایندی «چنگیز^۲» سینه‌سیننده چالینان سازدی دیلیم
 اوژون ایل لردی غزل چیگنینه قان آغلا بیرام
 یوخسا «گولمز» آدینی اوستومه قویمازدی دیلیم.

زامان شعری
 تاریخین ذهنیندۀ عصیرلر بوبیو
 ایز سالیب، قالاندی اصیل شعرلر
 اوره کدن قایناییب، سوزولسه بیر شعر
 داش اوره کلریده یاریب یتر ایتلەر

اصیل شعر او دورکی او خونان زامان
 هیجان انسانین قلبینه دولسون
 ائلين سورگون اولموش آرزیلاریندان
 اوئون لای لاریندا بیر نشان اولسون

ایندیکی عصیردە گر کمz داها
 قاش گوزه سوز قوشوب، شعر يازا شاعیر
 چاغداش شاعیر گره ک يازسين، ياراتسين

¹ - ستارخان، مشروطه‌نین بوبوک سرداری

² - چنگیز مهدی پور، آذربایجانین بوبوک معاصر عاشق‌لاریندان دیر.

ايتكىن حقيقىتىن آدينا دايير

«گولمز»م شعرىمىن گوزگوسو آنجاق
خالقىمىن آرزوسون گوسترىرسىزىه
گونش وورغۇنۇيام، أمىنەم آخرى
قارانلىق نە وارسا چوكەجك دىزە.

آنا

يازىن ياشىل نفسى
محبىتىن گور سىسى
اورەگىمىن ھوسى
سن ايمىشىسىن آنا! سن!

وارلىقىما مَزَهُ، تام
صاباح لارا عشق، اينام
بو قلبىمە سون ايلهام
سن ايمىشىسىن آنا! سن!

ايسيئىمە يە اوەد، اوچاق
سئوينىمە يە اوپۇنچاق
قارانلىقدا شام، چىراق
سِن ايمىشىسىن آنا! سن!

گۈيىدە گونش، گۈيىدە آى

بوغاز لاردا سَسْ، هارای
اویخو نعمه‌لی لای لای
سن ایمیشسین آنا! سن!

حکمت دولو بیر سینه
توکه‌نمه‌یه‌ن خزینه
منه مَكَه، مدینه
سن ایمیشسین، آنا! سن!

سُورا گئت

اوزومه گوزلرینی بیرده دولاندیر، سورا گئت
هله‌لیک تتردی سفر، آزجا یوباندیر، سورا گئت
نئیلیرهم بولچی گلین! وارلیقی سندن سورا دای؟!
سارسیلان جانیمی آل، چَک اودا یاندیر، سورا گئت
سنین آردینجا دوروب، گوئر! نه اینامسیز باخیرام
منه سنسیز یاشاماقد دردین ایناندیر، سورا گئت
سیعینیب ساچالارنین قوینونا سرخوش اوره گیم
یازیغین گلسين! اونو بیر جور اویاندیر، سورا گئت
بیر غریب حسَّ قونوب گوزلرینین گوز گوسونه
نه اولوبدور سن ایچون؟ سویله آماندیر! سورا گئت
باشیمی سون کره‌لیک عاطیفه‌لی چینینه آل
ساچالاریندان سوزولن عطره بویاندیر، سورا گئت
گندیسِن؟! یاخشی سفر! تکجه بو «گولمز» اوزومه
مهریان گوزلرینی بیرده دولاندیر، سورا گئت

اسلامى

قره‌داغىن محتشم شاعرى اوستاد عباس بارزىن اوغلى، بابك اسلامى، 1356 – نجى گونش ايلى «اهر»ين ياخىنلىغىندا اولان، «أرپیزان» كندىنده آنادان اولدى. ادبىات اوچاغى اولان، بارزىن ائۇى، دامجى دامجى شعرىن شىرىنلىكىن، بابكىن، روحونا دادىز دىرىدى. بابك بير شاعير آتائىن و شاعير قارداشلارينين تربىيەسىنده، بويا – باشا چاتىپ، اوزى بير استعدادلى شاعر اولدى. ايندى ايسە ادبىات رشتهسىنده فوق لىسانس مدرکى آلىپ، شعر ساحەسىنده بويوك مقاملارا نايل اولوب. بابك چوخ حىصە شعري فارسى دىلىنинde و شىرىن دادلى لارى آنا دىلىنinde اولموشدور.

(بو شعير اوشاقلىق عالمىنده منطىقىسىز، اوبار سىز سئوپىشىپ و بير آز مددت دن سونرا آيرىلماق اوچون دادىگاها يوللانلارا خيطاب اولور):

تىكان گويمەركەن ايزىلرەميمىزدە

بۇرا دادىگاھىن ازل پىللەسى

بۇرا آداملىغىن سون باھارىدىر

تانرىدان اوذاقدىر بئله بير يازى

آيرىلېق اىيلىسىن ايتىنكارىدىر

بۇرا دادىگاھىن ازل پىللەسى

بورادا سئوگىنى دارا چكىل لر

آياقىم گلسەدە اورگىم گلمىر

بىزى بۇ پىللەلر هارا چكىل لر؟

بو کورم سئوگىنinin يالان بوخجاسىن
 دئينىرم وئردىگىن يادىگارلارا
 بوسونسوز ايلقارىن گوردوم فايىداسىن
 حاييف ايناندىقىيم اعتبارلارا

ايىدىسىه باشلانىر جەنەملى يىم
 مندە جنازەلر صەفە دوروللار
 باخماكى قويىنومدا قالىب ال لرىم
 ايچىمە آرزييالار سىنه ووروللار

يادىندادى يولداش يادىندادى هەچ
 هانسى خىياواندا اوز اوزە گلدىك؟!
 قورخوردوق گورەلر اھرە بىزى
 گىزلى سئوېشىمە يە تېرىزە گلدىك

يادىندا هانسى گون باغرىما باسىپ
 سارماشىق - سارماشىق ايليشدىم سنه
 يادىندادى اوگون يادىندادى هەچ
 سىيگارت - سىيگارت آليشدىم سنه

پلىيس لر كاش بىزى توتايدى اوnda
 بو سئوگى كوكوندن تمام اولايدى
 نه منىم اوزلو يوم گىندىدى الدن
 نه سىنن وارلىقىن حارام اولايدى

نه بىلەم سن بىر گون اىپلىسە دونوب
 نىفرتى اىچىمە آسىرىر اجاقسان
 نه بىلەم گۈزلىرىم باخار كن منى
 آرزى مزارينا باسىرىرا جاقسان

سن منى ياندىرىدىن من سنى ياخدىم
 آنجاق بو يانماقا اوشاغىدېق بىز
 آنا لاي لايندان شىرىن اولسادا
 سئوگىنى قانماغا اوشاغىدېق بىز

نه پايز تانىرىدىق نه يئل نه خزان
 يازدا ماراقلنان غونچا كىمى دىك
 هئى بىزى يوزدوران سئوگى جاواب وئر!
 ايندى كىيم اولموشوق اوندا كىمى دىك؟

بىزكى يولداشىدېق كىيم بىزى قوردو
 دوئله چاغىرىدىق بير بىرىمېزى
 ساختا فيلىم لره فيكىرين گىتمە سىن
 اولدورور بو دوئل هر ايكىمېزى

هانسى يىخىلمىشى آياخلاادېق بىز
 ندن سە قارقاندىق يامان گونلە؟
 بوشوم ياشايىشدان نه يوخلاادېق بىز

بیتیشیدی باختیمیز کور دوگونلره

ایندیسه باشلانیر جهنم لی بیم
 تانزیلار آلیشیر یانیر ایچیمده
 ایندیسه اهريمن اولادیر منی
 سنی ده سئوگی تک دانیر ایچیمده

سئوگیلیم بو سئودا سون سئودامیزدیر
 اینانما آیریلساق گولهجه بیک بیز
 پاییزدیر، آغاچلار او خشاپر بیزی
 ایندی آیاق اوسته اوله جه بیک بیز

بیر عومور یاشاديق ایکی داش کیمی
 کیمسه گورنمەدی گولنده بیزی
 سون گوروشده باری بیر یولداش کیمی
 تانزی یا تاپشیراق بیر بیریمیزی

وارلیدان پاییمیز بیر اورک اولدو
 بوبوندان آسلامدیق سینیخ قول کیمی
 نه یاغیش باشلاڈی نه کولک اولدو
 قاییتدیق سئوگیدن باغلی یول کیمی

ائله سویوق – سویوق باخدیق حایاتا
 گونش بوز باغلادی گوزلریمیزد

بىز گئتىدىك آمما بىل بويوللار آرا
تىكان گويه رەجك ايزلىرىمېزدە

آننېمىن يازىيالارى
عۇمرۇم بويو افغانلارى آننېمىدا يازىيالار
بىت قارا دىوانلارى آننېمىدا يازىيالار
تقدىرinen اليف – باسى دى دوستوم دىمك اولماز
باشدان باشا عصيانلارى آننېمىدا يازىيالار
شاعير ندىر آنچاق منه چىلقىن دە ياراشسىن
مېن بىر بئله عنوانلارى آننېمىدا يازىيالار
دۇنۇوش دىليمە اويمابىن آى شاختار ساياقلار
داغلار كىمى – وولكانلارى آننېمىدا يازىيالار
بىر لحظە ياراشماز سىزە قارشىمدا دايامقاڭ
دوشىم بولا توفانلارى آننېمىدا يازىيالار
شعرىمە گونش دوغىناسا خالقىم منى آتسىن
بوندان يئنى پىمانلارى آننېمىدا يازىيالار
اي كاش تازا بىر تۆھمتى مئىدانە چكتىدىز
چوخدانى بول دستانلارى آننېمىدا يازىيالار
(بابك) كى قارانلىق حياتىن قايدىنا قالماز
هارдан بئله بىر آنلارى آننېمىدا يازىيالار

(بۇ شعر اسلام دونياسىنین بوتون قرآن قارىلەرى و تفسىر معلملىرىنە اتحاف اولۇنور)
ايشىقلۇ ذات
سسىنندۇ يەمۈشۈخ ازلى سىيرلر
سسىن ياشا ياجاق بوتون عصىيرلر

دەگوروم نە دئىير ياشىل سطىپىلر

كاييات حكمتىن قوى دوياخ درين
دوشوندور انسانا نور آيەلەرين

يئددى پىنجرەدن گوز آچدىق وارا
گونش باغچاسىندا يىتىشدىق بارا
قوى جانلار قووشىسون دورولوقلارا

آوازىن گوستەرير تانرى هنرىن
دوشوندور انسانا نور آيەلەرين

ايشىقدان دئىيگىن او ذات كىيمدەدىر
اسكىندر¹ سوردوغۇ حىيات كىيمدەدىر
ايتكىنلىك كىمسەيە، ثبات كىيمدەدىر

بىللى دىر اولاچاق گونش ازبرىن
دوشوندور انسانا نور آيەلەرين

دولاندىر جامالارى جانلار دىلەنسىن
عرفان سماسىنده (آن) لار اللهنسىن
دانىش قوى وارلىقا ايشىق چىلە نسىن

بو شىلتاق گىچەنин باغلا دفترىن
دوشوندور انسانا نور آيەلەرين

¹ - اسکندر ذوالقرنین

بیر قورتوم داموزدور او اودلو سسدن

فضيلى¹ چالخالا كهنه هوسدن

يورولما عشقدن دوشمه نفسدن

مَلَكُلر سِيلِه جاق آنليوبين ترين

دوشوندور انسانان نور آيده رين

بورغون

فرمان فرضى مولان، قرهdagىن جاوان شاعىلرىندىن، «مولان» كىدىدە آنادان اولوب، تحصىلاتىنى اوز آتايوردوندا باشا وئرەندىن سونرا، تېرىز اونىيورسىتەسىنيدە حقوق رىشتەسىنيدە عالى تحصىلات آلىپ. فرضى «بورغون» تخلوصو اىلە، بىرىنجى كىتابىنى «گۆزۈمە بىر دوداق دويغۇ» آدىلە، تېرىزىدە چاپدان بوراخىب.

«بورغون» درىن دويغولارىن و ها بىلە اينجە و ئەرىف روحونى، ائلىنин گئچە جىكلرى اىلە و آتا باباسىنин اىگىدىلىكلىرى اىلە، طبىعتىن گۈزلilikلىرى اىلە آرتىق ياناشىدېرىپ و احساسلى شعرلر ياردىپ.

من سئويرەم ...

من سئويرەم گۈزلىرىنى، يول لاريمى گۈزلەيندە

من سئويرەم دىيزلىرىنى، ايزلىريمى ايزلەيندە

من سئويرەم آل ياناقى، انتظاردا سارالاندا

من سئويرەم گىن اورەگى، حسرت ايچىرە دارالاندا

من سئويرەم قاراساچى، دوشونجەدن آغاراندا

من سئويرەم آغ بوخاغى، ياغىلرە باغيراندا

¹ - فضيل عياض

من سئویرهم یاشاییشی، عشقی ایچون اولهن زامان
 من سئویرهم شیرین جانی، دوزیولوندا وئرنده جان
 من سئویرهم قادینلاری، دایاناندا مرد پئریندە
 من سئویرهم هجرلری، نبی لرین سنگریندە
 من سئویرهم سارالاری، سئل ساچینی دیدهن زامان
 من سئویرهم چوبانلاری، سئل آردینجا گندهن زامان
 من سئویرهم «یورغون» لوغو، صباح لارا يول آچاندا
 من سئویرهم آلیشماغى، قارانلیقىدا نور ساچاندا

آیریلیرام
 بوران دى يوللارىم، قاردى مقصدىم
 اىستەمیرم سنى اونودوب گئدىم
 بلکه بو تېزلىكىدە گله بىلمەدىم
 اوميدىينى دولدور قويدوغوم اىزدە
 اوتور يول اوستوندە يولومو گۆزدە (گۆزلە)

خيالىن آخركىن دىلييمىن اوستە
 سانكى طوفان قوبۇر كولومون اوستە
 باخىشىن گول اولسۇن بولومون اوستە
 صداقتلى دايىان وئردىيىن سۆزدە
 اوتور يول اوستوندە يولومو گۆزدە

دونيادا هر كىيمىن بىر قىسمتى وار

بىرىنە قىش دوشەر، بىرىنە باھار
نىنە يەك بىزەدە دوشوب انتظار

بىر اوجو بىزدەدېر بىر اوجو سىزدە
اوتور يول اوستۇندە يولومو گۆزدە

سنى سوسىدۇرماسىن نە بوران نە قىش
خىالىيم لا قايىنا، عشقىيم لە آلىش
ائشىدىسن اولمۇشەم سىن آلاھ چالىش
آنام كىدەرلەنر آغلاما بىزدە
اوتور يول اوستۇندە يولومو گۆزدە

آغلاما سئوگىلىيم گىندرگى بىك بىز
آنچاق گىتمە يەجك بىزدىن قالان اىز
آيرى بىر دونيادى اورەك لرىمېز
يوبانما باھاردا، ياتما پائىزدە
اوتور يول اوستۇندە يولومو گۆزدە

وارلىغىن سۈنسەدە اوزۇن دۈنەمىسىن
ھەمّىتىن اوجادىر چالىش يئىنەمىسىن
گۆزون يورو لىسادا مور گولنمەسىن
عشقىن دالدا سىندا دردىنى گىزدە (گىزلە)

اوتور يول اوستۇندە يولومو گۆزدە

قايدام محبىت دېر، اونىچون ساغام

باسیلماز قلعه یەم، ایسلەز داغام
بیر یوللوق گئتمیرەم قاییدا جاغام
سنی خیطاب ائدیر روحوم بو سۆزدە
او تور یول اوستوندە یولومو گۆزدە

«یورغونام» چوروتسەم مین دەنە کفن
دئسەلر اولموشەم اینانما گینەن
بیر زامان قاییدىپ گله جەيم من
حیات تاپاجىيام دوز عشقىمىزدە
او تور یول اوستوندە یولومو گۆزدە

منىم عالەمیم
آيرى بير عالم دير منىم عالەمیم
اوردا نە خزان وار نەدە قار ياغىر
دىلىمىن، ئەلمىن، اولو يوردو مۇن
ھر بير بوجاغىندان ايفتىخار ياغىر

صداقت سوتونو اىچىرىدىپ آنام
اولمايىب وار سۆزە يوخ دئىيب آنام
دوغوردان دا صداقتلى انسانام
دىلىمدىن ئىللەرە اعتبار ياغىر

صىراقام، ئىللەرى او توب كىچىرىم
اصليل انسانلارى سۆيىب سىچىرىم

وارليق زمىسىندن وارليق بىچيرەم
سۇزومدن، اۇزومدن بوتون وار ياغىر

«بۈرغۈنام» گىرسەمەدە ئىلى، اۋلەكەنى
ھله بۈرمابىسىدى بى گىزمك منى
يول اوستە گۆزلۈرم بېر فېرىشىتەنى
گۆزومون كۆكۈندىن انتظار ياغىر

نەدىن؟

سن بۈل دا
من يول اوستوندە
سن يوبانىن
من يوباندىم
عۇمرىمۇزو موقتە موقتە
كىيم يوباتدى گۆرەسىن؟
سن؟
يا من؟

قوى آياغىن آلتدا اولوم
قىيرمىزى آلمىيا چىچككە نەرەم
تىكى سن قوناسان بوداغىم اوستە
شان شان اولموش سىنەم، پىتە يە دونر
شەھدىنى دامىزسان دوداغىم اوستە

عومور تلىسىسەدە طالع يوبانىر

هلهده یول اوسته حسرت دایانیر
 دردین سیلله یئری او زومده یانیر
 گل وصال یاشی اول، یاناغیم اوسته

ایلیشیب خزاننا سولسادا گولوم
 سنین یاز پاییندی، سینندی گولوم
 قوی آیاغین آلتدا، ازیلیم، اولوم
 خزهلم آددیم باس یارپاغیم اوسته.

آراز

حسین زارعی، «آراز» تخلوصلو شاعر، 1358 – نجی گونش ایلی اهر شهرینده
 دونیایه گوز آچیب، 15 یاشیندان شعر دئمگه باشلاییب. او ایندی «حقوق» رشته سینده
 تحصیلاتین ایدامه وریر. «آرازین» ایلک تجربه‌سی «آراز کیمی» آدیلا بیر شعر
 توپلوسو اولوب. بو شعر لرده رومانتیک، فلسفه، انسان سئورلیک ژانرلری چوخ گوژه
 گلیر.

دونیاسین

یاشایشدا بو قایدادیر عزیزیم
 کچ آنلایان، کچ تاپاچاق دونیاسین
 قفلت اویغوسوندا بیر عؤمور یاتان
 یقین بیل کی، گئچ تاپاچاق دونیاسین

چالیش حله قودرت وارکن آیاقدا
 دار گونوندہ ائل ده دورسون دایاقدا
 یوخوسوندا داری گورهن تویوق دا

آيىلاندا، آج تاپاجاق دونياسىن

آى «آراز» دئمەكى ظولمە يوخ چارا
 خلقە تور قورانلار دوشەجك تورا
 حاق، ناحاققى مغلوب ائدەندن سورا
 ظولمكارلار پوج تاپاجاق دونياسىن

قېيرلر

دوزولوب قارشىمدا گوز ياشى كىمى
 باخ گۇر نئجه گلىر، گۈزە قېيرلر
 حياتدا انسانىن يادداشى كىمى
 گىتدىكىجە كەنەلير تزە قېيرلر

نه فرعون، نه قارون، نه مصر، نه عزيز
 يو داشلار اوئوننە چوکە جىكدى دىز
 هر تىكىتىمېزى اوجالدىقجا بىز
 يقين كى گولورلر بىزە قېيرلر

ئئىنه دىز دونيادا آل قوماشلارى
 گىتدىز آغ كىنى، مرمر داشلارى
 ابدى متزىلىن كىرا كىشلىرى
 موبارك . . . تىكىلىپ سىزە قېيرلر.
سئوگى آدلى تانىش
 يئنه يادا دوشدو بىاض بىر گئىجە
 يامان گون تك عؤمورو آز بىر گئىجە

خاطیر لاردان اوندولماز بیر گئجه
کندین اوسته گُوروشوموز وارییدی

بیزه یاد گلبردی اینتظار، دُوزوم
قارشیدما دورموشدو گئجه م گوندوزوم
او منیم من اونون و دونیا بیزیم
گُوز باخدیقجا اوروشوموز وارییدی

نه وئجیمیزه یدی او، غرورلو دان
یئرین سینه سینی سوکه جک هاچان؟
حسرتدن گویلرین اولدوزلاری جان
آلنیمزا قیریشیمیز وارییدی

گئجه نین سیرلری نه بیدی بیلدیک
قدس یئرلرین اوپوب ایبلدیک
آی پاسلی اوره کلر بیز تک دئیلدیک
سئوگی آدلی تانیشیمیز وارییدی.

او شوم گنجه، اجل گلدى بو کنده
بو سبوتون ایسته بی او بانین، ائلين
کندین قیزلا رینا با جییدی حسرت
آنامین اور کدن سئودبی گلین
آنامین باشینین تاجییدی حسرت

سارىشىن، مئھرىيان، عشقىن اوزى الى
 سارادان آبرىلى، لىلى دن دلى
 هر دلى شاعيرين شعرى، غزلى
 دونيانىن باشلانان اوجىيدى حسرت

بىر شوم گئجه پايزىز گلدى بولى كندە
 ايتكىن أجل ... مرموز گلدى بولى كندە
 ماوى باخىش نە قىز گلدى بولى كندە
 او اولمادى، آخى اوجايىدى حسرت

او گئجه صوبىحەدك گوزوندە ياتدىم
 اووجوندا سو اىچىب دىزىيندە ياتدىم
 ائلە بىل جىنتتىن دوزوندە ياتدىم
 او گئجه باشقابىر گئجه يىدى حسرت

خىالىكىن، بويانا يولو دوشمىشدو
 ياديمدا داغلارا دولو دوشمىشدو
 سانكى اون ايللىقى دالى دوشمىشدو
 سانكى ئىچە ايللىك قوجايىدى حسرت

سوروشىدوم! كىچىددىن سرت روزگارى؟ ...
 زەر روزگارى، درد روزگارى
 منىم روزگارىم «ايت» روزگارى

سینی روزگارین نئجه ییدی حسرت؟!

گوروش وار گویلرده ...
 سالام! بولوتلاردان منه زنگ ائدن
 سن منه يوخومو خاطرلا迪سان
 بير گۆز ووروموندا اليمند گىدىن
 واريمى يوخومو خاطرلا迪سان

دانیش گنجلىيىمەن ايتىن گونلرى
 ايھر دانىشىقىن مىيىنت دىيىلسە
 شانسىدان دوتۇرغۇن او نېرەلرى
 ذهنىيىدىن اونوتما زەمت دئىيىلسە

قوى بو نفس لرى ايستى ساخلاياق
 گۈروشە تلسىمك حلهلىك تئزدى
 دانلاما! قورخورام اوز — اوژە گلسىك
 بىرىمېز اينجىديك بىرىمېز بىزدىك

ياديمدان چىخمامىش حىسىئىنه تاپشىر
 گوروش وار گویلرده بو گلن جوما
 بىرده كى سن آللاده سىسىئىنه تاپشىر
 داھا گىرمە سىنلر منىم يوخوما

گۈرمەيە غريب اولكە
 او گۆزلرین صاحبىي منى اونوتماز يقىن

راحت يوموب گوزلرين، گئجهنى ياتماز يقين
من اونو آتسام حله او منى آتماز يقين
اوندسادا قورخمورام

منيم دوغما قارداشيم
دوغما باجىم دېيىلکى

او قاشلارين صاحيبى يولومو گوزلر منيم
روحو كىشىك چىم او لار گئجه گونوزلر منيم
سنله، طبىعىي تانير بوتون دىنيلر منيم
اولماساندا قورخمورام

شوکور اولسون آلالاها
احتياجىم دېيىلکى

دېيىلرلىكى گزمه گە غريب اولكە ياخشىدى
معطلەم، حئيرانام، بىلەم ... بلکە ياخشىدى
آنچاق وطنين سئومك، اولو توركە ياخشىدى
آخى اوزگە بىر ديار

منيم شرف بايراغىم
شۇھەرت تاجىم دېيىلکى.

عزىزپور

مليحه عزيزپور 1358 - نجى گونش ايلينىدە «اهر» ده دوغولموش و 3 ياشى
واركن عايىلەسىلە بىرلىكىدە «تبريز»ه كۈچمۇشلار. ايلك اورتا و اورتا متوضىطە

تحصیلاتینی تبریزده باشا چاتدیردیدان سونزا، 82 – نجی ایله «عمومی پئییکو لوزیا» رشته‌سینده، لیسانس آلیبدیر. اونون ایلک شعر توپلوسو «یاغمور» آدیله 1382 – ده ویئنه «دمیر سوگی» آدلی کیتابی 1383 – ده و «گوی گۆزلو تانری» آدلی کیتابی 1386 – ده ایشیق اوزوگۆروب.

سربست شعرلر (1)

وارلیغیمین چرچیوهسى دورد میسمارلا برکینیبدیر
بیرى تانرى
بیرى آنام
بیرى اومود
بیرى سى ده ...

یوخلوغونون اوچوروموندان آسیلمیشام
سون میسمارىم!
قرتار منى
بو، اوچوشدان ...
(2)

"وقرخاق قادین لاردان نیفرت ائدهرهم"
دئیردى،
تومان آلتیندا گیزلهنهن
کیشى ...
(3)

...

گۈزلرین
 «خان اصلی» دىر
 اورهگىم
 «يانيق كرمى» ...
 (4)

«فضولى» ديوانى دىر
 «نسىمى» شعرى دىر
 «نباتى» غزەلى دىر
 گۈزلرین ...
 (5)

خزل لى پايزى!
 دئسم
 سنى ياشىل گىيىملى يازدان
 داها چوخ سئويرەم
 اينانار مىسان؟
 بىلمىرەم
 شاعيرلىك چاغى اولدوغوندان مى
 يئر اوزھرين آلتىن رنگىنە بويايدىغىندان مى!
 يوخسا
 ياغمورلو صاباحلارىندان دىر
 كونلۇمده او توردوغۇن!
 بۇ، ايستەييم
 ندەن اولور، اولسون
 آنجاقى

منیم ایچین

فصیل لر ایچره

سولطان سن – سن

(6)

سئوگیلرین بازار گونو

بیزدە

آلیش – وئریش یاپدیق

او

بیر باخیش گونش وئردی

منیسه

بیر داملا، دنیز.

(7)

سندن قالان

يالنیز

آیاق ایزلرین

أونودا

ياغمورلار آلاجاق مندن.

(8)

کتشگە اونوتما ياسان

او، ياغمور سوز سوکاقلاردا^۱

ایسلامندىغىمиз آنلارى

¹ - سوکاقدا: کوچه

باياتى لار»
 اليىنده ساز او لا يديم
 ديلينده سوز او لا يديم
 قيشدان كدرله ننده
 باغچاندا ياز او لا يديم

طاباقدا او زوم قالدى
 يئمه ديم گۈزۈم قالدى
 يار منه گۈز ائىلەدى
 آغزىمدا سۈزۈم قالدى

عازىزىم قاشىن قارا
 قاشىندان ساچىن قارا
 آساجاق منى بىرگون
 او قارا ساچىن دارا

وئر يارانى داغلايىم
 مالهم قوبىوم باغلايىم
 من آغيت باشار ميرام
 سن او خشا من آغلايىم.

تورک قیزی

عهديه وحيدی ليجین، 1361 – نجي گونش ايلى، ورزقان محالينين «ليجین»
كندىنده آنادان اولوب. عهديه خانم، كى شعرلىيندە «تورک قیزى» تخلوصوندن
فايدالانير، شعر يازماقدا آذربايچانين بىوك شاعيرلرى: بهمن وطن اوغلو، شجاعت و ...
لردن ايلهام آليب و آخيجى شعرلر يازىر.

عهديه خانيمىن، بيرينجى كىتابى «اولموشام بير عؤمور گىلىئلى سىدىن» آدىلا،
1386 – نجي اىلده يايىلىپ و اونون قوشما و باياتىلارين احتوا ائدib.

آذرباچان

ائله باغلانمىشام آذرباچانا
مېن كرە سويسالار، سو يولمارام من
قارىشىشام تورپاغينا، داشينا
ها سئل لر چاغلاسىن، يويولمارام من

او منه آنادىر، من بير ائولادام
آندا تورپاغىمدا دئمەرم يادام
اورە گىيم ايپە كدى، او زۇم پۈلەدام
سېنىسام، دوز سېنارام، اىيلەرم من!

«تورک قیزى» اوجالدار شۆھەرتىين شانىن
يوردونا صاداغا ائيلەير جانىن
آدى اوستومدەدى آذرباچانىن
باشقابىر آدلارلا، دئىيلەرم من!

يازىقلىغىم گلير

چووغۇن گلىبىدى چەمەنە
چۈلە يازىقلىغىم گلير
چال تىكانى، چىچك آچىر
گولە يازىقلىغىم گلير

نوکىلر اولوبدو آغا

حۋىرمەت ئىلەمېر قۇناغا
چىيان چىخىبىدى ياناغا
خالا يازىقلىغىم گلير

بولبول لر چەمەنەن چاشىر

آلاقارقا نغەمە قوشۇر
ايى لى گۆللەر آشىب داشىر
سئەلە يازىقلىغىم گلير

ھەرىئەن اولوبدو كاتدا

كىندى چىكەجىكدى اودا
اڭلدار اولوبدو لات — گئدا
ائىلە يازىقلىغىم گلير

«تۈرك قىيىزى»، اون اوچون ياسدادى

كۈنلۈ اول دردەن خىستەدى
لال لار اولوب سۆز اوستادى

دیله یازیقليغىم گلير

يالوارا – يالوارا
 آستايئرى گئدن ديلبر
 گلىم يالوارا – يالوارا
 پونهان سؤزوم بيان ائديم
 گولوم يالوارا – يالوارا

ايلقار وئردىن آيا گونه
 اووهك سؤزوم بىلدىن يئنه
 قول آچ قوللاريم گردنە
 سالىم يالوارا – يالوارا

«تورك قىزى» نىن، دين ايمانى
 عشق اودونا سالدىن جانى
 ايذن وئرسن يار، قادانى
 آليم يالوارا – يالوارا

«ساز او لايدى»
 كېتشىگە بو دوز يوللار كىمى
 انسانلاردا دوز او لايدى
 سؤز گزدىرىپ، آرا ووران
 بو دونىدا آز او لايدى

چوخ اولايدى دردى قانان
 انسانلىギ دوغرو سانان
 حقىقىتى دويوب، آنان
 حاڻى گؤرهن گۈز اولايدى

گونش ساچا چم يئرينه
 درد گلمه يه دم يئرينه
 كينه – كدر – غم يئرينه
 شىرىين صوحبت سۆز اولايدى

ائله قورباندى «تورك قىزى»
 گوندە نئچە مىن يول آزى
 بودور كۈنلۈمەكى آرزى
 ائلين كىنى ساز اولايدى

باياتيلار
 من عاشيغام ائله من
 شانه ايديم تئله من
 نه قاشديم تايى توتدوم
 نه قارىشديم ائله من

من عاشيق وطن آدى
 ايسته يىيم وطن آدى
 با غريمىن باشى گۈينر

دو تولسا وطن آدی

سالدین چۆللرە منى
 دىلدىن دىللىرە منى
 پىس يئرە آتىپ گئىتدىن
 وئردىن اللرە منى

من عاشيق او زوم بارى
 آغاچ دا او زوم بارى
 ئالايم فلك قويىمادى
 بيرگوله او زوم بارى.